



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatus De Libertatibvs Ecclesiæ Gallicanæ**

**Charlas, Antoine**

**Leodii, 1684**

Liber Nonus In Edmundi Richerii Libellum de Ecclesiastica & Politica  
potestate.

**urn:nbn:de:hbz:466:1-38227**

## LIBER NONUS

In Edmundi Richerii Libellum *de Ecclesiastica & Politica potestate.*

I.  Uia occasione Declarationis Comitiorum Cleri Gallicani , quam discutimus, libelli Edmundi Richerii *de Ecclesiastica & Politica potestate* Vindiciæ nuper publicatæ sunt , quasi eadem essent utriusque fundamenta , hoc libro illius Libelli dogmata , licet à multis Scriptoribus jam confutata , & pluribus Censuris inusta , persequi cogimur , præfertim cum Richerius suis principiis Libertatem Ecclesiæ Gallicanæ , de qua nobis est sermo , imo & Catholicæ , contineri affirmet ; neque ita minutum sit ab aliquo confutatus .

II. Sed notandum in primis , magnum Illustrissimorum Antistitutum Gallicanorum Declarationi odium potius quam robur conciliari , cum doctrinæ ab Ecclesia Romana , à Conciliis Provincialibus , & ab Universitate Parisiensi damnatae , nec non à Rege Christianissimo eliminatae , atque à pluribus magni nominis Scriptoribus impugnatae , præsidio indigere creditur .

C A



C A P U T   P R I M U M.

*An Jurisdictio Ecclesiastica primariò, ac essentialiter Ecclesiae: Romano autem Pontifici, atque aliis Episcopis ministerialiter tantum, sicut facultas videndi oculo, conveniat: ad duos primos numeros Libelli Richeriani.*

1. Richerius num. 1. totius doctrinæ suæ circa potestatem Ecclesiasticam fundamentum ponit, quod est hujusmodi; Tota jurisdictio Ecclesiastica primariò, propriè ac essentialiter Ecclesie convenit: Romano autem Pontifici, atque aliis Episcopis instrumentaliter, ministerialiter, & quoad executionem tantum. Ut convenienter ac consequenter loqueretur Richerius, secundam propositionis partem hoc modo debuerat efferre; Romano autem Pontifici, atque aliis Episcopis, secundariò inpropiè, atque accidentaliter tantum. Nam primariò respondet secundariò; propriè opponitur inpropiè; essentialiter contradistinguitur accidentaliter. Itaque summus Pontifex non habet suam jurisdictionem à Christo, sed ab Ecclesia, cui primariò collata fuisset; Non haberet ipse propriè jurisdictionem, sed inpropiè: quia illam nomine Ecclesie, ac delegatà tantum autoritate exerceret. Accidentaliter dumtaxat penes ipsum esset jurisdictio, & posset Ecclesia ejus exercitium alteri, puta simplici Presbytero committere; quod contra communem Ecclesiæ sensum esse statim apparet, & pugnat cum aliis Richerii verbis.

2. Sed assumenda est jam propositio prout jacet; ut scilicet jurisdictio conveniat Romano Pontifici, atque aliis Episcopis instrumentaliter, & quoad executionem tantum. Quare igitur quænam sit causa principalis, cuius summus Pontifex, atque alii Episcopi sunt instrumenta? Quis est Dominus, cuiusipsi sunt Ministri? Quis est Judex, cuius ipsi sententias exequuntur? si Christum causam principalem, Dominum, ac Judicem intellectus, verum sensit: sed sibi contradixit. Nam instrumentum à causa principali vim agendi recipit immediatè, Mi-

536 TRACTATUS DE LIBERTATIBVS  
nister, & Executor à Domini vel Judicis imperio , aut ju-  
dicio facultatem suam atque autoritatem immediatè mutuan-  
tur. Quomodo igitur tota jurisdictio Ecclesiastica primariò,  
propriè , ac essentialiter Ecclesiæ conveniet ? Nisi forte idem  
pluribus rebus , ut inter se distinctis , possit competere pri-  
mariò . propriè ac essentialiter. Si vero causa principalis, Do-  
minus , ac Judge est ipsa Ecclesia ; summus Pontifex , atque  
alii Episcopi non sunt , nisi instrumenta , Ministri , & execu-  
tores Ecclesiæ , non autem Christi , nisi Ecclesià mediante.  
Hoc autem est contra definitionem Martini V. Papæ , & Con-  
cilii Constantiensis , hanc Wiclefi propositionem ordine tri-  
gesimam septimam condemnantium ; Nec Papa est proximus &  
mediatus Vicarius Christi , & contra plurimas Facultatis Theologiz  
Parisienfis declarationes.

3. Responderet fortassis Richerius , Christum quidem im-  
mediatè deditur jurisdictionem toti Ecclesiæ : ita tamen ut  
ipsem assignarit illius instrumenta , Ministros , & Execu-  
tores , Romanum Pontificem , atque alias Episcopos. Sed  
recurrat difficultas , cuius scilicet virtute agant illa instrumen-  
ta , cuius nomine , atque autoritate , illi Ministri & Execu-  
tores ? Verum expendenda sunt argumenta , quibus probat ,  
totam jurisdictionem Ecclesiasticam primariò , propriè , ac essentialiter Ecclesiæ  
convenire. Palmare illud est , à quo suum orditur Tractatum  
Vulgare , inquit , atque indubitate fidei axioma , Deum & naturam prius  
aque immediatius ad totum suppositum , quam ad aliquam partem suppositi ,  
quamvis nobilissimam intendere : eamq; ob causam , facultatem videndi , v.g.  
toti datam esse homini , ut per oculum tanquam per organum & Ministrum  
hominis exerceatur : nam per , & propter hominem existit.

4. Inepita est comparatio Ecclesiæ cum supposito , non so-  
lum quia suppositum est quid singulare , Ecclesia autem in-  
tegra communitas ex multis ac diversis suppositis constans ;  
sed etiam quia , si Ecclesia cum aliquo supposito , seu homi-  
ne singulari conferatur , non erit ipsa suppositum , sed pars  
suppositi. Est enim Ecclesia corpus mysticum , cuius spiritus ,  
ac velut anima est ipsem spiritus Christi , Spiritus Sanctus. Unde sicut corpus hominis non est suppositum , sed pars sup-  
positi ; ita Ecclesia corpus quidem dici potest , non autem  
suppositum , si consideretur seorsum à Spiritu quo vivificatur.

Unde

Unde consequitur ulterius, quod sicut falsum est, quod totum corpus hominis videat, licet verum sit, quod homo, vel anima videat per oculum, tanquam per organum & ministerium: ita licet dici posset Romanum Pontificem, aliosque Prelatos totius Ecclesiæ organa & ministros esse, si cum omnibus, qui Ecclesiæ corpus conflant, intelligatur etiam spiritus Christi, à cuius virtute procedit autoritas Pastorum Ecclesiasticorum, quique cum ipsis baptizantibus baptizat, cum ipsis solventibus, vel ligantibus solvit, aut ligat; qui denique totius Ecclesiasticæ jurisdictionis Institutior est atque primus autor; tamen falsum est Ecclesiæ Pastores, cùm in suos subditos jurisdictionem exercent, ipsorum subditorum, aut etiam omnium simul fidelium, atque in eo sensu Ecclesiæ mera existere organa.

5. Confundit Richerius finem jurisdictionis cum ejus subiecto. Christus Sacraenta, jurisdictionem, & cætera omnia propter totius Ecclesiæ corpus, non autem propter unius aliquius membra, quantumvis excellentis, bonum contulit. Non enim constituta est Ecclesia propter summum Pontificem, sed potius summus Pontifex propter Ecclesiam, sicut non fabricatur corpus propter caput, aut cor, sed potius caput, cor, & alia omnia membra producuntur, ut corpus integrum ac perfectum efformetur. *Omnia enim, inquit B. Paulus 1. Corint. 3. ver. 22. relatus à Richerio, vestra sunt, sive Paulus, sive Apollo, sive Cephas, sive Mundus, sive vita, sive mors, sive presentia, sive futura. Omnia enim vestra sunt: vos autem Christi: Christus autem Dei.* Atque in eo sensu certum est; Christum prius, immediatus, atque essentialiter claves, sive jurisdictionem toti dedisse Ecclesiæ quam Petro: quia scilicet ultimus finis, atque adeo in intentione prior, immediator, & essentialior Christi Ecclesiam instituentis, fuit ipsis Ecclesiæ corporis, non autem solius ejus capitis, aut aliorum præcipuorum membrorum, bonum. At non est quæstio, cui, idest, pro cuius bono, aut propter quem finem; sed cui tanquam subiecto; cui tanquam cœconomo, dispensatori, ac suo Vicario Christus immediate contulerit potestatem solvendi vel ligandi? Richerius affirmit, autoritatem illam toti corpori Ecclesiæ immediate collatam; ejus autem usum dumtaxat & exercitum summo Pontifici,

Y y y &

538 TRACTATUS DE LIBERTATIBVS,  
& aliis Pastoribus tanquam ministris commissum , illamque  
sententiam sibi cum schola Parisensi communem esse jactat.  
Scholæ Parisensis sententiam expendemus inferius. Audi-  
mus modò Richerii probationes.

6. Numero secundo claves B. Petro , nomine totius Ec-  
clesiæ , promissas his verbis Matth. 16. Et ego tibi dabo claves  
Regni Cælorum , vult ordini Hierarchico fuisse collatas : pri-  
mum Matt. 18. his verbis ; *Dic Ecclesia* , &c. Verum Eccleiam  
illic non pro universorum fidelium cœtu , sed pro Superiori-  
bus Ecclesiasticis sumi docet S. Joannes Chrysostomus homil.  
61. in Matt. ubi hæc verba ; *Dic Ecclesia* : sic exponit ; Presi-  
libus scilicet ac presidentialibus. Absurdum esset ita vocem illam , *Ecclesie* ,  
interpretari , ut Christus voluerit reos incorrectos apud  
universum fidelium cœtum accusari. Primò quia impossibile  
est , ut omnes congregentur in eundem locum. Secundò quia  
plerique , ut mulieres ac plebeii non solum potestate , sed  
etiam Scientiâ carent. Tertiò quia per Ecclesiam Christus sig-  
nificavit illos tantum , quibus statim dixit ; *Quicumque alliga-  
veritis super terram ligata erum & in Cælo* ; hoc est non omnem mul-  
titudinem , sed solos Apostolos , quibuscum loquebatur ,  
corumque successores. Quartò denique quia constans Eccle-  
siæ usus est , ut peccatores apud Prælatos Ecclesiasticos , non  
apud multitudinem , accusentur ; nec etiam apud omnes Præ-  
latos simul ac collectivè : alioquin enim convocandum esset  
Concilium Oecumenicum , quoties Christianus secretò , ac  
coram testibus frustrâ correptus , Ecclesiæ denuntiandus es-  
set , sed apud solum ejus , qui corripiendus est , Pastorem.  
Quamobrem S. Thomas 2. 2. quæstione 33. art. 8. ad tertium  
argumentum ab autoritate S. Augustini in Regula desumptum ,  
ubi in ordine correctionis fraternæ , peccatum prius Præ-  
fito , quam testibus manifestari præcipitur , respondet , *Quid*  
*Augustinus intelligit* , *quod prius dicatur Prelato* , *quam testibus* , *secundum*  
*quod Prelatus est quedam singularis persona* , *qua magis potest professe quam*  
*alii* : *non autem quod dicatur ei* , *tanquam Ecclesia* , *idei sic ut in loco iudi-  
cii residenti*. Ac reverâ tam apertè hunc sensum præferunt ver-  
ba S. Augustini , tamque apertè alludunt ad prædictum Evan-  
gelii locum , ut nullum possit esse dubium quin per Eccle-  
siam , Superiorem Ecclesiasticum , seu Canonicum intelle-  
xit;

rit; hæc sunt regulæ verba cap. 23. Antequam aliis demonstretur, per quos convincendus est, si negaverit, prius Præposito debet ostendi, si adnotatus neglexerit corrigi, ne forte posse secretius corruptus non innoscere ceteris. Si autem negaverit, tunc neganti adhibendi sunt alii, ut jam coram quibus posse, non ab uno teste argui, sed à duabus, vel tribus convinci. Conclitus vero secundum Præpositi, vel etiam Presbyteri, ad cuius dispensationem pertinet, arbitrium, debet emendatoriam subire vindictam, quam si ferre recusavit, etiam si ipse non abscesserit, de vestra societate projiciatur. Dicitur ergo Ecclesiæ, dum dicitur Prælato tanquam Judici: quia Ecclesia est in Prælato, sicut in capite.

7. Nec obstat primorum Ecclesiæ sæculorum praxis, cum in fidelium cœtu denunciabantur, & censurâ Ecclesiasticâ percellebantur peccatores incorrecti, ut colligitur ex B. Paullo 1. Corint. 5. Ego quidem absens corpore, præsens autem spiritu, jam IUDICAVI, ut presens, eum, qui sic operatus est in nomine Domini nostri Iesu Christi, congregatis vobis & meo spiritu cum virtute Domini nostri Iesu, tradere hismodi Satana in interitum carnis. & ex Tertulliano apologetic. cap. 39. Coimus in cœtum & congregationem . . . ibidem etiam exhortationes, castigationes, & censura Divina. Nam & judicatur magno cum pondere . . . sumunq; futuri judicij præjudicium est, si quis ita deliquerit, ut à communicatione orationis, & conventus, & omnis sancti commercii relegateatur. Hæc, inquam, praxis, non obstat iis, quæ diximus. Judicandi enim autoritas non erat penes fideles quoscumque, sed penes Pastores. Judicavi, inquit S. Paulus, non autem judicarunt quicunque congregati erant. Et Tertullianus post supra relata verba, nullo interposito prosequitur; Præsident placati quique Seniores honorem istum, non pretio, sed testimonio adepti. Neque enim pretio illa res Dei constat. Itaque sicut in Christianorum cœtibus soli Præfecti Ecclesiastici prædicabant, & alias functiones sacras exercebant, ita & poenæ spirituales decernebant. Populus autem aderat tantum ut testis & approbator, atque ut quod Pastores decernebant, quodque ad se attinebat, exequeretur, v. g. in vitandis excommunicatis.

8. Secundò, Ecclesiæ datas ait Richerius claves per realem missionem, de qua Luc. 10. legimus; Designavit Dominus, & alios septuaginta duos: & misit illos binos ante faciem suam, in omnem civitatem, & locum, quod erat ipse venturus. Verum hæc discipulorum missio, jurisdictio propriè nuncupari non potest. Non enim

Y y 2 mit-

540 TRACTATUS DE LIBERTATIBVS,  
mittebantur ad regendum populum , sed ut illum ad Christum  
cum fructu suscipiendum præpararent ; mittebat namque il-  
los tantum in civitates & loca , quod erat ipse venturus . Sed  
demus missione illam , jurisdictionem fuisse : an inde legi-  
timè concludet Richerius illam discipulis individuè & collectivè  
datam ? Nonne potius significant illa verba ; Misit illos binos ,  
quod singuli discipuli non erant tantum instrumenta , Minishi ,  
& executores totius Collegii , sed Christi . Adde quod illa mis-  
sio erat tantum temporanea , ad præparandum , ut diximus ,  
populum adventui Christi .

9. Afferit deinde hæc Christi verba in Evangelio S Joannis  
cap. 17. recitata ; *Sicut me misit in mundum , ita & ego eos misi in mun-  
dum , & pro eis sanctifico me ipsum , ut sint & ipsi sanctificati in veritate ,  
ut & ipsi in nobis unum sint , ut credat mundus , quia tu me misisti , ut sint  
consummati in unum , &c.* Quibus verbis , inquit Richerius , liquido  
demonstratur Christum non tantum , & soli Petro , quam unitati infallibilem  
clavium potestatem detulisse . Erravit , aut decipere voluit Ri-  
cherius , his verbis Christi adstruens infallibilem clavium  
potestatem unitati delatam . Vel enim intelligit sub illa uni-  
tate comprehensos etiam laicos : & tunc error est asserte  
infallibilem clavium potestatem etiam ipsis delatam . Idque etiam ag-  
nosceret , videtur ipse Richerius , dum paulò inferius con-  
cludit hoc modo ; *Consurgit , totum ordinem Hierarchicum , Episcopali &  
Sacerdotali ordine , constantem , immediatè , proportionatè tamen , atque sub-  
ordinate suam potestatem , & jurisdictionem , hoc est , facultatem regendi Ec-  
clesiam à Christo derivare ; ubi jurisdictionem penes Episcopos , &  
Sacerdotes tantum reponit .* Sanè discrimen intercedere ne-  
cessere est , inter eos , qui regunt , & eos , qui reguntur : Si  
autem penes omnes fideles esset facultas regendi , quinam  
essent illi regimini subditi ? Nec enim concederet ipsem  
Richerius , ita tantum datam Ecclesiæ jurisdictionem , ut  
ejus regimen Democraticum sit , quale , aut etiam imper-  
ficiens sine dubio esset , si ejus participes essent quicunque  
fideles , etiam laici , ac mulieres .

10. Si autem Richerius his Christi verbis ; *Omnis unum sint ,  
scit ut Pater in me , & ego in te , ut & ipsi in nobis unum sint , ut sint  
consummati in unum , unitatem ordinis Ecclesiastici tantum signi-  
ficare voluit , ut indicat ejus conclusio , decipere voluit , ac  
fraue-*

fraudulenter prætermisit versum istum, Non pro eis autem rogo tantum, sed & pro eis, qui credituri sunt per verbum eorum in me, ut omnes nomen sint, quæ verba apertissimè declarant, unitatem illam non esse accipiendam de solo ordine Ecclesiastico, sed de omnibus fidelibus, neque de unitate in consortio jurisdictionis Ecclesiastice, sed de unitate charitatis; imò illa verba, sicut tu me misisti in mundum, & ego misi eos in mundum, non intelliguntur de missione jurisdictionis, quæ tunc collata sit, ut vult Richerius. Orabat enim tantum Christus pro Discipulis, ut servarentur à malo, quando cum mundo versarentur, atque tanto inter se animorum consensu agerent, ut hinc mundus agnoscet Christum à Patre missum, quippe qui tam intimam inter suos Discipulos concordiam statuisset. Totus ferè illius capituli contextus hanc præfert sententiam. Non rogo ut tollas eos de mundo, sed ut serves eos à malo, &c.

11. Citat etiam S. Cyprianum & S. Augustinum relatos 24. quæst. 1. Can. Quodcumque. Can. Loquitur. Can. Alienus. Sed illorum Patrum testimonia expendimus lib. 5. & 7. Addit Richerius hæc verba ex capite 20. Joannis; Sicut misit me Pater, & ego misi vos: accipite spiritum sanctum, quorum remissitis peccata remittuntur eis, &c. Unde concludit hoc modo: Quando igitur missio vera & realis est collatio jurisdictionis, autore Apostolo 10. ad Rom. quomodo igitur predicatum, nisi mittantur. Christus autem omnes Apostolos atque Discipulos, qui Episcopalem & Presbyteralem ordinem referebant, immediate, individuè, & collectivè misit, sicut à Patre suo, id est cum iusta & spirituali autoritate, ad Ecclesiam regendam necessarii missus fuerat: consurgit, utrum ordinem Hierarchicum, Episcopali & Sacerdotali ordine constantem, immediate, proportionatè tamen, atque subordinatè, suam potestatem, & jurisdictionem, hoc est facultatem regendi Ecclesiam à Christo derivare. Non immoramus circa discrimen missonis & jurisdictionis, quæ nonnulli distingui videntur, nec circa questionem, an omnes Apostoli suam à Christo jurisdictionem immediatè habuerint, quod etiam nonnulli, licet, ut videtur, sine sufficienti fundamento, negant. Modò enim tantum questione est, utrum Apostolos, & Discipulos, non solum immediatè, sed etiam individuè & collectivè, miserit, quod asserit Richerius. Verum, primò, si hoc probaret, sibi contradiceret. Hic enim, id est num. 2. statuit ordinem Hierarchicum, immediate ju-

542 TRACTATVS DE LIBERTATIBVS,  
risdictionem & facultatem regendi Ecclesiam à Christo deri-  
vare : in 1. autem num. tradit totam jurisdictionem Eccle-  
siasticam primariò , propriè ac essentialiter Ecclesia convenire: Romano au-  
tem Pontifisci , atque aliis Episcopis instrumentaliter , ministerialiter , & quod  
executionem tantum. Quomodo enim summus Pontifex & Epis-  
copi facultatem regendi Ecclesiam à Christo immediate de-  
rivaverunt , si eis comparatè ad Ecclesiam non competit ju-  
risdictione , nisi instrumentaliter , ministerialiter , & quod  
executionem tantum , Ecclesiæ autem primariò , propriè ac  
essentialiter ? An causa principalis regitur ab instrumento ,  
Dominus à Ministro , Judex ab executori ? An qui habet  
primariam , propriam . & essentialiē jurisdictionem , guver-  
natur ab eo , qui habet tantum facultatem instrumentalem ,  
ministeriale , ac executivam ? Secundò , si Christus Apo-  
los atque Discipulos , qui Episcopalem & Presbyteralem or-  
dinem referebant individuè & collectivè misit , non poterant quid-  
quam magni momenti agere seorsim , sed tantum omnes si-  
mul , vel saltē major eorum pars : sicut in Senatu non qui-  
libet , sed omnes vel plures simul Judices Senatus consulta-  
runt : si quando autem aliquid seorsim exequuntur , juris-  
dictione delegatâ se id præstare profitentur. At certè Apo-  
stoli in convertendis populis , in fundandis , ac regendis Eccle-  
siis , in ferendis vel tollendis censuris , &c. ab Ecclesia , vel  
à Collegio Apostolico delegatos se non præstabant. Imò  
S. Paulus non semel indicat , se ab Ecclesia non fuisse mis-  
sum , præsertim ad Galat. 1. Paulus Apostolus non ab hominibus neque  
per hominem , &c. Cùm autem placuit ei , qui me segregavit ex utero ma-  
tri mee , & vocavit per gratiam suam , ut revelaret Filium suum in me , ut  
evangelizarem ilū in Gentibus : continuò non acquevi carni & sanguini  
neque veni Ierosolymam ad Antecessores meos Apostolos.

12. Adjungit Richerius illud D. Pauli testimonium act.  
20. Attendez vobis & universo gregi , in quo vos Spiritus Sanctus posuit Epis-  
copos , regere Ecclesiam Dei. Verum neque in illo testimonio , ne-  
que in aliis à Richerio ex sacra Scriptura suprà relatis , ver-  
bum aliquod est , quod significet jurisdictionem individuè &  
collectivè Apostolis , discipulis , aut Episcopis datam. Pugnat  
cum ea sententia etiam locus S. Cypriani , quem citat Richer-  
ius ex 24. quæst. 1. can. loquitur. Si enim Episcopatus à fin-  
guis

gulis in solidum pars tenetur, si, ut ait alibi idem S. Cyprianus, habet in Ecclesiæ administratione voluntatis sua arbitrium liberum unusquisque Prepositus, rationem actus sui Domino redditurus; quomodo facultas regendi Ecclesiam data est ipsimet Ecclesiæ, vel etiam ordini Hierarchico individuè & collective?

13. Denique sententiam suam confirmat Richerius autoritate D. Bernardi lib. 3. de confid. ad Eugenium cap. 4. quod integrum legi optat. Id & nos optamus. Nam in eo capite D. Bernardus indiscretas exemptiones reprehendit, præsertim quod turbent ordinem Hierarchicum, qua occasione dicit, à Deo etiam esse alias à Papali potestates, sed nihil dicit, unde sequatur jurisdictionem convenire Romano Pontifici instrumentaliter, ministerialiter, & quoad executionem tantum? Quæ autem sit ipsius cù de re mens ipsem explicitat lib. 2. de confid. cap. 8. his verbis jam alibi relatis; Tu es cui claves tradita, cui oves credita sunt. Sunt quidem & alii Cœli janitores, & gregum Pastores, sed tu tanto gloriostor, quanto & differentius utrumque præ ceteris manu hereditatiſt. Habent illi sibi assignatos greges singuli singulos, TIBI VNIVERSI CREDITI, unius. Nec modo ovium, SED ET PASTORVM, tu unus omnium Pastor. Unde id probem queris? Ex verbo Domini. Cui enim non dico Episcoporum, sed etiam apostolorum sic absolute, & indiscretè tote commissa sunt oves? Si me amas Petre, pase oves meas? Quas: illius vel illius populos Civitatis aut Regionis, aut certi Regni: Oves meas, inquit. Cui non placuit, non designasse omnes? Nihil excipitur, ubi distinctione nihil. Sed & in illo ipso capite, quod citat Richerius, sanctus Doctor, licet moneat summum Pontificem, ut potestate suâ in concedendis indiscretè exemptionibus non abutatur; plenitudinem tamen potestatis ipsi non deesse confiterur; Sic faditando, inquit, probatis vos habere plenitudinem potestatis, sed justitia forte non ita. Facitis hoc, quia potestis, sed utrum & debeatiss quæſio est. Ubinam illam plenam potestatem, quam summo Pontifici competere fatetur, in cum ab Ecclesia derivatam afferuit?

14. Allatis sententiæ suæ probationibus, solvit Richerius duas objectiones seu responsiones sibi contrarias, quarum altera petita est à distinctione fori exterioris, & interioris, in quorum primo jurisdictionem aliqui negant à Christo immediate discipulis collatam, in secundo datam concedunt.

Sed

544 TRACTATUS DE LIBERTATIBVS,  
Sed cùm nos discrimen illud in Apostolorum jurisdictione  
non admiserimus , argumentum nobis minimè necessarium  
defendendum non recipimus. Quod addit se demonstraturum  
num. 6. facultatem excommunicandi immediatè creditam  
fuisse Ecclesiæ à Christo , circa illum numerum examini-  
bimus.

15. Altera objectio seu responsio est , potestatē jurisdictionis ,  
primitū quidem institutam & collatan Ecclesiæ à Christo , sed ea lege , ut  
postmodùm per Romanos Pontifices Petri Successores , propagaretur , atque aliis  
Episcopis communicaretur : eamq; ob causam omnem autoritatem istinc hanc  
repeti ac derivari. Jurisdictionem toti Ecclesiæ , prout Laicos  
etiam complectitur datam negamus : concedimus autem di-  
tam Apostolis , non individuè & collectivè juxta Richerii sensum ,  
itā scilicet , ut non exerceatur à singulis , nisi instrumentaliter , ministerialiter , aut quantum ad executionem ; sed itā  
ut possent vel singuli , vel omnes simul , eā uti ; cum hoc  
tamen discriminē , quod plenitudo jurisdictionis in B. Petro  
esset ordinaria , & ad suos successores transmittenda ; in aliis  
autem Apostolis extraordinaria , & delegata ; itā ut nullius  
corum successores in toto orbe indistinctè possent Ecclesiæ  
fundare , vel regere , sed in ea quisque dumtaxat parte , quæ  
sibi fuisset assignata. Nec contrarium probat Richerius.

16. Jurisdictionem etiam per Romanos Pontifices Petri  
successores propagari , atque aliis Episcopis communicari  
defendimus lib. 8. supereft ut responcionem à Richerio in  
hoc num. 2. allatam confutemus. Respondebis , inquit paxi Ec-  
clesia primitive & sacris Canonibus , exploratissimum esse collationes beneficio-  
rum , sicut nunc eas vocant , quadragecentis & mille annis , communī iure , hoc  
est sacrosanctis electionibus , factas : ratio est , quoniam omnis principatus , que-  
ad vim coactivam , ab hominum consensu pendet , ut lex Divina & naturalis  
confirmat. Ergo à tempore quo Ecclesiis Cathedralibus Regni  
Franciæ non providetur per electiones , Episcopi Gallicani  
nullam vim coactivam habuerunt , siquidem ferè semper  
haec tenus restitit Ecclesia Gallicana electionum abrogationi.  
Si Prælatorum potestas à subditorum consensu pendet , &  
illa dependentia lege Divina & naturali confirmatur ; cùm  
adversum eas , neque spatia temporum , neque privilegia locorum , neque Di-  
citatæ personarum unquam prescribere posint , nunquam poterunt Gal-  
li

li à suis Episcopis excommunicari , aut aliâ censurâ Ecclesiastica puniri , donec liberum consensum præstiterint. Adhuc enim certò non constat , an illi , ad quos pertinebat jus eligendi , liberè consenserint : cùm Clerum , aliosque Ordines videamus variis protestationibus & supplicationibus adversum electionum abrogationem intercessisse.

17. Sed nec electio , præsertim quando fit à populi communitate , jurisdictionem ante confirmationem absolutè Prælati tribuit ; atque adeò , nec jus condendarum legum , infiugendarum pœnarum spiritualium , &c. Quin etiam , si jurisdictione per electionem conferretur , sequeretur juxta mentem Richerii alium Ecclesiæ consensum desiderari , ut Prælati possent leges instituere , ac censuris plectere ; adhuc enim , ut ipse ait num. 8. Ecclesiam inconsultam , dissidentem , invitam vel inauditam obligare nequereunt : quia leges tunc instituuntur , cùm prouulgarantur , firmantur , cùm moribus utentium approbantur .

## C A P U T I I.

*De Ecclesiæ definitione à Richerio tradita ; De Ecclesiæ Capite , necnon de ejus statu & regimine. Ad num.*

3. 4. & 5. Richerii.

1. Ex his , quæ Richerius duobus primis numeris superiore à nobis capite discussis , ceu fundamenta jecit , qualdam conclusiones , quas ille principia vocat , directè & necessariò se colligere afferit. Primum illud principium est Ecclesiæ definitio , quam toti operi præfixam hic num. 3. repetit ; scilicet ; Ecclesia est politia Monarchica , ad finem supernaturalem spiritualiē instituta , regimine Aristocratico , quod omnium optimum & naturæ convenientissimum est , temperata à summo animatum Pastore Domino nostro. Si Joannes Launoius eodem affectu fuisset erga Richerium , quo erga Bellarminum , in hanc definitionem justiori zelo inventus fuisset , quam in eam , quæ à Bellarmino tradita est. Qui enim integrâ & prolixâ epistolâ , quæ est in par. 8. &c ad Nicolaum Gatinæum inscribitur , tot tantaque testimonia congregavit , ut probaret in Ecclesiæ definitione non con-

Z z z

néri

546 TRACTATVS DE LIBERTATIBVS,  
neri ejus statum , aut regimen , cuius in ea describenda me-  
minerat Bellarminus , quomodo putandus est probasse defini-  
tionem , quæ nil aliud , saltem directè , complectitur? sed  
infensus erat Papæ Monarchia Richerius ; eam propugnabat  
Bellarminus : idè libentibus ulnis exceptit illius dogmata  
Launoius , quæcumque exceptit ; quæ non potuit excipere ,  
subticuit : Bellarmi , si quos invenire potuit nèvos , quam  
diligenter explicuit , doctrinam , exemplo Richerii , quanto  
valuit conatu , licet parum efficaci , impugnavit.

2. Posset tamen veram habere sententiam Richeriana Ec-  
clesiæ definitio , si sanè intelligeretur . Verus enim ejus sensus est , Ecclesiam esse communitatem ab uno solo supremo  
Pastore gubernatam , nempè Romano Pontifice ; ita tamen ,  
ut illius communitatis regendæ participes sint alii Pastores ,  
præsertim Episcopi , qui autoritate ordinariâ , & propriâ ,  
non vicariâ-solùm , seu delegatâ , portionem gregis Christi  
sibi commissam regant , ac supremo Pastorî , in Conciliis  
præsertim universalibus , non solùm tanquam Consiliarii , sed  
etiam tanquam Judices ad determinanda , quæ ad Ecclesiam  
universalem spectantia proponuntur , assideant . Itaque Ec-  
clesia est politia Monarchica , quia unus ei præsidet Monar-  
cha . Est etiam regimine Aristocratico temperata , quia Epis-  
copi , præterquam quod suis Dicecibus præsident , rerum  
etiam ad universalem Ecclesiam spectantium , dum in Con-  
ciliis Occumenicis legitimè proponuntur , participes sunt.

3. Sed alio in sensu definitionem illam intellexit , si ta-  
men intellexit , Richerius . Primo enim incertum est quid  
intendat definire . Nam Ecclesiæ nomine universos fideles cu-  
juscumque sexus , statûs , aut gradûs complecti videtur nu-  
mero primo , ubi Ecclesiam , cui convenire ait totam juris-  
dictionem Ecclesiasticam primariò , propriè , ac essentialiter ,  
distinguit à Romano Pontifice , atque aliis Episcopis , quibus  
illam facultatem nonnisi instrumentaliter , ministerialiter , &  
quoad executionem tantùm concedit , & luculentius numero  
primo , ubi Ecclesiam explicat de cœtu Fidelium , sive de Christiana  
Republica , cuius unicum & solum caput , ac fundamentum esse Christus  
Dominus . Et adhuc magis exprensè in fine numeri quarti , ubi  
Ecclesiam sic explicat , id est universos Christianos : numero autem se-  
cundum

cundo, Ecclesiam ad solum ordinem Hierarchicum, Episcopali, & Sacerdotali ordine constantem, restringere videtur; aliquando autem, ut num. 15. & seqq. modò unum, modò alterum indiscriminatim significat.

4. Secundò non Ecclesiam, sed ejus regendæ rationem definire videtur Richerius, quando ait, quod est *politia Monarchica*. Politia enim communitatem, non tam aptè denotat, quam gubernandæ communitatis modum.

5. Tertiò Monarchiam Ecclesiasticam explicat respectu Christi. Statim enim post definitionem, de ipso addit; *Qui Rex est, Monarcha, Dominus absolutus, Fundator, Petra, & Caput essentiale Ecclesia; ac absolutum, sive purè Monarchicum in eam habet imperium.* Quasi verò possit aliquod regimen, etiam Aristocraticum, aut Democraticum, non esse Monarchicum in eo sensu; cùm universus mundus, etiam prout complectitur Angelos, unicum habeat Rectorem, Deum, qui est Dominus absolutus, Creator, Conservator, Gubernator, Rex, Monarcha, absolutum in omnia imperium obtinens. Sed, dum de politiæ differentia tractatur, quæritur, quis sit communitatæ Rector immediatus, ac intra communitatem ipsam, an unus, an plures? Dum igitur de politia Ecclesiastica est quæstio, à quo visibilis Ecclesia visibiliter regatur, inquiritur. Itaque perperam concludit Richerius; *Istinc verò inducimus, hanc fidei articulum, credo unam sanctam Ecclesiam Catholicam, esse veritatis sempiternæ: propterea quod lege Evangelicâ stante, Christus divortium cum Ecclesia sponsa facere non potest.* Si enim unitas Ecclesiæ ab unitate ejus sponsi Christi dumtaxat peteretur, ruerent argumenta sanctorum Patrum adversus Schismatics: isti enim à Christo nequam recedere se profitebantur, sed vel à Romano Pontifice, vel ab Ecclesia, cuius erat ipse Caput visibile. Quamobrem illi etiam, qui Romani Pontificis Dignitatem & autoritatem minus explicuisse videntur, B. Petro, & ejus successoribus primatum à Christo collatum docent ad constitutandam in Ecclesia unitatem, & tollendam schismatis occasionem.

6. Nec obstat, quod objicit Richerius, Sedem Apostolicam aliquando tres, aliquando septem annos vacasse. Non enim tanta est capitis moralis, quanta naturalis necessitas.

548 TRACTATVS DE LIBERTATIBVS,  
Resecto capite naturali , ne uno quidem momento corpus  
vivere potest : at verò non perit corpus civile , deficiente  
Rectore ; imò nec statum suum propriè amittit. Mortuo enim  
Imperatore , vel Rege per electionem creari solito , noua  
tim definit Monarchia , sufficit enim quod communitas per  
Imperatorem aut Regem gubernari soleat , ut ejus politia  
Monarchica censeatur & dicatur ; etiam in illo intervallo in-  
ter prioris Imperatoris vel Regis mortem , aut destitutionem ,  
ac novi electionem , seu institutionem.

7. Quartò. Inconsequenter addit Richerius , politiam  
Monarchicam , quā definit Ecclesiam , esse regimine Aristoc-  
ratico temperatam. Si enim Monarchiam intelligit respiciens  
ad Christum Monarcham , incongruenter illius potestatem  
regimine Aristocratico temperatam dicit. Ejus enim autor-  
tati obsequuntur , non eam temperant , ejus Ministri. Si Ro-  
manum Pontificem Monarcham esse sensit , incongruent  
etiam locutus est. Nam si tota jurisdictio Ecclesiastica prima-  
riò , propriè , ac essentialiter Ecclesiae convenit : Romano  
autem Pontifici , atque aliis Episcopis instrumentaliter , mi-  
nisterialiter , & quoad executionem tantum , sicut facultas  
videndi oculo , quemadmodum num. primo scripsit Richerius ,  
politia Ecclesiastica nec Monarchica est , nec Aristocratica ,  
imò nec propriè Democratica. Ecclesia enim ex Clericis &  
Laicis , ex viris & mulieribus constat ; atque adeò magis  
propriè Pantocratica , vel saltem Democratica , regimine  
Aristocratico temperata diceretur : siquidem summus Pon-  
tifex est *caput ministeriale* , vel symbolicum , ac quasi figura-  
tivum dumtaxat : plenitudo autem jurisdictionis in Ecclesia  
residet.

8. Secundum principium , inquit Richerius num. 4. docet D. Pe-  
trum esse tantummodo dispensatorem , & caput ministeriale , non Dominum ,  
aut fundatorem Ecclesie : hoc enim uni & soli Christo capiti essentiali , per quem  
& propter quem subsistat Ecclesia , competit. Hoc certè verissimum est.  
Nec justè reprehenderetur Richerius , si illius principii fines  
non excederet. Summus enim Pontifex cum Christo com-  
paratus , est tantummodo dispensator & Minister , non Do-  
minus , aut fundator Ecclesie : Christi est Ecclesia : ejus  
sunt oves & agni. Verum etiam est , quod subjungit Riche-  
rius;

rius; regimen Pastorum Ecclesiasticorum differre à sacerdotali, ac modestius & suavius esse debet: non tamen inde consequtur, regimen Ecclesiasticum esse Aristocraticum in eo sensu, quem explicat numeris seqq. aut non posse summum Pontificem, quos voluerit, in partem solicitudinis vocare, eosque jurisdictionis participes facere, quod videtur negare Richerus.

9. Ineptè autem in fine hujus num. 4. ac fine præcedentis notat præceptum habendi Pontificis, ad semper, non pro semper obligare. Quorsum enim illa distinctio inter præcepta affirmativa & negativa assignari solita? Non agitur hic de præcepto habendi Pontificis, ut sciamus intra quod tempus debeat eligi, aut utrum peccent ejus electores, si per aliquod tempus Ecclesiam capite carere permittant. Quæstio est an Ecclesia comparata ad suum caput visibile vera Monarchia dici queat; posse autem supra ostendimus, etiam per illa intervalla, quibus sancta Sedes vacat.

10. Tertium principium, inquit Richerius num. 5. statum Ecclesia ab ejusdem reginæ distinguit: status enim Monarchicus est iustum ad unitatem atque ordinem vindicandum, cum ad executionem Canonum, qua Romano Pontifici, velut Capiti ministeriali congruit: regimen vero Aristocraticum, propter solidam providentiam, efficax consilium, & constitutiones eorumdem Canonum: quam ob causam num. 1. diximus, claves toti datae fuisse Ecclesia, ut per unum exerceantur. Difficile captu est quid sibi velit illa distinctio inter statum & regimen, ac quomodo status Ecclesiæ Monarchicus sit; regimen vero Aristocraticum. Status enim propriè designare videtur, penes quos residere censatur quasi permanenter, & immobiliter summa regende communitatris potestas. Regimen vero ipsius potestatis exercitium. V. g. Galliæ status est Monarchicus, quia suprema potestas in uno, scilicet Rege, stat; regimen vero aliquatenus Aristocraticum est, quando Rex cum Comitiorum aut Parlamentorum consilio & assensu Regnum administrat. Videtur autem vox illa, status, aliquid immobilius & constans significare, quam regimen, quod permanente statu variari potest; ut in Gallia, permanente semper statu Monarchico Rex aliquando Comitiorum aut Senatum consilium & assensum postulat, aliquando de plenitudine potestatis & autoritatis

Zzz 3 regiae,

550 TRACTATVS DE LIBERTATIBVS,  
regiæ, non expectato cujusquam consensu, sua edicta exequenda  
præcipit. Si ergo tota jurisdictio Ecclesiastica primariò, propriè ac essen-  
tialiter Ecclesiæ convenit, ejus status non rellè Monarchicus dicitur : è contra verò si Romanus Pontifex, velut caput mi-  
nisteriale executioni Canonum Ecclesiæ supremâ autoritate  
incumbit, Ecclesiæ regimen Monarchicum convenientiùs ap-  
pellatur.

11. In summa, politiæ differentia essentialiter petitur, non ab iis, per quos instrumentaliter, ministerialiter & executivejurisdictio exercetur ; sed ab iis, quibus prima-  
riò, propriè, ac essentialiter convenit jurisdictio ; itaque, si potestas suprema sit penes unum, quamvis plurimis instru-  
mentis, ministris & executoribus utatur, erit Monarchia ; si potestas suprema sit penes Optimates, erit Aristocracia, si  
penes populum, Democratio, quamvis Optimates, aut po-  
pulus unico magistratui jurisdictionis exercitium commit-  
tant, dummodò supremam apud se facultatem retineant præ-  
scribendarum, etiam illi magistratui, legum. Quis enim  
aut Regnum Galliæ Monarchicum esse neget, etiam si ali-  
quid de Aristocracia immixtum appareat, & Senatus edita  
Regia quodammodo confirmet ; & executioni demandari fa-  
ciat ? Quis Reipublicæ Venetæ politiam, Monarchiam ap-  
pellet, etiamsi Dux à Republica electus maximum in singu-  
los cives imperium obtineret, cum ipsius autoritas autorita-  
ti Reipublicæ subsit. Si ergo summi Pontificis, & Episcopo-  
rum jurisdictio totius Ecclesiæ jurisdictioni subjet, in defi-  
niendâ politiâ Ecclesiasticâ, tota Ecclesia est attendenda,  
non autem soli Pastores.

12. Quæ autem, inquit Richerius eodem num. 5. ratio Oecu-  
menici Concilii ad Romanum Pontificem, eadem quoque & Synodorum parti-  
cularium ad suos Episcopos, quoniam particulares Ecclesiæ iidem Canone, non  
absoluta potestate, a propriis Episcopis gubernari oportet. Viderint Illustri-  
simi Præsules Gallicani quid de hac Richerii doctrinâ sen-  
tiant. Licet enim ante Concilii tantum Occumenici, &  
Provincialis expressam fecerit mentionem ; propositio tamen  
ista, & ejus confirmatio in Synodis etiam Diœcesanis locum  
habet. Porro, si eadem est ratio Synodi particularis ad Epis-  
copum, quæ Concilii Oecumenici ad Romanum Pontificem,  
juris-

jurisdictio Episcopalis primariè , proprie , ac essentialiter Diœcesi convenit , aut Diœcœsos Clero ; ( nam in hoc etiam num. dubium est quo in sensu Autor Ecclesiam sumat ) Episcopo autem , atque Curatis , saltē seorsim consideratis , instrumentaler , ministerialiter , & quoad executionem tantum . Atque sicut Concilium Oœcumenicum summo Pontifice superius est , & potest etiam ipsum deponere , si Gallis credimus ; ita etiam & Synodus particularis suo Episcopo præminebit ; ipsumque poterit exautorare .

13. Nec dicas Episcoporum depositionem à Conciliis Oœcumenicis esse summo Pontifici , aut , ut vult Joannes Gerbaïs , Conciliis Provincialibus reservatam . Jus enim Conciliorum particularium , perinde atque Generalium , lege Divina & naturali constitutum esse , illiqüe derogari non posse , repone Richerius . Subjungit enim ; Porò Senatum aut Consilium nativum Ecclesia à Domino institutum vocamus , non modò Episcopos , verum etiam omnes Presbyteros , curam animarum habentes : quorū illi Apostolis , hi vero septuaginta duobus discipulis successerunt dist. 68. can. Chœrepiscopi 16. quest. 1. can. Ecclesia ; & dist. 23. Can. Presbyter . Ne autem putares in illo regimine Presbyteros Episcoporum tantum fuisse Ministros , addit ; Etenim quondam Presbyteri Ecclesiam in commune regabant , ut D. Hieronymus autor est can. legimus dist. 93.

14. Si autem instes Presbyteros , quantumvis curam animarum habentes , cùm septuaginta duobus discipulis tantum succedant , inferiores esse Episcopis Apostolis succendentibus in regimine populi Christiani ; facilis erit Richerio responso ; de singulis quidem Presbyteris id verum esse , non autem de toto illorum cœtu : sicut singuli Episcopi jure Divino summi Pontificis jurisdictioni subfunt ; at vero in Concilio Generali congregati , majorem habere potestatem dicuntur .

15. Ego certè illam propositionem Richerii , que est ; ratio Oœcumenici Concilii ad Romanum Pontificem , eadem quoque & Synodorum particularium ad suos Episcopos , admittens , non concludo ; Ergo jurisdictio Episcopalis subfaret Synodo particulari , sicut Papa potestas , potestati Concilii Oœcumenici ; sed potius ; Ergo jurisdictio Romani Pontificis non subfaret Concilio Generali , sicut nec Episcopalis Concilio particulari .

## C A P U T I I I.

*Penes quem sit infallibilis potestas decernendi, aut consi-  
tuendi Canones. Ad num. 6. Richerii.*

1. **Q**uartum Richerii principium est; *Infallibilem potestatem de-  
cernendi, aut condendi Canones esse penes totam Ecclesiam, aut Ge-  
nerale Concilium illam representans.* Ea propositio primo aspectu vi-  
detur negari non posse. Quis enim Catholicus diffiteatur to-  
tam Ecclesiam, & Concilium generale infallibili Spiritus  
Sancti assistentiā ab omni errore circa fidem & mores esse tu-  
ta. Verū errat Richerius, si Ecclesiam à Concilio Gene-  
rali distinguens, intendit, ut videtur, potestatem illam in-  
fallibilem decernendi non penes solos Pastores esse; sed etiam  
penes populum. Non enim ad Laicos, multò minus ad mu-  
nieres pertinet infallibilis potestas decernendi, aut condendi Canones,  
quantumvis Ecclesiæ membra sint. Concilium etiam Gene-  
rale, si sine summo Pontifice accipiatur, quando is ceterus  
& legitimus existit, infallibili illâ potestate caret; imo nec  
Concilium verè Generale nuncupatur. Ut igitur hoc Rich-  
erii principium verum sit, ita est intelligendum, ut Conci-  
lium verè Generale, vel etiam universitas Pastorum Eccle-  
siæ extra Concilium, infallibilem potestatem habeat decer-  
nendi, aut condendi Canones. Et, si (quæ suppositio est  
omnino impossibilis) universitas Pastorum erraret in decer-  
nendo; universitas tamen fidelium non posset errare in ac-  
ceptando aliquod Decretum, aliquemve Canonem fidei aut  
bonis moribus contrarium. Itaque infallibilitas activa penes  
universitatem Pastorum, passiva verò penes universitatem  
fidelium existit.

2. Sed latet in illa Richerii propositione, vel potius ap-  
paret in ejus probationibus, exclusio summi Pontificis ex-  
tra Concilium Generale, ab illa infallibilitate activa decer-  
nendi, aut condendi Canones. Quamobrem expendenda sunt  
ejus probationes: præsertim cum propositioni supradictæ ad-  
dat; *Quain re natura regiminis Aristocratici potissimum consistit.* Nescio  
20-

autem, an, infallibilem potestatem decernendi, aut condendi Canones penes Generale Concilium reponens, intelligat hanc convenire Romano Pontifici, atque aliis Episcopis in Concilio Generali congregatis primariò, propriè, ac essentialiter; an instrumentaliter, ministerialiter, & quoad executionem tantum. Si primariò, &c. retractat quod num. 1. dixerat, Ecclesiam à Romano Pontifice, aliisque Episcopis distinguens, & Ecclesiæ quidem primariò, &c. jurisdictionem tribuens, Romano autem Pontifici, atque aliis Episcopis instrumentaliter, &c. tantum, nisi Ecclesiam illic intellexerit, Romanum Pontificem atque alios Episcopos collectivè, illos, à se ipsis divisivè consideratis, distinguens. Sed, si ea fuit ejus mens, Ecclesiam propriè dictam non designavit definitione illâ, quam libelli sui fronti præfixit, & num. 3. repetiit. Romanus enim Pontifex, atque alii Episcopi, etiam in Concilio Generali congregati, non sunt Ecclesia, nisi representativè. Est enim Ecclesia omnium fideliū congregatio. Si autem infallibilem illam potestatem Romano Pontifici, atque aliis Episcopis in Concilio generali congregatis primariò & propriè non convenire sensit, adveratur pluribus Conciliorum Constantiensis & Basileensis Decretis; atque adeò à multis in Gallia hæreticus erit census. Sed expendamus probationes ejus propositionis, quam dicit partim Divino, partim naturali lumine demonstrari.

3. A lumine naturali hoc dicit argumentum; *Oculi quām tunc oculus, longius atque acriùs prospiciunt: ac nemini uni ne superbiret, à Deo, vel à natura datum est, ut sapiat.* Verùm, licet in definientiis fidei ac morum quæstionibus, ratione uti necesse sit: si quis tamen solà ratione Decretorum, seu Canonum certitudinem metiat, probabiliora erunt Conciliorum Generaliū judicia, quām singularium Doctorum; sed ad infallibilem certitudinem non pertingent. Quamvis enim Augusti illi cœtus plurimis constent viris doctrinâ & sapientiâ conspicuis; nihilominus absunt ab eis Doctores, interdum etiam Episcopi numero plures, doctrinâ & sapientiâ non inferiores, qui, si aliis accessissent, tota illorum congregatio longius atque acriùs prospexisset, quia pluribus oculis; minusque superbirent singuli, si nonniſi in majori congregatione spe-

Aaaa

rent.

554 TRACTATVS DE LIBERTATIBVS,  
rent. Non igitur soli multitudini adscribenda est infallibilis  
potestas decernendi; (quamquam numerus & meritum Epis-  
coporum ad excitandam debitam Concilio reverentiam non  
parum conferant) sed Divinæ promissioni, quâ certi sumus,  
neque Pastorum universitatem moraliter sumptam fidelium  
universitati aliquid sanæ fidei, aut probis moribus contra-  
rium proposituram, neque fidelium universitatem tale quid  
suscepturnam. Quamobrem etiam in summo Pontifice aliquid  
Ecclesiæ universalis proponente non est attendendum, an uni-  
ca sit persona, sed utrum ei Christus in B. Petro promiserit  
fidem nunquam defecuram: non utrum à natura, sed  
utrum à Deo datum ei sit ut saperet, etiam sine omnium alio-  
rum Pastorum consilio.

4. A Divino lunine dictum suum confirmat Richerius,  
allegans 1. autoritatem B. Pauli 1. ad Cor. ex cuius cap.  
12. profert hæc verba, sed interpolata; *Cörper Ecclesiæ non est*  
*unum membrum, sed multa: si totum corpus oculus, ubi auditus.* Oculis  
caruisse videtur Richerius hæc scribens, quandoquidem non  
vidit, illum Apostoli locum manifestè sibi adversari. Si enim  
totum corpus Ecclesiæ non est oculus, sed aliqua ejus mem-  
bra oculorum officio funguntur, non ad totam Ecclesiam,  
quatenus complectitur laicos, qui sunt inferiora ejus mem-  
bra, spectat videre ac decernere, sed ad Pastores tantum,  
qui sunt Ecclesiæ oculi, ut observant sancti Patres, nomi-  
natim D. Gregorius Pastoral. cap. 1. Nec video quid con-  
cludere potuerit Richerius circa infallibilem potestatem decer-  
nendi, aut condendi Canones ex relatis Apostoli verbis. Ad-  
dit ex ejusdem B. Pauli Epist. cap. 14. vers. 32. *Spiritus Pro-  
phetarum Prophetis, idest Ecclesiæ, interpretante Richerio, sub-  
jectus est.* Germanus illorum verborum sensus est, ut optimè  
ibi explicat S. Thomas, Prophetas non ita spiritu Prophetiz  
abripi, ut nequeant impetum dicendi cohibere; aliisque lo-  
quendi locum dare, quod & antecedentia & subsequentia  
manifestè probant. Præcedit enim; *Quod si alii revelatum fuerit*  
*sedenti, prior taceat.* Potestis autem omnes per singulos prophetare, ut omnes  
discant, & omnes exhibentur. Vers. 30. & 31. sequitur autem; *Non*  
*enim est dissensionis Deus, sed pacis vers. 33.* Neque fideliter verba  
B. Pauli retulit Richerius, non enim in numero singulari di-  
cit

et Apostolus; *Spiritus Prophetarum Prophetis subjectus est*: sed in numero plurali; *Spiritus Prophetarum Prophetis subjecti sunt*, quâ loquendi formâ Apostolus apertiùs significat, quod anteà diximus, Prophetas esse sui compotes in prophetandi usu. Non nego tamen quin totum Prophetarum collegium de singulis, qui se Spiritu Prophetiæ afflatos dicebant, judicaret an à bono Spiritu moverentur, id enim docet Apostolus vers. 29. Propheta autem duo aut tres dicant, & ceteri dijudicent. Sed licet quod de Prophetis dicitur, Pastoribus & Doctòribus, à quibus eos Apostolus cap. 12. vers. 28. &c 29. distinxit, accommodet Richerius, quid aliud inferre poterit, nisi, congregatis in Concilio Pontificibus, singulorum suffragia totius cœtus censorè esse obnoxia; atque adeò infallibilem potestatem decernendi penes totam congregationem existere, quod singulari summi Pontificis privilegio, non præjudicat. Hic rursus repetit verba S. Cypriani; *Episcopatus unus est, cuius à singulis in solidum pars tenetur 24. quæst. 1. can. loquitur.* Vix enim aliud alicujus momenti reperiat, præter obscuram illam Cypriani, jam tum errorem de iterando Hæreticorum baptismo defendantis, autoritatem, ad adstruendum regimen Aristocraticum eo sensu quo explicat; quam tamen S. Cypriani autoritatem Pontificiæ autoritatis impugnatores parùm juvare jam alibi ostendimus.

5. Prosequitur Richerius; *Itaque quod omnes tangit, necessarium est ab omnibus quoque comprobari.* Ergo cùm fides omnes fideles tangat, necessarium erit ab omnibus quoque comprobari, hoc est Clericis & Laicis, nobilibus & plebeis, viris & mulieribus. Ergone, donec accesserit illa comprobatio, incerta erunt Conciliorum Generalium Decreta? Id ex Richerii ratione sequitur. Addit enim; *Cum præsertim omnis Pontifex ex hominibus assumpsus, circumdatus sit infirmitate: ac proinde fallere & falli potest, nisi Ecclesiæ columnam & firmamentum veritatis 1. ad Tim. 3. in consilium adhibeat.* In eo enim loco Ecclesia pro universo fidelium cœtu accipitur, non pro Concilio generali: Paulus quippe Timotheum instruebat, quomodo se habere deberet, non in Concilio generali, sed in Ecclesiâ Ephesinâ, non scorsum ac separationem ab aliis Ecclesiis consideratâ, quandoquidem Ecclesia particularis Ephesorum non erat columna & firmamentum veritatis,

Aaaa 2

ut

556 TRACTATUS DE LIBERTATIBVS,  
ut ejus in errorem lapsus comprobavit, sed cum quodam re-  
spectu ad alias Ecclesiæ, cum quibus constituebat corpus  
Ecclesiæ universalis, quæ non errandi privilegio gaudet. Haec  
tibi scribo, inquit, sperans, me ad te venire citè. Si autem tardavero, ut  
seias quomodo oporteat in Domo Dei conversari, que est Ecclesia Dei vivi, co-  
lumna & firmamentum veritatis. Tradit autem illi monumenta, non  
solum circa Episcopos & Diaconos, sed etiam circa mulie-  
res, ut Ecclesia de solo ordine Hierarchico non possit acci-  
pi. Quo autem sensu Ecclesia sic accepta sit columna & fir-  
mamentum veritatis §. 1. innuimus.

6. Observat præterea Richerius, quod Ecclesia, non uni &  
soli Petro, Dominus in Cælum ascensus Spiritum veritatis pollicetur Joan. 14.  
vers. 16. Ego rogabo Patrem, & aliam Paraclitam dabit, ut maneat vobis  
cum in æternum, Spiritum veritatis. Frustrè probat Spiritum Sanctum  
omnibus Apostolis datum. Quis enim hoc negat; sed, ut  
suum scopum attingeret, ostendendum ulterius esset, Spiritum  
Sanctum B. Petro, aut aliis Apostolis non astitisse, nisi indivi-  
duè & collectivè.

7. Etsi Richerius Ecclesiæ definitionem toti operi suo pre-  
miserit, quasi omnium dicendorum principium & funda-  
mentum; tamen omnino incertum est, quid definire volue-  
rit, ut jam non semel observare licuit. Cum rei definitio tra-  
ditur, nomen in propria significatione intelligitur. Itaque  
cùm Ecclesia propriè sumpta, sit omnium fidelium congrega-  
tio; Concilium autem Generale non dicatur Ecclesia, nisi  
repræsentativè: dum Ecclesia simpliciter & absolutè descri-  
bitur de omnium fidelium congregatione, non de Concilio  
Generali accipienda est descriptio, nisi adjungatur aliquid,  
quo vocis illius significatio determinetur. Richerius autem  
modò in isto, modò in altero sensu Ecclesiam accipit, etiam  
in hoc numero sexto. Nam initio totam Ecclesiam & Generale Con-  
cilium illam repræsentans, expressè distinguit: post testimonium  
à sancto Joanne suprà relatum, adjungit; Item Matth. 18. Ec-  
clesiam sibi ipsi sufficientem & Architectonicen, infallibilis Tribunalis creatione  
constituit. Fateor me non intelligere quid sibi velit Christum  
Ecclesiam sibi ipsi sufficientem constituisse. Non enim his verbis exclu-  
dit Richerius indigentiam Divini regiminis: cuius autem  
alterius ope indigeret Ecclesia? Non enim extra ipsam sunt,

nisi Infideles, vel qui ab ejus corporé per schisma recesserunt, vel per excommunicationem resecati sunt, quorum certè omnium ductu non est opus Ecclesiæ. Quâ igitur ratione posuit Dominus Ecclesiam sibi ipsi sufficientem non constitutre; Ex scopo Richerii videtur ipsum ita interpretandum esse, ut voluerit Ecclesiam sibi ipsi sufficientem esse constitutam, ut non egeret regimine summi Pontificis, quasi sumimus Pontifex esset extra Ecclesiam, aut ejus regiminis superfluos, frustraque B. Petro dictum fuisset; Super hanc petram adificabo Ecclesiam meam. Tibi dabo claves Regni Cœlorum. Confirmā fratres tuos. Patis oves meas. Facilius capitur Richerius dicens Christum Ecclesiam constituisse architectonicen. Hoc enim nomine vocant Philosophi artes, quæ cæteris imperant tanquam Ministeris fini suo deservientibus, sicut Equestris imperat frænactoria. Ita enim Richerius totam jurisdictionem Ecclesiasticam primariò, propriè, ac essentialiter Ecclesiæ; Romano autem Pontifici, atque aliis Episcopis instrumentaliter, ministerialiter, & quod executionem tantum tribuit num. x. verum id jam confutavimus.

8. Sed quomodo Ecclesiam architectonicen infallibilis Tribunalis creatio ne constituit Dominus? An Ecclesiam formaliter sumptam: in Concilium Generale ipsam repræsentans? Quomodo id factum narrat Richerius? Dum, inquit, B. Petrum respire gestitem, quonies fratri suo peccanti indulgeret, in hunc modum informat: si peccaverit in te frater tuus, vade, corripe eum inter te & ipsam solum, &c. si Ecclesiam non audierit, sit tibi sicut Ethnicus & Publicanus: Amen dico vobis, quoniamque alligaveritis super terram, erunt ligata & in Cœlo, &c. Iterum dico vobis, quia si duo ex vobis consenserint super terram de omni re, quoniamque petierint, sicut illi à Patre meo, qui in Cœlis est: ubi enim du vel tres congregati in nomine meo, ibi sum in medio eorum. Hujus testimoniī occasione videtur Richerius explicare velle, quid Ecclesiæ nomine intellexerit. Sed nescio an non doctrinæ suæ defores injiciat tenebras. Prosequitur enim; Quo ex prologo discimus, Christum immediate concessisse ordini Hierarchico, quem hic nomine Ecclesia designat, facultatem excommunicandi. Ex his inferendum videatur, Richerium, dum num. i. dixit, quod tota jurisdictione Ecclesiastica, primariò, propriè, ac essentialiter Ecclesia convenit, Ecclesiæ nomine intellexisse non totam fideliūm congregationem, sed

Aaaa 3

ordi-

558 TRACTATUS DE LIBERTATIBVS,  
ordinem tantum Hierarchicum : quando verò addidit, quod  
jurisdictio convenit Romano Pontifici, atque aliis Episcopis, instrumentaliter,  
ministerialiter, & quoad executionem tantum, Romanum Pontificem  
& Episcopos divisim accepisse.

9. Sed obstat huic interpretationi similitudo, quam addit,  
sicut, inquit, facultas videndi oculo convenit, quam in principio fu-  
sius explicuerat, dum sic orsus est; Vulgare est, atque indubitate  
fidei axioma, Deum & naturam, prius atque immediatus ad totum supposi-  
tum, quam ad aliquam partem suppositi, quanvis nobilissimam intendere:  
exāq̄ ob causam, facultatem videndi, e. g. toti datam esse homini, ut per  
oculum, tanquam per organum & instrumentum hominis exerceatur: nam ocul-  
us per & propter hominem existit. Ubi per totum suppositum non  
nisi totum corpus Ecclesiæ, non autem solum ordinem Hier-  
archicum significare potuisse videtur. Adde, quod in verbis  
suprà relatis numeri 6. quem discutimus, monosyllabum il-  
lud, hic, exceptionem indicat; ita ut alibi Ecclesia, non or-  
dinem Hierarchicum tantum, ut hic, sed totum corpus Ec-  
clesiæ designet.

10. Confirmat autem Christum immediate concessisse or-  
dini Hierarchico facultatem excommunicandi hanc ratione.  
Nam, inquit, sicut denarius numerus eminenter & causaliter omnes capiat  
numeros: sic formula hæc, die Ecclesia, eminenter inquam & causaliter,  
plenitudinem potestatis Ecclesiastica, cum omni superiori Ecclesiastico, aliquā  
jurisdictione praedito, complectitur, sive sit Cario, Episcopus, Papa, aut Con-  
cilium Generale, in quod omnes controversia, tanquam in ultimum atque in-  
fallibile Tribunal, omnem potestatis plenitudinem continens resolvuntur. Quis  
numerus eminenter & causaliter omnes capiat numeros,  
Arithmetici dijudicent. Mihi certè obscura est prima illa com-  
parationis pars; non enim video cur denarius numerus aliis  
emineat, eorumque sit causa, potius, quam duodenarius,  
v. g. cuius, utpotè ad partitiones commodioris, usus fre-  
quentior est, ac de quo effatus est Beda homil. in natal. S. Be-  
nedicti; Duodenario sapè numero solet in Scripturis universitas designari.  
Sed obscurius est ipsum comparationis punctum. Rescire enim  
vellem, quid his verbis (formula hæc, die Ecclesia eminenter, &c.)  
significare voluerit Richerius; utrum scilicet ex ejus mente  
Christus aliquam jurisdictionem tribuerit singulis Curioni-  
bus, Episcopis, ac Pontificibus Romanis immediate; an ve-

50

rō soli Concilio Generali. Si tribuit singulis : ergo ipsis non competit instrumentaliter, ministerialiter, & quod executionem tantum, sed primariō ( saltem prout idem significat atque immediate ) proprie, ac essentialiter. Si non tribuit immediate, non potest Curio, Episcopus, vel Papa judicare, nisi ex delegatione Concilii Generalis, atque adeò congregandū erit Concilium Oecumenicum, ut Curioni, Episcopo, vel Papæ committat examen fratris in alium peccantis.

11. Respondebis forte pro Richerio, generalem ad hoc commissionem à Conciliis Generalibus datam. Sed prīmō, ubinam est expressa? Nam si qua hujus rei fit mentio in Conciliis Generalibus, ea nequaquam commissio est, sed proprii officii commonitio. Secundō antequam haberentur Concilia Generalia, cujusmodi erat jurisdictio Curionis, Episcopi, aut Papæ contra reos procedentis? Tertiō quis unquam Curio ( ex mente Richerii loquor, dum Curionibus jurisdictionem contentiosam tribuere video ) Episcopus aut Papa proprios subditos puniens, se à Concilio Generali delegatum existimavit?

12. Prosequitur Richerius; Statim atque Dominus hoc protulit orationem, dic Ecclesia: continuū pluraliter subiungit, Amen dico vobis, quemque alligaveritis super terram, &c. Unde liquido apparet, ibi formaliter & proprie non agi de Ecclesia pro unico homine, sed pro pluribus una congregatis. Eximium ratiocinandi genus! An ex eo quod in loco relato plurimum fiat mentio, sequitur alibi soli Petro non fuisse dictum, super hanc petram adificabo Ecclesiam meam, & tibi dabo claves Regni Celorum: rursus alibi; Confirmā frātes tuos. Alibi denique; Pascē oves meas.

13. Sed mirum in modum sese in sequentibus implicat Richerius. Nam postquam probavit, quod Dominus imparitur Ecclesia facultatem sese congregandi in Concilium, atque infallibiliter decernendi, ( dum scilicet verbis supra relatis ex Matth. addit; Iterum dico vobis, quia si duo ex vobis consenserint super terram, &c. Vbi enim sunt duoi n̄es congregati in nomine meo, ibi sum in medio eorum ) notat Christum in hoc textu numerum certum pro incerto, ac minimam numerorum ideo expresse, quo omnem tergiversandi occasionem litigiosis hominibus eriperet: ostenderetq; ad justam Ecclesia moderationem, non unius tantum Romani Pontificis, sed trium aut duorum ad minus consensum & concordiam requiri. Certe

560 TRACTATVS DE LIBERTATIBVS  
tē si duorum consensus sufficiat, fristrā desudavit Richerius,  
ut summi Pontificis autoritatem impugnaret. Nunquam enim  
Papa Decretum circa fidem aut mores edit, quin alium fal-  
tem sibi consentientem habeat, atque adeo vanus est ille im-  
petus, quo infallibilem Pontificis autoritatem oppugnare vi-  
detur, cūm continuō addit; Profectō quancunq[ue] in partem se con-  
verterint adversarij, fateantur oportet hac verba (ūsi enim sunt duo vel tres  
congregati in nomine meo) &c. absolutam, atque infallibilem unius Papa au-  
toritatem necessariō excludere. Corruit etiam quod paulò ante obser-  
varat, scilicet Christum in hoc textu, Concilium Aristocraticum  
Divinitus, non Oligarchicum humanitatis institutum designare, Duorum enim  
Concilium Oligarchicum convenientius diceretur, quam  
Aristocraticum, nisi fortè vocem humanitatis, conjungat cum  
Oligarchicum. Non ep̄im humanitatis, sed Divinitus esset insti-  
tutum illud duorum aut trium Concilium. Cæterū quod  
ait Richerius, Dominum impartitum Ecclesiæ facultatem sese congregan-  
di in Concilium, non necessariō colligitur ex Christi verbis, si  
ita sumatur, ut Episcopi autoritate propriā sese possint con-  
gregare. Christus enim ait; *Ubi sunt duo vel tres congregati in nomine*  
*meo;* non autem exponit alicujus superioris autoritate con-  
gregandi sint. Imò legitimi superioris autoritatem illis verbis,  
*in nomine meo,* indicari nonnulli arbitrantur?

14. Porrò illa Christi verba; Iterū dico vobis, &c. variis  
riè interpretantur, etiam ex sanctis Patribus, nec Conciliis  
Generalibus, nisi per consequentiam quamdam congruere vi-  
dentur; imò non solum hæretici, ut Calvinus; sed etiam  
Catholici quidam, ut Launoius, observarunt illa Conciliis  
Provincialibus perinde atque Generalibus convenire, ut lib. 5.  
vidimus. Quod addit Richerius Ecclesiam invitam dissentientem, aut  
inconsultam obligari non posse, idque usquequaque legi naturali congruere,  
absurdum eset, si vim obligandi legibus Ecclesiasticis adime-  
ret, nisi ab omnibus approbatæ essent fidelibus, sicut antea  
voluisse videtur Richerius allatā illā regulā; *Quod omnes tangit,*  
*necessum est ab omnibus quoque comprobari.*

15. Sententiam suam praxi veteris Ecclesiæ abundè confirmari ait.  
Nam, inquit, Hierosolymitanum Concilium, omnium Apostolorum & Pres-  
byterorum consensione, ac suffragiis ita concluditur. Actorum 15. Visum est spi-  
ritui Sancto & nobis. Verum primò ex Apostolis tantum Petrum,  
Joan.

Joannem & Jacobum, cum Paulo & Barnaba huic interfuisse Concilio colligitur ex epist. ad Gal. cap. 2. ubi B. Paulus juxta sanctum Epiphanium hær. 28. & S. Hieronymus in illum locum epist. ad Gal. & alios, de tempore istius Concilii loquitur, & prædictorum tantum Apostolorum meminit; Certum ad minus est, Concilium illud Oecumenicum non fuisse. Cùm enim habitum fuerit anno Christi 51. jam plurimi erant Episcopi, tum in Oriente, tum in Occidente. Et de Beatis Paulo & Barnaba dixerat anteā, scilicet cap. 14. vers. 22. S. Lucas, quod in illis Provinciis, quos lustraverant, Antiochiam redeuntes, constituerant, per singulas Ecclesias Presbyteros, quo nomine designabantur olim etiam Episcopi: Concilium autem Jerosolymitanum solis illis Apostolis & Senioribus, qui tum Jerosolymis aderant, constabat, ut patet ex textu Act. Apost. Secundò potuisset quilibet Apostolorum controversiam tunc motam definire, cùm omnes Spiritus Sancti gratiā repleti fuissent. Sed Judæorum illius contentiois autorum superanda erat pertinacia præcipuorum Apostolorum autoritate, atque communi consilio Apostolorum & Seniorum res temperanda. Exemplum igitur hujus Concilii suadet quidem suavius & efficacius contentiones componi communi plurium consensione, quam simplici definitione; monetque summos Pontifices, ut fratrum sententiam requirant, tum quia contra reverentiam Divinam esset, ut non adhibitis opportunis & congruentibus mediis veritatem sibi revelari postularent, tum quia publicæ paci & concordiae sese tenentur accommodare: non tamen convincit necessarium esse Concilium Generale, ut Decreta fidei aut morum infallibili Spiritus Sancti præsentiae tribuantur.

16. Verba Patrum Ecclesiæ Africanæ ad Cœlestinum I. à Richerio adducta, scilicet, non esse credibile Deum unicilibet inspirare exanimis justitiam & innumerabilibus congregatis in Concilium illam denerat, de condendis Canonibus non sunt. Scripta enim fuerunt occasione Apiarii Presbyteri in Africa damnati, & Romæ absolti; & de judiciis criminalibus intelligenda sunt, ut patet ex verbis antecedentibus; Decreta Nicana sive inferioris gradus Clericos, sive ipsos Episcopos suis Metropolitanis apertissimè commiserunt.

B b b b Nc-

562 TRACTATUS DE LIBERTATIBVS,  
Neque intendebant Patres Africani Concilio Oecumenico  
prærogativam illam , quam Richerius summo Pontifici præ-  
ripere conatur , vendicare. Sic enim prosequuntur ; Prudenti-  
sime enim justissimeque providerunt quæcumque negotia in suis locis , ubi er-  
ta sunt , finienda : nec unicuique Provincie gratiam Sancti Spiritus defitu-  
ram , quæ equitas à Christi Sacerdotibus & prudenter videatur , & confor-  
matisimè teneatur. Mentionem quidem deinde faciunt Concili  
Generalis ; sed eo nomine vocabant Concilium ex tota Afri-  
ca. De judiciis ergo erat sermo , in quibus non solum summi  
Pontifices , sed & Concilia Generalia decipi possunt ; propter  
incertitudinem testimonii humani , quo eorum sententia ni-  
titur ; & quæ commodiūs in ipsis Provinciis instrui possunt ,  
propter eam , quam afferunt Patres Africani rationem , sci-  
licet examinandorum testimoniūm opportunitatem , qui præ sexūs ,  
aut senectutis infirmitate , vel aliis impedimentis non possent  
in remotas Provincias se se conferre. Quare prædicta verba  
Concilio Oecumenico perinde atque summo Pontifici oppo-  
ni possent.

17. Autoritatem Zosimi tamquam palmarem opponunt  
summi Pontificis autoritati quicunque illam graviter ferunt :  
quia nimis sanctam Sedem Patrum Decretis derogare non  
posse profitetur ; quasi verbis illis significaret , Concilium  
Oecumenicum esse Romano Pontifici superius. Sed aliam esse  
Zosimi sententiam , ejus verba testantur. Non enim defectum  
illum potestatis ad Superioritatem Concilii refert , sed ad an-  
tiquitatis studium , cuius retinentissima erat sancta Sedes.  
Necessitatem autem sequendæ antiquitatis , ex honestate , at-  
que rerum ipsarum æquitate ac justitiâ provenire , multifa-  
riam innuit Zosimus. *Contra Statuta Patrum* , inquit , & *sanc*ti* Tro-  
phimi reverentiam* , qui primus Metropolitanus Arelatensis Civitatis EX BAC  
SEDE DIRECTVS EST , concedere vel mutare ne hujus quidem Sedis pos-  
sit autoritas. APVD NOS ENIM INCONVVLIS RADICIBVS VI-  
VIT ANTIQYITAS , cui Decreta Patrum sanxere reverentiam. Omisit  
Richerius , & omittere solent plerique alii hunc locum refe-  
rentes , quæ ad sanctum Trophimum pertinent. Eodem mo-  
do declarat Zosimus sanctæ Sedis autoritatem non posse con-  
cedere , vel mutare contra sancti Trophimi reverentiam ; &  
contra Statuta Patrum id , quod ab Episcopis Concilii Tau-

rinensis exortum fuerat: nemo autem dixerit hinc concludendum S. Trophimum Romano Pontifice fuisse superiorem, licet à sancta Sede contra ejus reverentiam nihil statui posse dixerit Zosimus. Contrarium ipsem Pontifex insinuat, dum ait, quod S. Trophimus *primus Metropolitanus Arelatenis Civitatis ex hac Sede directus est.* In hujusmodi enim missionibus, major est qui mittit eo qui mittitur.

18. Atque inde alia oritur responsio, nimis rūm, Zosimum Patrum nomine Romanos Pontifices in primis intellexisse, quod non simplici conjectura asservimus. Se ipsum enim explicat summus ille Pontifex. Concilium Taurinense circa an. 397. Can. 1. Proculo Episcopo Massiliensi ordinationem Episcoporum Provinciae secundæ Narbonensis concesserat. Zosimus id ægrè ferens, quod factum esset in *Apostolica Sedis injuriam*, Canonem Concilii Taurinensis hac ipsâ epistolâ evertit. Cùm igitur Conciliorum generalium non meminerit, Provincialis autem, nemipe Taurinensis Canonem abroget, perperam citatur pro Conciliis contra Papam; Patresque, quorum statutis se derogare non posse profitetur, intelligendi sunt præcipue summi Pontifices, quorum Decretis posset sine dubio derogare illorum successor, nisi, ut diximus, id veteret reverentia antiquitati debita: (*Apud nos enim, inquit Zosimus, immensis radicibus vivit antiquitas, cui Decreta Patroni sanxere reverentiam*) aut lex Divina vel naturalis.

19. Hæc est enim alia ratio, cur Zosimus existimavit, ne quidem sanctæ Sedis autoritatem Patrum Decretis posse derogare; quia scilicet juris Divini aliquid plerumque continent, super quo à nemine dispensari valet. Id exprimit præfatus Pontifex his verbis epist. 6. occasione Ursi & Tuentii Episcoporum ab eodem Proculo Massiliensi ordinatorum, scriptæ. Cùm adversus statuta Patrum venitur, non tantum illorum prudenter atque sententia, qui in avan victura sanxerunt, sed ipsi quodammodo fidei & Catholica discipline irrogatur injuria. Quid enim tam sanctum atque venerabile est, quam penitus non exorbitare ab itinere Majorum, quorum canonica instituta veluti quedam fundamenta sunt ferendis fidei jacta ponderebus.

20. Tantum autem abest ut in epistola à Richerio objecta Zosimus ideò Scdem Apostolicam contra statuta Patrum se

B b b 2 nihil

564 TRACTATUS DE LIBERTATIBVS,  
nihil concedere vel mutare posse arbitretur, ob eam causam  
quod Concilium Oecumenicum sit Romano Pontifice su-  
perius, ut in illa ipsa epistola antiquissimi, & omnium  
saeculorum veneratione celeberrimi Concilii generalis primi  
Nicæni, nec non Concilii generalis Constantinopolitani pri-  
mi Canonibus deroget, ut Romanorum Pontificum Decreta  
custodiat. Statuit enim ut Episcopus Arelatenfis in alienis  
Provinciis, scilicet in utraque Narbonensi & Viennensi Epis-  
coporum ordinandorum facultatem habeat, quantumvis re-  
nitentibus illarum Provinciarum Episcopis, contra quod ex-  
presè decretum fuerat can. 6. Nicæno, & Constantinopolita-  
no tertio, quia scilicet ob S. Trophimi primi Metropolitanani  
Arelatenfis illuc à sancta Sede directi, reverentiam, Ec-  
clesiæ Arelatenfis privilegium illud putabat fuisse conce-  
sum.

21. Nescio cur Richerius, & alii ejusdem erga sanctam  
Sedem affectus, S. Gregorii locum dist. 15. Can. Sicut Sancti,  
ex ejus epist. 24. lib. 1. relatum allegant, ut summum Pon-  
tificem Concilio generali subjiciant. Cum Sanctus ille Doctor  
loquatur ibi de definitionibus fidei in Conciliis generalibus  
editis, quæ fuerant à sancta Sede approbatæ; quæque adeò  
infallibili certitudine prædictæ erant, nec magis à Concilio  
Oecumenico quam à Papa convelli poterant. Unde illas ut  
Evangelium venerari se profitetur. Cæterum enim summum  
Pontificem Conciliorum generalium legibus non teneri aper-  
tè declarat idem Sanctus epist. 31. lib. 6. ubi de Canonibus  
Concilii primi Constantinopolitani ait; *Romana autem Ecclesia*  
*cofdem Canones vel gesta Synodi illius habentus non habet, nec accipit.* Alia  
dedimus lib. 5. reprobatorum à sancta Sede Canonum exem-  
pla.

22. Quod ait Richerius; *Unum & solum Pontificem Romanum in*  
*Synodis Generalibus Decreta fidei Catholica non facere, sed inductione & conser-  
fū omnium Ecclesiæ particularium inito, illa universim inferre ac concla-  
dere, non concludit; signum id esse regiminis Aristocratici,*  
sætem in eo, quo ille intelligit, sensu. Etsi enim in Conci-  
lio, Episcopi Judices sedeant, definitionum tamen certitu-  
do, atque Decretorum robur maximè ac præcipue penderet à  
summo Pontifice, quod vel ex eo constat, quod in quibus-  
cum-

cumque Conciliis adfuit, per se, non per Legatos tantum, Decreta sunt ejus nomine edita, ut videre est in Conciliis generalibus, quinque Lateranensibus, duobus Lugdunensibus, & Constantiensi ipso, (cujus autoritas tanti fit ad deprimendam Pontificiam Dignitatem) ex quo Martinus V. Papa creatus est, & in pluribus Conciliis particularibus.

23. Confirmatur, inquit Richerius, Can. Majores 24. quest. 1. Nescio quid illo Canone confirmetur, aut quibus ejus verbis, Nec enim exprimit Richerius, Canon ille sic habet; Majores nostri Divinâ inspiratione cernentes necessariò praeaverunt; ut quod contra unanquamque heresim coacta semel Synodus pro fidei communione, & veritate Catholicâ atque Apostolicâ promulgasset; non sinerent novis post hac retranslationibus mutilari: ne pravis occasio preberetur, quo medicinaliter fuerant facta, pulandi. Hinc quidem confirmatur, veritatem fidei semel rite determinatam non posse retractari; non autem sumum Pontificem Concilio controversias fidei definita esse inferiorem. Alioquin enim posteriora Concilia Oecumenica essent Prioribus inferiora, quia ipsa pariter non possunt ea, quæ semel legitimè definita fuerunt, revocare. Autoritas autem summi Pontificis in Concilia vix alibi luculentius declaratur, quam in epistola Gelasii ad Episcopos Dardaniae, ex qua desumptus est Canon prædictus, quæque 13. est inter illius Pontificis epistolas. Ait enim v. g. quod prima Sedes unanquamque Synodus sua autoritate CONFIRMAT, & continua moderatione CVSTODIT; pro seilicet principatu, quem B. Petrus Apostolus Domini voce perceptum, Ecclesiâ nihilominus sub sequente & tenuit semper & retinet. Et infra; quod Apostolica Sedes frequenter, ut dictum est more Majorum, etiam sine illa Synodo præcedente, & absolvendi quos Synodus iniuste damnaverat, & damnandi nulla existente Synodo quos oportuit, habuerit facultatem, &c. Atque adhuc inferius; Beatum Papam Leonem Sedis Apostolica Praesulem, cuius Synodus Chalcedonensis autoritate FIRMATA EST, quidquid ultra quam ab eodem pro fide & communione Catholicâ atque Apostolica illic agendum, constaret esse delegatum, per occasionem congregatio- ni illius, prater Nicenos Canones novâ videretur actione tentatum, competenti restitutio vacuisse. Si qua in verbis adeo perspicuis sufficiet obscuritas, cam facile potuissimus auferre. Canoni. Majores. 24. quest. 1. opponendo cap. Majores. De baptismo. Cujus hæc sunt verba; Majores Ecclesia causas, presertim

B b b 3

arti-

566 TRACTATVS DE LIBERTATIBVS,  
articulos fidei contingentes, ad Petri Sedem referendas intelliget, qui cum  
querenti Domino, quem Discipuli dicerent ipsum esse, respondisse notavit:  
Tu es Christus Filius Dei vivi: & pro eo Dominum exorasse, ne deficit fides  
eius.

## C A P U T I V.

*Libert  
tus*  
*GILL  
334*

De oratione Christi pro fide B. Petri. De necessitate  
Conciliorum, ac vi Decretalium summorum Pontifi-  
cum. De potestate summi Pontificis, præsertim cir-  
ca Canones Conciliorum. Ad numeros 7. 8. & 9. Ri-  
cherii.

1. **O**bijicit sibi Richerius num. 7. orationem Christi pro  
fide B. Petri, ac mandatum illi impositum de con-  
firmandis Fratribus; Respondetque orationem, seu polli-  
cationem Christi ad solum tempus Dominicæ passionis ex-  
tendi: mandatum autem ad tempus ante resurrectionem.  
Hanc interpretationem ut confirmet, notat 1. Christum non  
dixisse Petro; Ego rogavi pro te ne unquam erres, aut ut sis infallibilis: sed  
tantum, Ego rogavi pro te, ut non deficit fides tua: & Petrum eras  
quidem, eus vero fidem nequam defecisse quoad habitum, sed quoad  
actum. 2. Observat D. Petrum, postquam ex titubatione trina negotiis,  
quasi ex gravissimo separe emerit, multò magis idoneum fuisse, tuum ad suos  
Collegas fluctuantes confirmados, tum ad fratres dispersos in Ecclesiam re-  
vocandos, ut ibidem resurrectionem Domini praestolarentur. Unde con-  
cludit; Istud privilegium soli Petro ob imminens scandalum Crucis, factum  
esse.

2. Ne omnia repetamus, quæ hac de re jam diximus, suf-  
ficiet hic B. Hieronymi testimonium afferre, cuius, ut ar-  
bitror, autoritas autoritati Richerii præponderat. Tradit au-  
tem apertissimè S. Hieronymus in hæc verba Matth. 16. Vade  
post me Satana, indeficientem Petri fidem, aliasque prærogati-  
vas ad tempus, quo re ipsâ, &c., ut dicitur, actualiter consti-  
tutus est supremus Pastor, scilicet, post resurrectionem Joan.  
21. fuisse dilatas, vel saltem tunc maximè perfectas; Prudens  
Lectus

te inquirat, inquit beatus Doctor, quomodo post tantam beatitudinem: Beatus es Simon Barjona. Et: Tu es Petrus & super hanc petram adi-  
stabo Ecclesiam meam: & porta inferi non pravalebunt adversus eam. Et tibi  
dabo claves Regni Cœlorum. Et quod ligaveris vel solveris super terram, erit  
ligatum vel solutum in Cœlo, hunc audiat: Vade retro me Satana, scanda-  
lum mihi es. Aut que sit tam repentina conversio, ut post tanta præmia,  
Satanas appelletur. Sed si consideret qui hoc querit, Petro illam benedictionem  
& beatitudinem ac potestatem, & edificationem super eum in futuro promis-  
sem, non in presenti datam intelliget. Adiicabo, inquit super te Ecclesiam  
meam, & porta inferi non pravalebunt adversus eam, & dabo tibi claves Regni  
Cœlorum: OMNIA DE FUTURO. Que si statim dedisset, nunquam in eo  
pare confessionis error invenisset locum.

3. Cæterum ex plurimis testimoniosis, quæ lib. 7. adduximus, constat sanctos Patres, Doctores, & Concilia, Christi  
pro Petro orationem, non solum pro ipso, sed etiam pro  
eius successoribus factam tradidisse. Et quamvis nonnulli de  
tempore Passionis illam interpretentur: non tamen ad il-  
lud solum tempus restringunt. Ejus fructum ad B. Petri suc-  
cessores transmissum colligitur ex ipsomet mandato illi im-  
posito confirmandorum fratrum. Ego rogavi pro te, ut non deficiat  
fides tua: & tu aliquando conversus confirma fratres tuos. *Luc. 22.* Nam  
ideo præcipue pro Petro rogavit, ut ipse confirmaret fratres  
suos, tanquam scilicet supremus Pastor; quod officium, at-  
que adeò etiam indefectibilis fidei privilegium ad successores  
transit. Notanda est hæc vox, aliquando, quæ frequentius  
significat tempus non proximum, quale erat tempus præce-  
dens Christi resurrectionem, sed remotum. Ac re ipsâ non  
apparet tempore illo intermedio inter mortem & resurrec-  
tionem Salvatoris Petrum confirmasse fratres. Accedit quod mul-  
to major erat necessitas confirmandorum à Petri successoris  
bus successorum aliorum Apostolorum, quam Apostolorum  
ipsorum à Petro; atque adeò si Christus Discipulis suis pro-  
vidit confirmationem Petri fidei, injunctoque illi officio sustinen-  
de aliorum fidei, multò magis futuris fidelibus, utpotè mi-  
noribus donis prædictis, prospicere necessum erat, obtentâ su-  
perioris illorum Pastoribus fide non deficiente. Nec solum  
tempore passionis tentandi erant Apostoli; atque adeò non illo  
solo tempore indigebat Petrus Christi oratione & auxilio,

( ut

568 TRACTATVS DE LIBERTATIBVS,  
(ut non deficeret fides ejus) aut alii Discipuli confirmatione  
Petri : quamquam , ut dixi, longè minus erat illis , quām  
corum successoribus necessaria confirmatio in fide.

4. Occurret fortassis aliquis ex Richerio , vocem illam ,  
aliquando , non posse ad tempus longè distans referri , quando-  
quidem conjuncta est cum ista , conversus quæ Petri conversione  
nem proximè futuram designat. Verum , licet durum illa-  
rum vocum secunda primam sequatur , nullâ aliâ intermediâ ;  
non tamen unius significatum cum significato alterius tam  
arctè conjunctum esse oportet. Poteſt enim illud , aliquando ,  
referri ad executionem mandati Petro imposito de confir-  
mandis fratribus : quod certè mandatum non est executus  
statim atque conversus est. Adde quod di&gio illa , conversus , seu  
dictio Græca , ἀποστόλος , illi respondens in pluribus sacrae Scrip-  
turæ locis accipitur , non pro conversione à peccato , sed  
pro conversione ad aliquam personam , quācum aliquid agen-  
dum sit. Ita Act. 9. vers. 40. dicitur Petrus conversus ad corpus  
Tabithæ. Act. 16. vers. 18. Paulus conversus ad Pythonissam  
Apocal. 1. vers. 12. Joannes conversus ut videret vocem que loque-  
batur. Quid vetat igitur in eodem sensu accipi Luc. 22. vers.  
32. conversus confirma fratres , id est , ad ipsos te convertens , ad  
ipsos attendens ? Præsertim cùm nondum B. Petro prædictum  
fuisset futurum ejus peccatum ; adeoque non videretur op-  
portuna conversionis à peccato mentio.

5. Hercle , subjungit Richerius , si solus Papa , non Ecclesia col-  
lectivè sumpta est infallibilis : insurgit Paulum gravissime peccasse Galat. 2.  
cùm demonstrat Petrum ideo suisse reprehensibilem , quod ad veritatem Evangeli-  
lii minimè ambularet , quæ verba , inquit , valde notanda sunt. At Her-  
clè , id non insurgit. Num enim Paulus erat Ecclesia col-  
lectivè sumpta ? An Petrus totam Ecclesiam , tanquam ejus  
caput non potius repræsentasset ? Si superioris tantum est  
reprehendere , sola vero Ecclesia collectivè sumpta , ut fate-  
tur deinde Richerius , summo Pontifice superior est , non  
potuisset Petrus nisi à Concilio generali corripi. At , inquit  
Richerius , Isthac reprehensione appellationi equipollet ; Quomodo ali-  
quem reprehendere idem est ; quod appellare ad Concilium ?  
Quia , inquit , si D. Petrus cum temporis B. Paulo recte momenti obstitisset ,  
non dubium est , quin Ecclesia in Concilium congregata dissidium inter illas  
subter-

subortum diremisset : ut paulo ante controversiam super observatione legalium desiderat, Act. 15. Idem igitur est ita esse affectum , ut , si quis reprehendenti non obtemperatus sit , interponenda censuretur appellatio , etiamsi ne minima quidem verisimilitudinis umbra sit , quod in mentem venerit appellandi cogitatio. Idem , inquam , est atque appellare ad Concilium. Ita , inquies , quia B. Petrus superiorem alium non habebat. Quæ jurisprudentia correptioni fratrnæ vim appellationis tribuit : ut quisquis fratem corripit , ad ejus superiorem appellare censendus sit , si corruptus rectè monenti obstititerit ?

6. Repones ita de B. Paulo præsumendum , quia de fide agebatur , quam sanam integramque conservari totius Ecclesiæ intererat. Sed quidquid sit de illa reprehensione , de qua variae sunt inter sanctos Patres , & Ecclesiasticarum rerum Tractatores sententiae , etiamsi vera esset illorum opinio , qui Petrum peccasse sentiunt ; certum est ipsum in fide non errasse , multò minus aliquid contra fidem aut bonos mores statuisse. Illum omnino impeccabilem fuisse non contendimus ; atque adeò fratrnâ potuit indigere correptione : sed ita erat confirmatus in gratia , ut temerarium sit eum peccati mortalis , qualis fuisset hæresis , reum facere , aut supponere ipsum B. Paulo rectè monenti obstiturum contra fidem. Accedit quod Concilium Jerosolymitanum omnian Apostolorum , ut vult Richerius nam. 6. & Presbyterorum confessione , ac suffragiis concluserat , quod spectabat ad observationem legalium , circa quam supponitur peccasse Petrus. Si ergò D. Petrus tum temporis B. Paulo rectè monenti obstitisset adeò contumaciter , ut Ecclesia in Concilium congregata , dissidium inter illos subortum dirimere debuisset , Petrus fuisset manifestus hæreticus , atque in eo casu , secundum quorundam sententiam judicio Concilii Generalis obnoxius ; ex qua exceptione particulari , non potest constitui generalis subjectio , fine virtutio illo , quod Richerius & Launios defensoribus autoritatis Papæ tam sèpè quam immerito tribuunt , nempe fallaciae à dicto secundum quid , ad dictum simpliciter.

7. Suspecta sunt dona , quæ ab inimicis offeruntur. Quamobrem non satisfaciens summo Pontifici , quod ei Richerius concedere videtur in finem numeri sexti. Etsi enim profiteatur se illa adjungere pro ampliatione favorum ; magis tamen tendunt

Cccc

ad

ad restrictionem jurum. Non fatetur D. Petrum singulare personas, aut Ecclesiæ disgregatas posse in fide per sacra Scriptura aut Canonum interpretationem robore; quod probat exemplo D. Hieronymi; & posse ad Sedem Apostolicam confugere oppressos, sicut factum legimus à Theodoreto & aliis; nisi ut, cùm in hoc liberalis visus fuerit, injustus non appareat, dum Romanum Pontificem Ecclesiæ universalis seu Concilio sine ipso congregato subjicit. Et perfugium ad sanctam Sedem ab appellatione ad ipsam distinguit; ut ejus potestatem simplicem charitatis solicitudinem esse insinuet. Possemus nihilominus fructum ex illius favore percipere, nisi magis liberet, eum ex arbore ipsa colligere. Sanctus Hieronymus in verbis, quæ Richerius refert, testatur, se post Damasi responsionem fore securum. Nec eam securitatem in Damasi peritia, sed in officio Pastoris reponit; *A Pastore præsidium ovis flagito. Discerni si placet, non timebo tres Hippotases dicere, si jubetis.* Certè si Petri successor non solum singulare personas, sed etiam Ecclesiæ disgregatas potest in fide per sacræ Scripturæ Canonum interpretationem robore; idque non tamquam Doctor privatus, sed ex proprio officio, in maximo versabitur periculo Ecclesiæ universalis, quæ nonnisi ex Ecclesiis particularibus constat, nisi certa & tuta sit ejus interpretatio, cùm non ita facilis sit Conciliorum generalium Congregatio, aut omnium Episcoporum consensio ad corrigendos ejus errores.

8. Itaque lentum periculo remedium parat Richerius num. 3. ubi ait; *Quintum principium indicat, frequentem celebrationem Synodorum, absolute & simpliciter necessariam ad Ecclesiam melius sanctiusque regendam.* Verba illa, absolute & simpliciter necessariam, à sequentibus temperantur, scilicet ad Ecclesiam melius sanctiusque regendam; ideoque utilitatem potius Conciliorum, quam absolutam eorum necessitatem inducunt. Sæpè autem professi sumus, nos Concilia Generalia dum congregari possunt sine schismatis, aut alterius gravissimi mali periculo, Ecclesiæ utilissima putare. Sed absolutam non esse illorum necessitatem probat experientia trium primorum sæculorum, & aliorum quorundam. Richerium parum juvat, quam affert ex Aristotle, ratio. Etsi enim lege, quam absolute unius imperio gubernari multò prebet, quoniam lex instar Dei, amore, odio, aliisque affectibus humanis caret, id perinde legibus

gibus Pontificiis, atque Synodalibus convenit. Cùm enim Leges generales ponuntur, illarum conditores bonum publicum, atque ipsam rerum justitiam attendunt: Judex vero, dum de singularibus negotiis sententiam fert, aliquando amore, aliquando timore inflectitur, ut personarum potius, quām justitiae rationem habeat. Melius est igitur, ut in ferendis sententiis non proprium arbitrium, sed leges sequi te- neatur.

9. Quoniam autem Richerio placuit ex Aristotele Conclitorum Generalium necessitatem confirmare, ostendendum est ex Aristotelis sententia contrarium potius sequi; cùm doceat, leges ab uno vel à paucis, non à magna multitudine condendas; atque adeò, si Gentilis illius Philosophi autoritati standum esset, non forent congregandi in Concilium Generale totius Orbis Episcopi. Id nominatim tradit lib. I. Rethoric. cap. I. inter princip. & med. simulque discrimen, quale modò dicebamus, inter Legem & Judicem statuit, unde patet à Richerio contra ejus mentem allegatum. Maximè igitur, inquit Aristoteles, convenit recte latas Leges, quæcumque possum, omnia ipsas distinguere, & quām paucissima relinquere iis qui judicant. Primum; quia FACILIUS EST VNUM HABERE, (nota unum habere) & paucos quam multos qui bene existimant, & possint legem ferre, ac ju conformare. Deinde Legum lationes ex longi temporis considerationibus sunt: ac judicia drepente, ut difficulter rectam habeant justitiae & utilitatis rationem illi qui judicant. Atque judicium non est de rebus singularibus, nec de presentibus, sed de futuri & de universalibus: at concio, & Judex de praesentibus ac definitis judicant, quibuscum & amor & odium & propria utilitas conjuncta se peniterno est, ut non amplius possint perspicere satis id, quod venit est, sed obscuret judicium propria jucunditas vel molestia. Ac de aliis quidem, quemadmodum dicebamus, oportet quām paucissimis efficere. Dominus disceptatorem.

10. Canones prædicanter Galli, ut hīc Richerius, quasi videripi soli Canones obseruant, Papa è contra Canones destruat. Meminerunt summi Pontifices sententiae S. Gelasii in epist. superiori cap. citatā; Uniuscujusque Synodi constitutum, quod universalis Ecclesia probavit assensus, non aliquam magis exequi Sedem praeter ceteris oportet, quam primam, qua & unamquamque Synodus suā autoritate confirmit, &c. Sed quod ait Richerius, antiquius nihil quidquam absque

CCCC 2

Con-

572 TRACTATVS DE LIBERTATIBVS,  
cilio & moderatione Aristocraticā statutum fuisse, non est usqueque  
verum. Certum est Romanum Pontificem gravia negotia cum  
Episcoporum consilio tractare solitum, sed falsum est ipsum  
in Generali Concilio Decreta Ecclesiastica semper edidisse;  
Hoc testantur epistolæ Decretales à Dionysio Exiguo, cuius  
Codicem jam olim suscepit Ecclesia Gallicana, collectæ, &  
quarum nonnullæ ad Episcopos Gallicanos conscriptæ sunt.  
Nam vel illæ nullius Synodi, aut Episcopi deliberantis me-  
minerunt (undè conjicitur antiquiores etiam Pontifices ni-  
hil quidem absque consilio, sed tamen multa sine Concilio  
statuisse, atque tunc tantum Episcopos convocasse, cùm  
Romæ illorum copia erat, ac temporis opportunitas finebat)  
vel sicuti in illis Decretalibus fratrum, idest Presbyterorum,  
vel si vis, Episcoporum, sit mentio; illæ nihilominus Pon-  
tificis Romani autoritatem aut solam aut longè præcipuum  
exhibitent. Indubitatum est ad minus summos Pontifices plu-  
rima eaque gravissima sine Concilio Generali, ac sine mode-  
ratione Aristocraticā aliarum Provinciarum statuisse, ac sta-  
tuta illa in tota Ecclesia robur obtinuisse. Unde licet Richer-  
rio concederemus antiquius nihil quidquam absque Concilio Romano,  
& moderatione Aristocratica Episcoporum specialis Provinciæ Ro-  
manæ statutum fuisse; fateri cogeretur Romanum Pontificem  
cum suo Concilio speciali Ecclesiam rexisse. Cumq[ue] id dissi-  
teri non possit, ejusque propositio, de Concilio Oecumenico  
accepta, evidenter falsa sit; Tacite recedit à suo principio;  
& causâ juxta proprias suas probationes cadit, si quidem Ec-  
clesiæ regimen in eo sensu Aristocraticum dicit, quia per Con-  
cilia Generalia regi debet.

11. Scimus quidem, quod ait Richerius, Hincmarum  
Archiepiscopum Remensem, aliosque Episcopos, quos ille  
in suas partes traxerat, suppositis antiquiorum Pontificum  
epistolis parem cum aliis, quæ Conciliorum Canonibus erant  
consentaneæ, autoritatem non tribuisse; sed scimus Nico-  
laum I. Papam jus sanctæ Sedis, quod solis illis epistolis non  
nitezatur, strenuè defendisse, quod testatur Canon. Si Ro-  
manorum Dist. 19. à Richerio citatus. Sic enim habet: Si Ro-  
manorum Pontificum Decreto, ceterorum opuscula Tractatorum approbauerat,  
vel reprobantur; ita ut, quod Sedes Apostolica probavit hodie, teneatur accep-

sum,

tom, & quod illa repulit, hactenus inefficax habeatur, quanto potius qua ipsa pro Catholica fide, pro sanis dogmasibus, pro variis & multis variis Ecclesiæ necessitatibus, & fidelium moribus diverso tempore scriptis, omni debent honore preferri, & ab omnibus prorsus in quibuslibet opportunitatibus discreto vel dispensatione Magistrâ reverenter assunni? Canon autem. *Omnia*, 25. quæst. 1. à Richerio etiam citatus, & S. Damaso suppositus est, & valde obscurus; Difficile namque capitur quid intelligatur per *Decretalia de Ecclesiasticis ordinibus & Canonum promulgata disciplinis*, quæ sub gravi comminatione custodiri jubet. Quidquid sit, evidens est. Primo, illius Canonis scopum esse, ut Decretalia summorum Pontificum executioni fideliter demandentur. Secundo, licet Canonum fiat mentio, non tam negari, quin Decreta Pontificia exequenda sint, etiam si Conciliorum Generalium Canonibus non fuerint robora ta. Sic enim supponitur loqui Damasus; *Omnia Decretalia, & cunctarum Decessorum nostrorum Constituta, quæ de Ecclesiasticis Ordinibus & Canonum promulgata sunt disciplinis, ita à robis & ab omnibus Episcopis, & curulis generaliter Sacerdotibus custodiri debere mandamus; ut si quis in illa commiserit, veniam sibi deinceps noverit denegari.* Sed Hincmarum summo Pontifici paruisse, vidimus lib. 3. Imò receptas postmodum in Gallia Decretales illas antiquas quantumvis suppositas constar, nec diffitentur ejus Nationis Scriptores.

12. Odiosa sunt & temeraria Richerii verba num. 6. & hoc num. 8. proposita; *Romanus Pontifex*, qui est Caput ministeriale, universalem Ecclesiam inconsultam, dissentientem, invitam, vel inauditam obligare nequit. Ecquando enim legitimus Pontifex universalem Ecclesiam inconsultam, dissentientem, invitam, vel inauditam cogere voluit? Repugnarunt aliquando & aliquandiu Episcopi quidam, vel quædam Provinciæ Ecclesiastice; (quis enim in tanto hominum & morum varietate concordiam omnibus numeris perfectam, & Paradisi propriam in terra spectet?) Ecclesia verò universalis nunquam visa est, nunquam videbitur repugnare Pontifici, nisi aut schismatico, aut incerto: frustraque desudant Scriptores Gallicani ad dirimendum chimericum certamen. Chimericum dico, si in altera comparationis parte ponantur omnes Episcopi, ut poni necesse est, si Concilium verè Generale futurum fit, in altera Pon tifex solus.

Cccc 3

13. Quād

13. Quām alienus sit à D. Augustini mente sensus, qui ejus verbis relatis dist. 4. Can. In istis à Richerio, & ab aliis quibusdam, tribuitur, ostendimus lib. 2. Unde debile ponit Libertatis Ecclesiastica fundamentum Richerius, dum eam collocat in necessitate acceptationis legum, ut valeant ligare. Nulla unquam imposterum nova lex obligaret, si Ecclesiæ universalis consensus expectandus esset. Nam quæ poterit hodie lex constitui, quæ ab univeris Provinciis statim acceptetur, imò à majori parte? Si interim Gallia suas libertates, suoſque mores opponat statutis sibi non arridentibus, inutilis erit potestas condendarum legum: tantum enim temporis in postulando omnium consensu consumetur, ut in aliis Provinciis legis peritura sit autoritas, dum alia deliberaunt. Nec enim omnium Episcoporum sine Presbyterorum, curam animarum habentium, consilio suffragium sufficiet: quia Richerius nūm. 5. Senatum aut consilium nativum Ecclesia à Dominō institutum, vocat, non modo Episcopos, verū etiam omnes Presbyteros, curam animarum habentes. Imò cùm Laici pars sint, licet minus præcipua, maxima tamen Ecclesiæ Catholicæ, non debent ab ejus libertate excludi, atque adeo inconsulti, dissentientes, invitati vel inauditi obligari nequibunt. Quicunque enim, ut ait B. Paulus ad Gal. 3. in Christo baptizati estis, Christum induistis. Non est Iudeus, neque Gracus: non est servus, neque liber: non est masculus, neque femina. Omnes enim vos unus estis in Christo Iesu. Num præcludetur schismati via, ut vult Richerius, postulato totius Ecclesiæ consensu ad conferendam legibus vim obligandi? Nonne potius innumeris dissentionibus præberetur occasio?

14. De Hincmari Remensis mente circa Decretales, ante Concilium Nicænum editas, jam satis differimus. Bene conclusisset, ut ait Richerius, illas exiguae esse fidei, propterea quod Sacris Canonibus minimè concordarent, si fides ad facti veritatem, non ad eorum qui scripsisse supponuntur, autoritatem referatur. Illa enim contrarietas signum erat suppositionis. Concilia namque tot tamque insignium Pontificum Decreta, vel ob ipsorum sanctitatem, & ad Apostolorum tempora vicinitatem, etiam seclusâ illorum potestate, sine urgentissima gravissimaque necessitate, tantillum immutare, nedum evertre, piaculum duxissent. Verumtamen, ut alibi ostendimus,

ex

ex eo quod illæ epistolæ, quas veneratione dignas fatebatur, non essent de Canonibus promulgatae, Hincmarus illas non magni esse roboris legitimè non conludebat.

15. Immeritò concludit Richerius; *Istinc autem planè dignosciat, quo jure Majores nostri Galli usi fuerint; quasi vero Hincmarum, & Episcopos, quos ille ad se traxerat, generaliter majorum suorum nomine debeant Galli censere.* Certe dum tot laudibus à summis Pontificibus, & à Scriptoribus Ecclesiasticis celebrata est Ecclesia Gallicana, non intelligebantur eo nomine Hincmarus, & alii quidam, qui sanctæ Sedi pertinacius restiterunt, sed tot tantique alii Præsules, atque omnium ordinum Viri, pietate atque erga sanctam Sedem reverentiæ & obedientiæ maximè conspicui, quorum laudes iustè sibi usurpant, qui ab eorum vestigiis quam longè exorbitant. Sed cur Gallicani Antistites Hincmarum virum admodum durum & pertinacem, ne quid gravius dicam, ejusque sequaces, sanctæ Sedis autoritatem occasione Decretalium suppositarum, imminuentes, tanquam Majores suos venerentur potius, quam sanctum Irenæum, sanctum Avitum, sanctum Cæsarium & alios, tum antiquiores, tum recentiores, ac eos ipsos, qui prædictas Decretales amplexi sunt, qui que, si circa facti veritatem erraverunt, nihilominus autoritatem summi Pontificis agnoverunt; cumque ob suam pietatem commendatione digni sint, non est temerè despicienda illorum præsertim circa jus, sententia.

16. Sextum principium istud ponit Richerius n. 9. *Plenitudinem autoritatis Pontificie defniri, primò ad Ecclesiæ particulares per mundum dispersas, sed sequaque ad Ecclesiæ universalem in Concilium congregatum: secundo, ad executionem, interpretationem, & dispensationem, minimè vero ad institutionem Canonum, nisi per se aut per Legatos suos Concilio præsideat, atque omnium Patroni suffragia & consensum subducat.* Eadem Richerii, aliorumque nonnullorum Gallorum propositio saepius repetita, candem saepius cogit repetere responsonem. Quæterem à Richerio an Papa possit omnes Ecclesiæ particulares per mundum dispersas obligare: an alias tantum? si alias dumtaxat, quærem quas, & cur alias, non item alias? Cur non Gallicanæ inter alias? si omnes: cur non universalem? Quandoquidem Ecclesia universalis nihil est aliud, quam omnes Ecclesiæ par-

SICU

576 TRACTATVS DE LIBERTATIBVS,  
ticulares per mundum dispersæ. Perinde enim est, ut omnes  
Ecclesiæ particulares per mundum dispersæ errorem fidei con-  
trarium suscipere possint; ac si Ecclesia universa posset errare.  
Ut enim sœpè declararunt Præfules Gallicani & Schola Pari-  
siensis, infallibilitas non convenit Ecclesiæ tunc tantum, quan-  
do est in Concilio Generali congregata. Imò nec Concilium  
Ecclesia universalis est formaliter, sed representativè tantum.  
Plus autem est Ecclesia universalis formaliter, quam pars ejus,  
quantumvis præcipua, totiusque corporis representativa, juxta  
fundamentum à Richerio in ipso limine positum, quod vo-  
cat vulgare, atque indubitate fidei axioma, nimurū Deum & naturam,  
prius atque immediatius ad totum suppositum, quam ad aliquam partem sup-  
positi, quamvis nobilissimam, intendere.

17. De potestate condendorum Canonum, seu legum Ec-  
clesiasticarum videnda sunt ea quæ diximus lib. 6. & supra de  
Decretalibus in Codice Dionysiano contentis. Quod addit  
Richerius, eo solùm in casu Papam de Synodorum Decretis  
dispensare posse, quo ipsummet Concilium, si esset congrega-  
tum; ità verum est, si intelligatur Papam sine justa causa  
non debere dispensare; idque indicat vox illa, violentia, in  
testimonio Sancti Leonis I. à Richerio relato ex Can. Privilegia,  
2. causa 25. quæst. 2. Dispensatio, inquit, nobis credita est, & ad  
nostrum tendit reatum, si paternarum regulæ sanctionum nobis consentientibus,  
vel negligentibus violentur. Idem etiam aperte significat S. Bernar-  
dus lib. 3. de confid. ad Eugenio cap. 10. à Richerio citatus.  
Neuter autem Pontifici potestatem in Conciliorum Genera-  
lium Canones negavit: imò supradicta verba scriptis S. Leo,  
dum Canonem Concilii Oecumenici, scilicet Chalcedonien-  
sis, 28. abrogavit, ut in origine videri potest, scilicet Sancti  
illius Pontificis epist. 54. Dices fortasse, sanctum Leonem  
Concilii Generalis Chalcedonensis non impugnasse Canonem,  
nisi ut Concilii etiam Generalis, Nicæni scilicet sextum Ca-  
nonem propugnaret, ac suam cuique Patriarchæ & Exarcho  
jurisdictionem conservaret. At, qui Judge est inter duo Con-  
cilia, num in illa necesse est habeat jurisdictionem, & supe-  
rioritatem? Repones, Nicænum Canonem majoris fuisse au-  
toritatis, quam Chalcedonensem: quia ille communis conser-  
vatur; iste absentibus Legatis Romani Pontificis conditus fue-  
rat;

est. Atqui, cùm Concilia posteriora prioribus absque dubio derogare possint, in iis quæ ad solam disciplinam pertinent, quid prohibuit quò minus Chalcedonense derogaret Nicæno, præterim, cùm præcessisset derogatio jam ab alio Concilio Generali, scilicet Constantinopolitano primo Can. 3. nisi defectus consensus Summi Pontificis? Vel ergo Concilium dici Generale nequit; vel Canones condere non potest, absente summo Pontifice, vel Concilium sine summo Pontifice minorem habet potestatem, quàm cum summo Pontifice; atque adeò non habet supremam, & consequenter summus Pontifex hujusmodi Conciliis sine summo Pontifice congregatis non suberit, quippe qui j̄m nec primum nec secundum in Ecclesia gradum obtineret, quod est contra Ecclesiæ doctrinam.

18. Sanctus Bernardus, ut ex verbis à nobis suprà relatis constat, etiam dum Pontificem suâ potestate non rectè uti putabat, potestatem tamen ci non dcessse confitebatur. Zosimi etiam, cuius rursus meminit Richerius, veram sententiam suprà explicuimus, ex ea nullatenus probari potest, quod intendit Richerius, scilicet eo solum in casu Papam de Synodorum Decretis dispensare posse, quo ipsummet Concilium, si esset congregatum. In eo enim sensu quo loquebatur Zosimus, eadem fuisse ejus sententia de Concilio Generali, (si quidem de illo cogitasset, quod ex ejus verbis nullo modo colligitur) atque de Sede Apostolica.

19. In bu duobus articulis, inquit Richerius, (scilicet in autoritate Pontificia in Ecclesiæ particulares, & in executione, interpretatione, & dispensatione Canonum) Status Monarchicus Ecclesie, sive plenitudo jurisdictionis Papalis potissimum consistit: non autem in absolute potestate, quam contra jus divinum & naturale, plerique recentiores in Ecclesiam irrebere nituntur. Absit ut potestatem aliquam contra jus Divinum & naturale summo Pontifici tribuamus; sed contra jus Divinum & contra Ecclesiasticam traditionem esse putamus, negare summum Pontificem, Canones, seu leges Ecclesiasticas instituere posse, etiamsi per se, aut per Legatos suos Concilio non præsideat, & omnium Patrum suffragia & consensum subducatur. Credimus etiam summi Pontificis esse, non Richerii, aut ejus Sectatorum, discernere, an dispensare

D d d d                      con-

578 TRACTATVS DE LIBERTATIBVS,  
conveniat : putamus præterea ejus legibus , si ab omnibus  
Ecclesiis particularibus per mundum dispersis obtemperetur,  
ad quod eas teneri fatetur Richerius , ab Ecclesia universalis  
obtemperatum iri.

20. Contradicit sibi Richerius , cùm absolutam potestatem  
summi Pontificis à recentioribus in Ecclesiam invehit , quæ  
verba novitatem significant , & tamen postea ad tempus transla-  
tionis Imperii ad Francos , præcipue autem ad tempora Gre-  
gorii VII. refert . Si quidem verum esset Pippinum , Carolum  
Magnum , aliosque Francorum Reges , tot Capitularia & le-  
ges Ecclesiasticas suā præcisè autoritate condidisse , ut inani  
conatu probare contendit Baluzius , mirum est quomodo po-  
tuerit tunc temporis absoluta autoritas omnia decernendi sum-  
mis Pontificibus accrescere .

21. Launoius non tam desudavit in vindicando Principibus  
sæcularibus jure convocandorum Conciliorum ( licet ex quo  
Concilia Generalia haberi coeperunt nunquam Episcopi in  
unius Principis ditione fuerint ) nisi ut tantundem jus Summi  
Pontificis imminueret . Richerius verò afferit , quod historiæ  
studioſi observabunt , Papam regulariter & ordinariè jus habere con-  
vocandarum synodorum Generalium ; causamque addit , quæ Princi-  
pibus sæcularibus non convenit ; Quatenus , inquit , potestatem  
habet super Ecclesiæ particulares disgregatas per Orben terrarum . Quamquam  
autem Richerius in fine numeri 12. jus congregandorum Con-  
ciliorum Generalium Imperatoribus tribuat , tamquam Legis  
Divinæ , naturalis & Canonicae executoribus ; tamen jus il-  
lud Pontificibus quoque vindicat hoc numero 9. verbis modis  
relatis ; atque adeò ejus testimonio compensari posset auto-  
ritas Launoii , si secus sensisset . Videtur enim Launoius à  
Richerio hauisſe pleraque alia suæ adversus sanctam Sedem  
doctrinæ principia , & animum in Curiam Romanam infen-  
sum ; atque adeò ut Magistrum habuisse .

22. Hactenus dicta sic concludit Richerius , Summa hujus di-  
putationis est , à statu Monarchico Ecclesiæ , unitatem , ordinem , cum efficaci  
executione Canonum , procedere : à regimine autem Aristocratico , sanctissimum  
consilium , atque infallibilem providentiam & decisionem ; quā quidem Reſpu-  
blica Christiana in perpetuam edificationem , & non in destructionem guverna-  
tur . Si status Ecclesiæ Monarchicus est , quia uno capite vi-  
ſibili,

sibili, Christi Vicario regitur, & ab illo statu Monarchico Ecclesiæ unitas procedit; oportet ut omnes Ecclesiæ particulares per mundum dispersæ illi subsint, non solum quatenus particulares & dispersæ, sed etiam quatenus inter se communicantes & conjunctæ. Caput enim præsidet manibus, pedibus, cæterisque membris, non disjunctis atque dispersis, sed in unum corpus compactis atque coordinatis. Si Ecclesiæ Ordo à statu Monarchico procedit, oportet ut Monarcha, qui primus est in illo ordine, sit regula & mensura cæterorum, atque aliis credendi vivendique normam præferat, ut a capite in cætera membra spiritus, motus, & sensus derivantur.

## C A P U T V.

*In quo agitur de potestate Principum politicorum; & respondeatur argumentis contra Monarchiam Ecclesiasticam.*

*Ad numeros 10. 11. 12. 13. 14. 15. 16. 17. Richerii.*

1. **V**Sque ad numerum 10. Richerius egit de potestate Ecclesiastica: hic de politica tractare incipit. *Septimum*, inquit, (scilicet principium) docet Ecclesiam sumptam pro cœtu fideliom, sive pro Christiana Republica, uno & solo capite ac fundamento essenti Christo Domino esse contentam: nihilominus, in ratione exercitii atque executionis regiminis ejusdem Christiana Reipublica, à duobus, Pontifice scilicet, & politico Principi differenter gubernari. Principium istud, principium schismatis est, nisi sanè explicetur. Dum de diversis politiarum formis seu speciebus agitur, illarum differentia attenditur penes illos, à quibus visibiliter regitur: alioquin, ut suprà dicebamus, unica esset totius mundi politiæ forma, scilicet Dei supremi rerum omnium moderatoris Monarchia. Itaque schismati via aperitur, si regimen Ecclesiasticum ex quo penes duo capita, Pontificem scilicet, & politicum Principem reponatur. Si uni Ecclesiæ corpori duo capita præfiguntur, monstrum efficitur horrendum.

2. Responderet fortasse Richerius, se illis executionem tantum regiminis Reipublicæ Christianæ tribuere. Penes quem

D d d 2 ergò

580 TRACTATVS DE LIBERTATIBVS,  
ergo erit potestas principalis. Penes totam Ecclesiam, inquit.  
Atqui monstrum adhuc horribilium fingis. Tot enim in Eccle-  
sia Capita constituis, quot sunt viri & mulieres; ac regimen  
Ecclesiæ adscribis omni Democratiâ pejus. A regimine enim  
Democratico saltem mulieres excluduntur: si autem Ponti-  
fex & Princeps ita se habent, ut in rebus Ecclesiasticis Pon-  
tifex Principi præferatur, male ex æquo collocantur. Dum  
enim alter alteri subest, uni tantum convenit Capitis nun-  
cupatio.

3. Quas autem affert probationes, quamque adhibet ex-  
pllicationem, ex suaderent, ipsum ita intellexisse, ut Pon-  
tifex esset caput in spiritualibus, & Princeps politicus in  
temporalibus; ac præterea juris Divini, naturalis & Cano-  
nici executor esset. Juxta illam distinctionem loquitur Ca-  
non. Duo sunt. dist. 92. quo in Canone præponitur Pontifex  
Imperatori. Sic enim incipit; Duo sunt quippe, Imperator Auguste,  
quibus principaliter HIC MUNDVS REGITVR, autoritas sacra Pontificum  
& Regalis potestas ( non dicit Ecclesiam, sed mundum his duo-  
bus regi ) in quibus tanto gravius pondus est Sacerdotum, quando etiam  
PRO IPSIS REGIBVS hominum in Divino sunt reddituri examine rationem  
..... Nostri itaque inter hac EX ILLORVM TE TENDERE IUDICIO;  
non illos ad tuam redigi posse voluntatem, &c. Canon autem Principes 23.  
quæst. 5. docet quæ sint Principum partes circa disciplinam  
Ecclesiasticam; Principes seculi nonnunquam intra Ecclesiam potestatis ad-  
epta culmina tenent; ut per eandem potestatem disciplinam Ecclesiasticam ma-  
niant. Ceterum intra Ecclesiam potestates necessaria non essent, nisi, ut quid  
non prævalat Sacerdos efficere PER DOCTRINA SERMONEM, potestas  
hoc impletat per discipline terrorem.

4. Juxta eandem distinctionem dixit Christus ipse Matt.  
22. Reddite qua sunt Casaris, Casari: & qua sunt Dei Deo; hanc  
que distinctionem confundendam non esse bene monet Ri-  
cherius. Benè etiam n. 11. probat potestatem Principum in  
temporalia, nisi quod ei nimis indulget, ut ex iis, quæ to-  
to libro 4. dicta sunt colligitur v. g. cum locum D. Bernar-  
di ex cap. 4. lib. 4. de confid. ad Eugenium, contra men-  
tem illius Sancti interpretatur, ut Ecclesia jus habeat tantum in-  
nuendi, docendi, & suadendi, quando Princeps politicus gladio uti debet ad  
gloriam Dei: quam interpretationem non patiuntur verba S. Ber-  
nardi.

hardi. Non enim gladium materialem Pontificis esse dicit, & ad nutum ejus evaginandum, si aliam non haberet circa illum autoritatem, nisi quæ perito cuilibet competat, scilicet, innuendi, docendi, & suadendi. Tuus ergo & ipse, inquit S. Bernardus, tuo forsitan metu, efi non tuâ manu evaginandus: uterque ergo Ecclesia, & spiritualis scilicet gladius & materialis.

5. Quod autem codem num. 11. monet Richerius, etiam si vera esset eorum sententia, qui Principes in temporalibus potestatis Ecclesiastice indirecťe subesse arbitrantur, ab ea tamen scribenda esse abstinentem, verum fortassis esset, nisi scribere cogeret contraria Comitiorum Cleri Gallicani declaratio, & nisi metuendum esset, ne Principes, quorum multi Censuras Ecclesiasticas parum reformidant, se in Principatu, qui ipsis omnium maximè cordi est, tutos omnino esse putantes, nullius mali temporalis metu cohibiti, quidvis audendi facultatem sibi esse existimarent. Ceterum constat ex lib. 4. quām malē suas rationes incaut Richerius, cūm duo tantum sibi objicit, quæ ipse potissima putat, licet reverā inter omnia ultimum ferē locum mereantur.

6. De potestate Principum in condendis legibus ad Divini, naturalis, & Canonici Juris executionem, de qua Richerius agit num. 12. nos fūsē lib. 11. Hic tantum advertimus, quod jam notaverat Illustrissimus D. Petrus de Marca lib. 2. cap. 10. §. 7. id quod Constantinus Magnus Episcopis dicebat, referente Eusebio lib. 4. cap. 24. de vita illius Imperatoris; Vos intra, ego autem extra Ecclesiam à Deo Episcopus constitutus sum, aliam posse habere sententiam, quām quæ a Richerio assignatur; sic enim habet Textus Græcus, ἀλλ᾽ οὐεῖ περὶ τῶν εἰσαγόμενων ἢ τῶν ἐκτόνων ὅτε δέ τις κατεπέμψει τοιούτον οὐ τίτλον; quæ sic verti possent; Vos quidem eorum qui sunt intra Ecclesiam, ego autem eorum qui sunt extra à Deo constitutus Episcopus sum. Imò de personis potius, quām de negotiis loqui Constantinum, licet ejus verba nūdè sumpta de alterutris possent intelligi, suadent quæ sequuntur. Addit enim Eusebius; Itaque cum qua loquebatur eadem mente secum cogitaret, animum in omnes, qui ejus subverant Imperio, intentum habuit: horribus pro virili, ut piam omnes vitam excorcerent. Deinde caput sequens inchoat his verbis; Hac etiam ratione adductus est, & nūdè sanè, ut frequentibus legibus & Edictis præcipere omnibus, ne Idolis

Dddd 3 in-

582 TRACTATVS DE LIBERTATIBVS,  
immolarent, nec oracula curiosè sectarentur, &c. Quidquid sit de supra  
relatis Constantini verbis, certum est, pium illum Impera-  
torem non de potestate circa res Ecclesiasticas cum Episcopis  
contendere voluisse; sed suum pro Religione studium signi-  
ficare.

7. Affirmat num. 13. Richerius, Nativas Ecclesia Catholica li-  
bertates, sive jus commune à Deo & natura institutum, his octo prologis  
ac fundamento, tam perspicue roberari, ut nemo in illud impingere posit,  
quoniam eadē operā legem Divinam, naturalem, & Canonicas labefactet. Hoc  
quoniam falsum sit patet ex illorum proloquiorum examine jam  
facto, vel potius ex illorum fundamentorum eversione. De  
appellationibus ab abusu, quibus ait hanc labefactionem re-  
parari, fuisse in libro ultimo dicemus. Sed recolendum est  
quod jam libro primo notavimus, non ita esse antiquas liber-  
tates Ecclesiæ Gallicanæ, si Richerius audiendus est; quan-  
doquidem ait eas ortas esse ab hujusmodi appellationibus,  
quas superiori saeculo natas videbimus; *Hac ratio*, inquit, pro-  
cedendi Gallorum, originem præbuit Ecclesia Gallica libertatibus, ut eas vul-  
go nominant.

8. Numero 14. quinque sibi objicit. 1. B. Petrum esse  
Christi Vicarium; atque adeò B. item Petro Christi Vica-  
riocongruere, non modò totam jurisdictionem Ecclesiastici-  
cam, verum etiam autoritatem in temporalia, saltem indi-  
rectam, & in ordine ad spiritualia. Respondet inæqualem esse  
Christi, & B. Petri, potestatem, quod nimis certum est, quia  
ut negari queat. At deficit in via Richerius, nisi ostendat,  
B. Petro non fuisse concessam omnem potestatem necessa-  
riam ad optimum ovilis ei à Christo commissi regimen; sed  
potestatem illam ipsimet ovili traditam, ejus autem solam  
executionem Summo Pontifici; nec potestatem temporalem  
ullum ordinem habere ad spiritualem; vel, si quis sit ordo,  
spiritualem temporali non præesse. Objicit sibi 2. curam fra-  
trum Petro demandatam à Christo Luc. 22. qua videtur ex-  
cludi necessitas Conciliorum. Qua de re Lectorem remittit  
ad ea quæ scriperat n. 1. Nos quoque tunc circa illum nu-  
merum, tum alibi nostram de necessitate Conciliorum sen-  
tentiam, & illorum celebrationis desiderium exposuimus.

9. Tribus aliis objectionibus, seu propositionibus, nimi-  
rum

rum tertiarum, Ecclesiam in Synodum congregatam, nullum planè jus habere  
aliquid decernendi, seclusò, aut non consentiente Romano Pontifice. Quartæ,  
summum Pontificem, omnes Canones universalium Conciliorum ad Ecclesiastici  
politiā spectantes, posse ex animi sui sententia antiquare. Quintæ,  
Papam, non modo habere autoritatem supra particulares Ecclesias per mundum  
disgregatas, verùm etiam supra universale Concilium: eique nullo in casu subji-  
ci, unicà illâ solutione satisfacere conatur, scilicet, Petrum  
candem cum Christo non habere potestatem in Ecclesiam;  
aliquin Ecclesiam non fore liberam. Verùm hæc solutio &  
minimi momenti est, & si quid habet roboris, provenit ex  
modo perquam odioso, quo propositiones quarta & quinta  
expressæ sunt. Quis enim credit posse Summum Ponitificem  
ex animi sui sententia, hoc est, sine causa, Canones Conciliorum uni-  
versalium antiquare? Quæ autem justa causa esse potest, ut omnes  
Canones universalium Conciliorum, ad Ecclesiasticam politiam spectantes, an-  
tiquantur, Jusque omnino relaxetur, ac novum condatur? Quin etiam tan-  
tam sèpè habet politia Ecclesiastica cum fide, accum jure Di-  
vino & naturali affinitatem, ut impossibile videatur totam  
politiam immutare sine fiduci detimento, aut Juris Divini vel  
naturalis violatione, quo casu nulla fore summi Pontificis  
Decreta nemo non confitetur. Est enim, ut inquit D. Cy-  
prianus lib. de disciplina & habitu Virginum, disciplina custos sp̄ei, reti-  
naculum fidei, Dux itineris salutis, fomes ac nutrimentum bone indolis, ma-  
gistra virtutis, facit in Christo manere semper, ac jugiter Deo vivere, & ad  
promissu Cœlestia & Divina premia pervenire. Sed cogitatio antiquan-  
da totius politiae, atque novi omnino juris constituendi,  
ad eò est absurdia, ut nulli unquam Pontifici venerit in men-  
tem, nulli unquam ventura sit. Alia est æquorum scriptorum  
sententia, que solidis rationibus, non odiosis & absurdis in-  
terpretationibus confutanda esset: nimirū posse summum  
Pontificem Canonibus Conciliorum Generalium derogare;  
necessariam esse plerumque causam, ut licet deroget: non  
omnes dispensationes illicitas esse nullas: non esse temere  
damnandum summi Pontificis factum: non esse insolenter  
resistendum, etiam cùm Superior, rationis, propriæ po-  
testatis, aut justitiæ limites videtur excessisse: sed exponen-  
dam veritatem, mediisque convenientibus & opportunis,  
querendum remedium. Quod etiam quintæ propositioni ad-  
dit,

584 TRACTATUS DE LIBERTATIBVS,  
dit, quasi ab adversariis propositum, Papam Ecclesiæ nullo in  
casu subjici, nimis generale est; quia saltem pluribus de Pon-  
tificatu contendentibus, si eorum jura sint obscura, Eccle-  
siæ est, controversiam dirimere. Addunt plerique, Papam,  
si laberetur in hæresim, atque in ea obstinatè permaneret,  
(quod tamen neque accidit unquam, neque unquam even-  
turum arbitror) posse ab Ecclesia deponi, aliqui verò, ipso  
facto, Pontificatu privatum eo casu esse affirmant.

10. Ratio, quâ Richerius impugnat infallibilitatem sum-  
mi Pontificis, omnibus omnino potestatisibus infensa est, &  
ex ea concluditur unumquemque suo arbitrio esse permit-  
tendum. Omnibus, inquit, hominibus est inditum à natura, ut liberi-  
& beati esse velint: quis autem naturaliter beatus esse potest absque libertate?  
At si infallibilitas decernendi in uno & solo habitat Pontifice, nullus in Eccle-  
sia conventibus libertatem ferende sententia obtinet. Simili omnino ratio-  
cinatione probaretur, neque Concilium Generale debere esse  
infallibile, quia tolleretur libertas, atque adeò beatitudo ab  
inferioribus Clericis & Laicis, qui multò plures numero sunt  
quam Pastores; ac perinde concludi posset juxta Richerii  
verba; si hec sententia invalefacat sequitur Christum extrema graue passum,  
ut Ecclesiam, sponsam, ideft universos Christianos despoticò Episcoporum, &  
Curionum Imperio subderet: quod juri Divino & naturali funditus repugnat.  
Abutitur Richerius libertatis nomine, cum eam quam Christus  
sanguine suo nobis acquisivit, scilicet à servitute peccati, & à  
jugo legis Mosaïcæ, confundit cum libertate à iustitia, & ab  
obedientia debita illis, quibus ait Luc. 10. vers. 16. Qui vos au-  
dit, me audit; & qui vos spernit me spernit, ac præcipue illi, quem in  
tota Ecclesia Vicarium suum constituit. Pari etiam prætextu  
libertatis abolendum esset Regnum, & genus omne Monar-  
chiæ temporalis.

11. Nihilominus hæ objectiones ex Richerii judicio non sunt  
unius aëris. Alia tria enucleat numeris 15. & 16. quæ, ut ipse  
ait, aliquid videntur habere ponderis: primum est; Petrum Pastorem univer-  
salis Ecclesiæ constitutum à Christo Joan. 21. Pasce oves meas: hacq; Di-  
vinâ voce, neque Apostolos neque Concilium Generale excludi: omnes enim sunt  
oves Christi, proptereaq; à D. Petro, Christi Vicario, pasci debent. Istud  
argumentum plusquam aliquid, hoc est, plurimum ponderis  
videtur habere, & habet re ipsâ; præsertim si Sanctorum Pa-  
trum

trum testimonio roboretur, quorum testimonia jam alibi retulimus; v. g. sancti Joannis Chrysostomi, qui homil. 3. in Act. Apost. loquens de Apostolis congregatis ad electionem alicujus, loco Judæ proditoris, substituendi docet B. Petrum alios omnes in sua manu, hoc est, in sua potestate habuisse. Euthymii, qui cap. 78. in Luc. hæc verba; *Confirmatio fratni tuos*, Luc. 22. & cap. 18. in Joan. ista; *Pasce oves meas*, Joan. 21. de Apostolis præcipue interpretatur, absque distinctione inter ipsos, & iporum Collegium. Necdum enim Theologi distinguebant in Apostolis, collegialiter, & non collegialiter: S. Bernardi lib. 2. de confid. cap. 8. oves Christi sine ulla exceptione Petro, ejusque successoribus commissas docentis, verbis supra adductis cap. 1. §. 12. Quid ergo respondet Richerius, Christum illis verbis non aliam dedisse Petro potestatem, quam ministeriale: officium vero Ministri & Dispensatoris esse, mandare executioni precepta legis Divina, naturalis, & Canonica: sed iuxta regulas temperamenti aristocratici à Deo constituti: ac proinde Petrum, censeri Pastorem, quoad executionem Canonum, verbi Divini predicationem, & alia ejusmodi, qua ab uno, quam ab Ecclesia congregata in Concilium, melius perfici possunt.

12. Petrum cum Christo comparatum non nisi Ministrum, dispensatorem & executorem fuisse jam observavimus; sed Ecclesiæ regimèn ita esse institutum, ut summus Pontifex sit tantum Minister, dispensator, & executor eorum quæ fuerint ab Ecclesia in Conciliis Generalibus decreta, nec probavit Richerius numeris 4. 5. & 9. quo remittit, nec probare quisquam potest. Cujus enim Concilii Generalis executores esse poterant B. Petrus ejusque successores ante Concilium Nicenum, hoc est ante annum circiter 325. Illos Conciliorum particularium (quorum etiam paucissima Canones antea ediderant) meros executores non censemus Richerius, quandoquidem illis concedit num. 9. plenitudinem autoritatis Pontificie in Ecclesiæ particulares per mundum dispersas: negatque solùm in Ecclesiæ universalem in Concilium congregatam. Legem etiam Divinam & naturalem quis tum temporis interpretabatur? Tota, inquires, Ecclesia, licet dispersa. Quid ergo Episcopi, qui ante illud Concilium vel circa fidem aut legem naturalem vel Divinam Romanum Pontificem consulebant, ejus responsa tanquam dubia & incerta habebant, donec re-

Eccc li-

586 TRACTATUS DE LIBERTATIBVS  
liquorum totius orbis Episcoporum sententiam rescivissent?  
Unde id habet Richerius? Non id significarunt sancti illi  
Episcopi.

13. Secundum argumentum quod sibi objicit Richerius, ut illud  
etiam Richerii verbis exprimamus, est, Ecclesiam congregatam in  
Concilium, unicam familiam, unicum ovile, unicum regnum, & corpus vi-  
sibile Christi constitutae: ac propterea unicum etiam necessarium habere caput  
visibile Romanum Pontificem: at monstrum immane videatur, si unum, at-  
que idem corpus duo supra magna habeat capita, nempe Papam & Concilium Ge-  
nerale. Hæc verba optimam rationem continent, licet non tam  
exactè propositam. Non enim v. g. dici potest, quod Conci-  
lium Generale sit Caput Ecclesiæ congregatae in Concilium;  
quandoquidem Ecclesia in Concilium congregata nihil aliud  
est, quam ipsummet Concilium. Verumtamen vis rationis  
satis intelligitur, nimis Ecclesiæ, cum sit una, unicum  
caput præesse debere: si autem Concilium Generale esset ca-  
put Ecclesiæ, cum ea quoque Dignitas Romano Pontifici  
competat, duo fore ejusdem corporis capita, atque adeò  
monstrum futurum. Et quia responderi posset, summum Pon-  
tificem esse caput Ecclesiæ dispersæ, non autem in Concilium  
congregatae, reponitur, etiam in eo statu, seu Concilium  
ipsum esse unicam familiam, unicum ovile, unicum Reg-  
num, unicum corpus visibile Christi, atque adeò unicum  
habere caput, non autem tot capita, quot Episcopos, &c,  
ex sententia Richerii, quot Curiones. Quid ad hæc Rich-  
erius? Respondens, inquit, Ecclesiam esse politiam Monarchicam regimi-  
ne Aristocratico temperatam: inde autem sequi necessarium, Concilium quad  
directionem regiminis, coercitionem, & potestatem fanciendorum Canonum,  
supremam habere autoritatem: Petrum vero, quod executionem, atque exer-  
citum, aut usum clavium erga Ecclesiæ particulares.

14. Tantum abest, ut consequens necessarium sequatur ex  
antecedenti, ut contrarium potius sequatur. Si enim Ecclesia  
est politia Monarchica, directio regiminis, coercitio, & po-  
testas fanciendorum Canonum est penes unum. At, inquit,  
Richerius, politia illa Monarchica est regimine Aristocratico  
temperata. Non temperatur, sed destruitur Monarchia, dum  
autoritas præcipua & principalis pluribus tribuitur, licet abs-  
que Monarchiæ præjudicio executio, exercitum, aut usus  
pluri-

pluribus committi possit. Quis enim v. g. (quod jam notavimus) Rempublicam Venetam appellet politiam Monarchicam, regimine Aristocratico temperatam, licet unico Duci executio, exercitum atque usus jurisdictionis committatur remanente in Senatoribus autoritate super ipsum etiam Ducem? Aut quis putet Regnum Franciae politiam esse Aristocraticam Monarchico regimine temperatam; quamvis Senatus, Concilium Regium, aut alia quævis Curia, ex pluribus viris constans, executionem, aut exercitum & usum jurisdictionis habeat, remanente in Rege plenitudine potestatis.

15. Objicit sibi tertio Richerius cap. 20. Concilii Romani à 280. Episcopis sub Sylvestro Papa celebrati relatum 9. quæst. 3. Can. Nemo. Hujus quidem Concilii fides suspecta habetur: quia tamen simile Decretum in aliis veris Conciliis legitur, non sunt prætermittendæ alia Richerii circa illud responsiones. Sunt autem illius Concilii five veri, five suppositi verba prætermittenda; Nemo judicabit primam Sedem justitiam temperare desiderantem, neque ab Augusto, neque ab omni Clero, neque à Regibus, neque à Populo Judex judicabitur. Respondet Richerius primò id verum esse, si Papa justitiam temperare desideret. Sed non advertit aliud esse justitiam temperare desiderare, aliud re ipsâ illam temperare. Primus enim modus loquendi jurisdictionis exercitum designat; secundus verò judicii æquitatem ac rectitudinem. Licet ergo subtiliter & rigorosè Decreti illius verba cum Richerio accipiamus, summus Pontifex, etiam si recte non judicet, si tamen justitiam temperare desideraverit, à nemine poterit judicari. Quis autem Pontifex se justitiam temperare velle non profiteatur: & si dubitetur num alia sit illius intentio, quis erit secretorum cordis ejus Judex? Quamvis enim de facto male judicet, à nemine potest judicari, an non justitiam temperare desideraverit.

16. Respondet secundò Concilium istud intelligendum esse de Conciliis particularibus, quale ipsum erat, atque adeò verba illa, neque ab omni Clero, intelligi distributivè de Clero particulari, non collectivè de Generali Concilio; Cuiusmodi, inquit, est Constantiense, aut Basileense. Si Decretum illud intelligendum est de Concilio particulari, quia in Concilio parti-

588 TRACTATVS DE LIBERTATIBVS,  
culari editum est , Concilium Constantiense intelligendum  
erit de tempore schismatis , quando non constat quis sit legitimi-  
mus Pontifex ; quia is erat Ecclesiæ status tempore Concilii  
Constantiensis , quod ea de causa congregatum est , & De-  
cretum edidit . ad quod alludit Richerius . Sed de Concilii  
Constantiensis Decreto , ac Basileensis confirmatione jam ali-  
bi egimus . Cæterum , si de aliqua Ecclesia particulari Decretum  
esset intelligendum , non de alia sine dubio , quam de Ecclesia ip-  
fius Urbis , aut Provinciæ Romanæ . Atqui 280. Episcopi ,  
cum non nisi ex pluribus Provinciis convenire potuerint ,  
Concilii Generalis speciem referrent , & numero plures essent ,  
quam qui aliqua Concilia Generalia , & ipsummet , Constan-  
tiense , nec non qui Basileense , quando Decretum supra de-  
signatum editum vel confirmatum fuit , constituerunt , me-  
minissent Concilii Generalis , si excipiendo putassent , ne  
sub nomine omnis Cleri intelligeretur .

17. De reliquis autoritatibus , quæ ex scriptis Romanorum  
Pontificum proferuntur & causa 9. quæst. 3. leguntur , non  
magnoperè laborat : unico verbo respondet ; *Nenini in sua causa  
credendum , nisi conformiter ad legem Divinam , naturalem , & Canoniam lo-  
quatur . Temeraria est illa responsio , verbis præsertim ita gene-  
ralibus concepta . Non enim nisi temerè de Pontificibus , fa-  
cientiâ , doctrinâ , & sanctitate insignibus , quales fuerunt  
S. Leo , S. Gregorius & alii , dici aut sentiri potest , ipsos  
indebitam cum periculo totius Fidei ac Religionis , auto-  
ritatem usurpare . Adde , quod simili modo retorqueri posset ,  
absurdum esse ex Episcoporum Constantiæ atque Basileæ  
congregatorum Decretis in propria causa velle persuadere Pa-  
pam subesse Concilio .*

18. Numero 17. repetit Richerius quod dixerat num. I.  
*Papam per & propter Ecclesiam ; non contra , Ecclesiam per , aut propter Pa-  
pam existere , undè concludit ; Ecclesiam iure divino & naturali provide-  
re atque impedit posse , ne Papa in sui destructionem gubernet . Observavi-  
mus circa numerum primum confundi à Richerio finem re-  
giminis Ecclesiastici cum ipsius subjecto . Regimen & potestas  
ipsa summi Pontificis est propter bonum totius Ecclesiæ , fin-  
golorum etiam salutem respicit ; sed potestas regendi omnes  
& singulos fideles non residet in singulis , neque etiam in  
omni*

omnibus simul, sed in summo Pontifice, tanquam in Monar-  
cha, in Episcopis, tanquam in Principibus, & in aliis Pasto-  
ribus, tanquam in Magistratibus inferioribus, sicut insinuat  
B. Paulus 1. ad Cor. 12. vers. 28.

## C A P U T V I.

*Confutantur responsiones Richerii in num. 18. adversus  
potestatem Ecclesiasticam circa temporalia.*

1. *Uod Ecclesiam, inquit Richerius, indirectâ pollere autoritate  
in temporalia predicent, verum est per modum doctrinae, suasionis &  
exhortationis à communione Ecclesiastica: falsum autem per coactionem, aut Re-  
gum atque Principum depositionem. Hoc autem probat, quia Ecclesia ne-  
que Territorium, neque usum habet gladii materialis. Si per Territorium  
significat Richerius, ut vulgo Jurisconsulti, locum, in quo  
quis facultatem habeat poenit temporalibus, atque morte etiam  
corporali malos terrendi, & re ipsâ puniendi, verum est Ec-  
clesiam vi clavium non habere hujusmodi territorium, sed  
vel propriâ populi liberi electione, vel Principum concessio-  
ne: at verò si territorium accipiatur pro loco, in quo exer-  
cetur jurisdictio qualibet cum coactione, ac poenarum in-  
flictione, habet Ecclesia Territorium, ubicumque versantur  
homines baptismali charactere insigniti, cùm eos ubique cen-  
suri ligandi habeat facultatem. Si denique Territorium su-  
matur pro loco, in quo pena temporalis ad finem spiritualiem  
decerni possit, non proficientibus poenit spiritualibus, ac  
deficiente alio remedio, quæstio est. Negat Richerius; affir-  
mant alii.*

2. Sed non est confundendus usus gladii materialis cum  
Territorio. Utitur enim gladio materiali, qui re ipsâ occi-  
dit, aut aliâ corporaliter plectit, quod Ecclesiasticis viris  
non congruit. Dum Concilia Generalia lib. 4. relata, ac no-  
minatum Constantiense, & Bafleense Imperatores, Reges,  
etiosve Principes deposuerunt, vel deponendos decreverunt,  
si fidei aut Religioni obessent, non sunt usus gladio materiali,

Ecce 3

Prin-

590 TRACTATVS DE LIBERTATIBVS,  
Principibus bellum inferendo; sed eos, ne gladio materiali in  
perniciem Religionis abuterentur, impediunt. Utique Eccle-  
sia, & spiritualis scilicet gladius, & materialis: sed is quidem pro Ecclesia,  
ille vero & ab Ecclesia exercendus est, ut inquit S. Bernardus, à Ri-  
cherio num. 11. citatus.

3. Comparatio quam adducit Richerius, Pædagogi, dis-  
cipulos adversus disciplinam obdurescentes bonis paternis ex-  
hæredantis, & Ecclesiæ, Reges aut Principes Christianos  
abdicantis, est ex earum numero, quæ uno pede incedere,  
nonaginta novem claudicare dicuntur. Defectus studii vix  
tanti esse potest, ut illum ex hæredatione punire conveniat;  
persecutio contra Fidem & Religionem esset æternæ ruinæ  
occasio, nisi sisteretur. Hæreditas ad studium non refertur,  
sed sæpè studium ad hæreditatem: temporalia ad spiritualia,  
tanquam ad principaliora, jure Divino & naturali ordinata  
sunt; qui ordo pervertitur, dum potentia temporalis non solum  
spiritualia bona non promovet, sed in ea etiam grassatur. Pueri  
habent Patrem aut parentes, quibus & major & latior, quam  
Pædagogo potestas competit, & à quibus castigari efficacius  
possunt. Reges & alii Principes supremi nullum alium in ter-  
ris superiori agnoscunt. Pædagogi nullam habent propriæ  
dictam jurisdictionem in pueros, quos leviter tantum corri-  
gere ipsis licet, parentibus, à quibus facultatem illam quasi  
delegatam receperunt, filios in sua cura retinentibus. Ecclæ-  
sia vero supremam in spiritualibus obtinet potestatem, ad  
quæ, ut diximus, temporalia, tanquam ad principaliora or-  
dinata sunt. Neglectus disciplinæ scholasticae solis plerumque  
discipulis nocet; Fidei ac Religionis impugnatio, non so-  
lum Principibus, sed & innumeris eorum subditis. Si disci-  
pulorum exemplum condiscipulos trahit, penes Pædagogum  
est illorum curam dimittere; Ecclesiæ, neque Principes, ne-  
que Subditos, per Baptisma sibi aggregatos deserere fas est.  
Ut disciplina scholastica non violetur, obstat sæpè naturalis  
Constitutio. Fidei ac religioni non nisi ex malitia bellum in-  
fertur. Ad pueros non pertinet hæreditas, vel saltem ejus ad-  
ministratio. Nam si parentes vivunt, ipsi Domini sunt; si  
decesserunt, pueri sunt sub Tutoribus & Actoribus, à quo-  
rum consensu pendent. Si discipuli sui juris esse supponun-  
tur,

tur, non habet in eos Pædagogus potestatem, nisi quam illi contulerunt, quæ certè ad exhortationem non pertinet. Ecclesiæ supremi Pastores à Christo ipso in omnes baptizatos jurisdictionem obtinent, quam non exercent, nisi circa id jus quod subditis competit.

4. Illudit, ut verba Richerii in ipsum retorqueamus, à dicto secundam quid ad diutum simpliciter, ratiocinatio, quâ probatur Ecclesiæ in temporalia Principum nullam, etiam indirectam, potestatem habere, ex eo quod Ecclesiastici se favis, aut secularibus negotiis, non immisceant: & sufficientia politia Ecclesiastice ab observatione mandatorum Dei non à jure gladii, aut Monarchiâ temporali petenda sit: quasi Ecclesia subditos à juramento fidelitatis absolvens, gladio materiali Regem jugularet, aut ei bellum inferret, ut ipsius Regnum sibi vendicaret, Monarchicè à se gubernandum. Præcipua quidem Superiorum Ecclesiasticorum potestas expressa his verbis Matt. 28. hic à Richerio relatis, aliquibus omissis; Euntes ergo, docete omnes gentes servare omnia quæcumque mandavi vobis: & ecce ego vobis sum omnibus diebus, usque ad consummationem seculi. Sed illis nullo interjecto, præmisserat Christus; *Datus est mihi omnis potestas in Cœlo & in terra;* quasi insinuans se illis potestatem conferre tum circa cœlestia, tum circa terrena, quatenus opus esset ad amovenda obstacula, injuncti sibi officiū spiritualis executionem impudentia.

5. Triplic hic sibi argumentum opponit Richerius, quem primum dicitur ab exemplis veteris Testamenti. Huic respondet, Synagogam territorium, & jus meri Imperii habuisse, Ecclesiæ non item. Sed, ut mox explicuimus, Ecclesia Territorio non caret: imò nec mero Imperio, quandoquidem ubique terrarum censuris, nominatim excommunicatione, quæ à juris Canonici Tractatoribus cum jure vita ac necis comparatur, fideles contumaces plectere potest, nec non à juramentis fidelitatis, sicut ab aliis, dummodò justa & necessaria causa intercedat, absolvere, ut lib. 4. ostendisse sufficenter credimus. Aliud discrimen observat Richerius, quod scilicet lex Evangelica ad Mosaicam, & ad quamcumque aliam politiam comparata, sit lex mansuetudinis & perfectissimæ libertatis. Verum hæc libertas in eo præcipue sita est, quod Christiani ultrò, & ex Charitatis instinctu, non

au-

592 TRACTATVS DE LIBERTATIBVS,  
autem ex servili poenæ timore moveri debeant ad implenda  
præcepta , ut S. Augustinus , & alii sancti Patres exponunt;  
non in eo quod ab omni poenâ debeant esse immunes , si con-  
tumaciter renitantur. Alioquin enim excommunicatio , qua  
verorum Christianorum judicio damnatio est Regni tempora-  
lis privatione gravior , ab Ecclesia esset eliminanda.

6. Alterum argumentum , quod sibi objicit Launoius , est  
caput tertium Synodi Lateranensis : quo statuit Reges , at-  
que Principes , qui hæreticos ex suis Dominiis minimè exter-  
minaverint , esse abdicandos. Responderet , isthæc & similia ut  
Decretales Romanorum Pontificum nihil juris habere in Prin-  
cipes politicos ; quia inquit , *Decreta hac privatim , & proprio motu*  
*à Romanis Pontificibus , non Synodice , id est totius Ecclesie consensu , sancta*  
*fuerunt : itaque non obligant. O temeraria responsio ! Quid in Con-*  
*cilio generali , imò Generalissimo affidentibus per se vel per*  
*suos Legatos omnibus Principibus Christianis , Decretum est;*  
*proprio motu à Romanis Pontificibus non Synodice , id est totius Ecclesie consensu*  
*sancitum fuit. Equis ergo ultra requiritur , ut aliquid Synodice*  
*totius Ecclesie consensu sancitum dicatur? An ut generatim omnes &*  
*singuli Christiani assentum præbeant? Et quid unquam fuit?*  
*aut erit unquam hoc modo sancitum ? Nulla ergo unquam*  
*obligavit , aut obligatura est lex Ecclesiastica. Sed demus Ri-*  
*cherio Papam in eo Concilio , & in aliis , quibus præsedit ,*  
*hujusmodi Decreta proprio motu edidisse , atque ad corum*  
*subscriptionem Episcopos , aliosque Judices & Assistentes co-*  
*gisse : quid respondebit autoritati , tanti apud ipsum ponde-*  
*ris , Conciliorum Constantiensis & Basileensis contra Pon-*  
*tifices habitorum? An eorum Decreta , qua lib. 4. retulimus ,*  
*proprio motu à Romanis Pontificibus sancta dicet?*

7. Objicit sibi 3. abdicationem Childerici Regis Fran-  
cum , & Imperii translationem ad Francos , quibus respon-  
det absolutè negando *solâ Romanorum Pontificum auctoritate , absque pa-*  
*puli consensu , auctoritate , aut postulatione factas. Nota vocem illam ,*  
*solâ ; adeò enim certum est , eas Romanorum Pontificum auctoritate*  
*factas fuisse , ut id non possit non fateri , illucque confugiat*  
*ut neget , solâ eorum auctoritate factas. Sed ab illo & aliis exem-*  
*plis se se expedit pronuncians , quod moribus & Canonibus , non*  
*exemplis , Christianam Rempublicam gubernari voluit Dominus Nostrus Iesus*  
*Christus*

*Christus.* Sed quis illos nobis Canones in hac materia edet, quandoquidem qui in Conciliis generalibus conditi fuerunt, proprio motu summorum Pontificum sancti fuisse, atque adeò non obligare dicuntur. Quis mores declarabit, aut Canones sanctos, quibus Christianam Rempublicam gubernari voluit Dominus noster Jesus Christus? Quis audeat cum Richerio contendere, qui exempla tot tantorumque Pontificum, & Conciliorum Generalium nihil faciens, de jure, non de facto disputari postulat? Sed si tam parvi pendenda est Conciliorum autoritas, cur ad illam tam sèpè nos vocat Richerius? Cur penes illam supremum Ecclesiæ regimen constituit interdum? Quis contendat aut exponet jus, secundum quod de controversiis disputari possit?

7. Claudit libellum suum Richerius, remittens pro reliquarum objectionum solutione ad Tractatum Magistri Joannis Parisiensis, *de potestate regia & Papali*, qui est in 2. lib. Vindicarum; Verum si Richerius graviores illas esse existimabat, cur omisit, & opus suum mancum reliquit, nisi quia se illis plenè satisfacere non posse intellexit? Si leviores judicavit, non debemus de illarum solutione anxiā gerere solicitudinem. Sed non sunt à nobis omnino prætermittendæ Richerii Vindiciae, ne illius doctrinam labantem suffulsiſſe existimentur.

## C A P U T VII.

*Note in primum librum Vindicarum Edmundi Richerii,  
qui Decretis Scholæ Parisiensis constat.*

1. **V** Indicias suas Edmundus Richerius in quatuor libros distribuit, cujus divisionis monet in p̄fatione. Primus aliquot Decreta Facultatis Theologiarum Parisiensis complebitur. Secundus continet aliquot opuscula Doctorum Sorbonicorum, pro Philippo Pulchro Rege Franciæ adversus Bonifacium VIII. Papam. Tertius ea exhibet, qua Petrus de Alliaco, & Joannes Gersonius emiserunt in lucem tempore Conciliorum Pisani, & Constantiensis. In quarto sunt ea,

Ffff

quæ

594 TRACTATUS DE LIBERTATIBVS,  
quæ Jacobus Almainus, & Joannes Major pro Ludovico XII.  
adversus Julium II. & adversus scripta Cajetani edide-  
runt.

2. In primis diligenter observandum est, quâ viâ ad scopum  
suum tendat Richerius. Collectionem suam sic inscribit;  
Vindicia doctrine Majorum Schola Parisiensis, seu constans & perpetua Schola  
Parisensis doctrina de autoritate & infallibilitate Ecclesie in rebus fidei & mo-  
rum contra defensores Monarchia universalis & absolute Curia Romana. Mox  
quasi thema adduntur verba S. Augustini ex lib. 2. contra Ju-  
lianum cap. 10. Quod invenerunt in Ecclesia, tenuerunt; quod didicierunt,  
docuerunt; quod à Patribus acceperunt hoc filii tradiderunt. Deinde propo-  
nitur illud Deuteron. 32. vers. 7. Interroga Majores tuos, & di-  
cunt tibi. Et in præfatione plura alia refert ad traditionem & ad  
libertatem Christianam spectantia; Itaque crederes ab Apo-  
lorum tempore ad nos usque per singula sœcula seriem tradi-  
tionis pro autoritate ac libertate Ecclesiæ contra summi Pon-  
tificis potestatem & infallibilitatem perducturum; præcipue  
verò ex primorum Scholæ Parisiensis Doctorum testimoniosis,  
& ex antiquissimis illius Academiæ Decretis catenam perpe-  
tuam contexturum: & ecce tibi exhibet Decreta, quorum  
primum sœculo 15. editum est, & opuscula 14. sœculo non  
antiquiora, tempore schismatis, aut dissidii inter Reges ac  
Regnum Galliæ, & Pontifices Romanos, à Doctoribus Ro-  
manæ Curiæ plerumque infensis conscripta; quod certè Vin-  
diciarum genus non tam causam justam esse, quâm jure defi-  
tutam probat: quandoquidem pars illam defendens ad Ad-  
vocatorum suorum testimonium & autoritatem, tanquam ad  
fortissimum præsidium configuit.

3. At fortè non tam illorum nomine, quâm argumentis  
se se tueri vult. Verùm non neglexerat Richerius, quæ sibi fa-  
vere videbantur, à singularium Doctorum Tractatibus, licet  
non citatis, mutuari. Universitas enim non solet argumentis  
sua Decreta, ut privati suas opiniones, confirmare; sed ju-  
dicum more, suppressis rationibus, decernere. Non tamen  
facilè debent ejus judicia odio, vel alicui animi perturbatio-  
ni adscribi, aut etiam parvi pendit, præsertim si repetita sint.  
Et magna certè deberetur doctrinæ Scholæ Parisiensis reve-  
rentia, si constans & perpetua esset, ut affirmat Richerius.

4. Sed

4. Sed undenam orditur Richerius traditionem Facultatis Theologiæ Parisiensis? An à tempore Caroli Magni, quem plerique Galli Universitatis illius Urbis Fundatorem nominant? An saltem à tempore Roberti Sorboni, cui celeberrimum Collegium Theologorum & nomen & institutionem debet? Minimè verò: à tempore, quo maximè flagrabat schisma, atque ad illud extingendum maximè anhelabat tota Ecclesia, præsertim Univeritas Parisiensis, cujus tunc Cancellerius erat Joannes Gersonius eo zelo vehementer incensus. Eā enim de causa illo ipso anno habitum est Concilium Pisanum. Primum enim, quod producit Decretum datum est die 2. Mensis Januarii 1408. more Gallico; id est 1409. mōte communi. Nullane usque ad id tempus edita fuerant ab Universitate Parisiensi de potestate Ecclesiasticâ Decreta? Nulli ejus Alumni cā de re scriperant? Sed saltem ex eo tempore fuitne *constans & perpetua* omnium ejus Universitatis Doctorum sententia? Ut id pateat, non sunt repetenda, quæ in libris superioribus allata sunt à nobis testimonia. A Lectore, si dubitet, rursus videri possunt.

5. Sed accedamus proprius ad doctrinam Scholæ Parisiensis, & consideremus an Curiæ Romanæ adeò infesta sit: negligitis iis, quæ ad causæ justitiam nihil faciunt, & quæ Richerii tantum affectum declarant, ut sunt, stylī acrimonia, & denominatio Concilii Pisani habitu an. 1409. quod primum vocat, quasi nihili faciendum esset illud, quod ibidem sub Innocentio II. an. 1134. præsente, plurimumque juvante S. Bernardo, à totius Occidentis Episcopis celebratum est, ac de quo Bernardus Abbas Bonævallis in vita S. Bernardi ait; *Innocentius II. rursus Pisas revertitur, ibique aggregatis totius Occidentis Episcopis, aliisque Religiosis viris, magna gloria Synodus celebratur. Affuit per omnia & Consilia & judicia & definitionibus omnibus sanctus (Bernardus.)* Sed magis cordi erat Richerio commendare Conciliabulum, quod tempore Ludovici XII. Regis Franciæ, illiusque pollicitationibus Pisis ex parte habitum est an. 1511. & in Galliam evocatum, quod tanquam schismaticum reprobatum est in Concilio Lateranensi 5. sess. 2. & 3. & ab ipsomet Ludovico repudiatum, ut in eodem Lateranensi sess. 8. legitur. His omissis, scholam Parisensem audiamus.

Ffff 2

6. Pri-

6. Primò prædictæ Facultatis Theologicæ Decreto à Richerio relato cogitur Licentiatus quidam retractare nonnullas propositiones circa Sacramenti pœnitentiae administratiōnem , verbi Dei prædicationem , ac Decimaru[m] solutiōnem : quæ quidem propositiones , cùm falsæ & scandalosæ essent , revocari certè debebant. Neque ea retractatio juribus sanctis Sedis præjudicat. In prima quidem propositione , prout emendata est , dicuntur *Curati in Ecclesia Minores Prelati & Hierarchæ* , ex primaria institutione Christi : sed licet ipsius gradus institutio esset ex primaria institutione Christi , quod minus esse probabile superiori libro ostendimus , non tamen sequeretur unumquemque Parochum jurisdictionem suam immediatè à Christo recipere ; multò minus quod infert Geronius à Richerio citatus , eos vocem definitivam in Conciliis Ecclesia cum Episcopis habere : ut enim Episcopi Ægyptii & alii ipsis adhærentes clamarunt in a. 1. Concilii Chalcedonensis , *Synodus Episcoporum* est. Nec antiquitas , quam Richerius , & alii scriptores Gallicani tam sèpè appellant , docet nos , Parochos in Conciliis generalibus definitivam vocem habuisse , aut etiam ad ea vocatos fuisse , nisi fortè tanquam consiliarios.

7. Alterum Theologiæ Parisiensis Decretum à Richerio exscriptum dici 3. Martii an. 1430. testatur , alium Licentiatum partim sponte , partim ordinante Universitate , aliquas propositiones revocasse circa jurisdictionem Ecclesiasticam : ac tria præcipue declarasse. Primò quod omnes patentes jurisdictionis Ecclesia , alia à Papali potestate , sunt ab ipso Christo , quantum ad institutionem & collationem primariam. ( Idque immediate , ut dicitur in propositionibus sequentibus . ) A Papa autem & ab Ecclesia , quantum ad limitationem & dispensationem ministerialem. Hæc propositione sensum verum , & iis , quæ à nobis superiori libro statuta sunt non oppositum , potest habere. Esto enim Christus Episcopatum & alios gradus instituerit , atque Apostolis suis , & primis Ecclesiæ suæ ministris , etiam immediate contulerit , atque ita ipse sit causa principalis illorum : dispensans tamen , & limitans à summo Pontifice ipsius ministro ac Vicario , nec non totius Ecclesiæ capite. Certum tamen est propositionem illam , si generaliter sumatur , veram non esse. Necenim Christus Dignitatem Patriarchalem v. g. Exarchalem ,

8. Declaravit præterea dictus Licentiatus, quod quandocumque in aliquo Concilio aliqua instituuntur, tota autoritas dans vigorem statutis residet, non in solo summo Pontifice, sed principaliter in Spiritu Sancto, & Ecclesia Catholica. Quod autoritas dans vigorem statutis Conciliorum residet principaliter in Spiritu Sancto, certò certius est. Verum etiam in aliquo sensu est, illam autoritatem residere in Ecclesia. Sed istud obscurum est. Ecclesia enim potest intelligi vel formaliter pro tota fidelium collectione, atque in eo sensu falsum est, eam dare vigorem statutis. Laicis enim, qui pars ejus collectionis maxima sunt, convenit obsequendi necessitas, non decernendi autoritas: potest etiam Ecclesia sumi repræsentativè, hoc est, pro fidelium omnium Pastoribus; atque in isto sensu verum est, Ecclesiam dare vigorem statutis. Nec enim nihil faciunt reliqui Episcopi ad robur Decretorum Synodalium. Sed summus Pontifex, ut caput illius mystici corporis, plus ceteris confert. Quia sicut ipsi, tanquam supremo Pastori, commissæ sunt universæ Christi oves; ita & principalis tradita est earum regendarum potestas. Quæ quidem Papæ prærogativa, ita ceterorum jurisdictioni præeminet, ut dum ipse Concilio intereat, ejus nomine Decreta edantur, approbantibus ceteris, ut alibi observavimus.

9. Confessus est idem Licentiatus, quod potestas Ecclesia de jure potest aliquid, & in certis casibus contra summum Pontificem. Ea etiam propositio in eo sensu vera est, quo in usum redacta fuerat ante aliquot annos in Concilio Constantiensi, quando nimis incertum erat apud plerosque, quis esset legitimus Pontifex. Sed verba illa, in certis casibus, exceptionem significant, quæ non solum regulam generalem non constituit, sed & regulam contrariam firmat.

10. Denique declaravit, Papam Simoniam posse committere. Quæ in re distinguenda est vera Simonia contra jus Divinum, à quibusdam aëibus ab Ecclesia ob Simoniae periculum prohibitis, licet veram Simoniam non contineant. Itemque in Simonia contra jus Divinum, discernenda est culpa à censura, quæ illam in certis casibus consequitur. Summus Pontifex jus divinum violans culpam non effugeret; censuram

Ffff 3 non

598 TRACTATUS DE LIBERTATIBVS,  
non incurreret. Juris merè positivi directioni subest , non  
coactioni.

11. Huic secundo Decreto subjungit Richerius sex conclu-  
siones articulorum ejusdem Facultatis Parisiensis contra Lu-  
therum : sed illæ conclusiones Ecclesiæ quidem privilegium  
in fide & moribus non errandi , controversias , aut dubia cir-  
ca Scripturas sacras definiendi & determinandi , nec non ex-  
communicandi potestatem adscribunt , ejusque traditiones  
recipiendas declarant ; idem tamen privilegium eandemque po-  
testatem summo Pontifici non denegant.

12. Hæc autem est ultima ex illis sex conclusionibus ; Ne  
minus certum est unum esse de jure Divino summum in Ecclesia Christi mili-  
tante Pontificem : cui OMNES Christiani parere tenentur : qui quidem po-  
testatem habet & indulgentias conferendi. Si summo Pontifici omnes  
Christiani parere tenentur : ergo & omnes Episcopi , cùm om-  
nes sint Christiani : verum , ut sèpè diximus , quid est Ecclesia  
formaliter , nisi omnes Christiani ; & repræsentativè nisi om-  
nes Episcopi ? Sed dices , fallacia est à sensu diviso ad sensum  
compositum. Ita quidem esset , si Ecclesia tunc tantum dice-  
retur , cùm Episcopi essent in Concilium Generale collecti ,  
aut fideles omnes in consilium universale congregati. At cùm  
ipsa fidelium multitudo , etiam prout sunt per totum orbem  
dispersi , & Episcopi in propriis Dioceesisbus residentes , Eccle-  
sia propriè sint , non video quomodò in eo statu omnes sum-  
mo Pontifici parere teneantur , non autem Ecclesia ipsa. Nisi  
fortè dicamus omnes Christianos ad parentum teneri , nisi  
communi consensu inter se per litteras aut Nuncios signifi-  
cato , deliberent non parere sed præcipere ; atque in eo casu  
Pontificem Ecclesiæ subesse ; quod absurdum videtur.

13. Dicitur in quarto ex illis sex articulis potestatem excom-  
municandi esse de jure Divino IMMEDIATE à Christo Ecclesia concessam.  
Sed illud immediate dicitur contra errorem Lutheri , qui ex-  
communicationes ad politiam dumtaxat exteriorem valere ,  
non autem bonis spiritualibus privare ; imò potius prodesse ,  
quam obesse affirmabat : unde sequi videbatur , illas ab ho-  
minibus fuisse omnino excogitatas. Hæc enim erat proposi-  
tio 18. ex damnatis à Leone X. an. 1520. Excommunicationes sum-  
tantum externa pœna , nec privant hominem communibus spiritualibus Ecclesia  
gratia

rationibus. Et 19. Docendi sunt Christiani plus diligere excommunicationem, quā timeat: quibus propositionibus opponitur articulus scholæ Parisiensis declarans, potestatem excommunicandi esse de jure Divino, etiam immediatè; atque adē excommunicationem esse timendam. Fuit autem illa potestas immediatè concessa Ecclesiæ; hoc est primariò propter ipsius bonum, non autem Ecclesiæ universæ sicut subiecto immediato, quemadmodum de jurisdictione in communi jam exemplicimus.

14. Tertium Decretum die 5. Februarii an. 1483. editum, quo tempore maximè laborabant Galli pro defensione suæ Pragmaticæ Sanctionis ex Decretis Concilii Basileensis, ad quod admissi fuerant Curati, desumptæ, atque à Ludovico XI. Caroli VIII. tunc regnantis Patre repudiatae, continet censuram quatuordecim propositionum, ubi quatuor tantum capita nobis adversari videntur. Primum, quod prima propositio in eo quod enuntiabat, Curatos suam facultatem habere ab Episcopo dumtaxat, gravi censurâ perstringitur: quare insinuat, eam potestatem esse de jure Divino: sed vox illa, dumtaxat, efficit, ut ad veritatem & justitiam censuræ sufficiat, potestatem Curatorum aliquo modo esse ab alio quam ab Episcopo. Id autem multis modis absque præjudicio sententiæ nostræ contingere potest, prout variè exponitur natura jurisdictionis à Doctoribus scholasticis, qua de re videri potest Suares de pœnit. disput. 16. sect. 3. Certè potestas remittendi peccata in se absolutè, ac sine respectu ad aliquos subditos ab eo solo est, qui solus potest peccata dimittere; assignatio autem subditorum est ab Episcopo, vel alio beneficium conferente; atque adē licet Curatorum potestas sit ab Episcopo, non est ab eo dumtaxat.

15. Secundò, hæc propositio, quæ in ordine secunda est: Parochianus confessus dicit fratibus, satisfecit Decretali: Omnis utriusque sexus. De pœnit. & remiss. nec tenetur confiteri proprio suo Curato semel in anno, nec ab eo petere licentiam, hac censurâ notatur; Hæc propositio informa, in qua jacet est falsa, & de heresi vehementer suspecta, juri communis contraria, & publicè revocanda. Verum hæc censura non negat, Regulares, si à Papa delegentur, pœnitentes absolvere validè; atque confessione illis factâ satisfieri præcepto Ecclesiæ.

COO TRACTATVS DE LIBERTATIBVS,  
eclisiæ contento in prædicto Canone. Omnis utriusque sexus; etiam si  
confessio rursus Curato non fiat. Alioquin censura illius pro-  
positionis, sicut & tertia, que est de communione illorum,  
qui Regularibus confessi sunt, qua parte ad istam reducitur,  
potius esset hæretica, quæm propositiones ipsæ, quas afficit,  
ut patet ex damnatione propositionum Joannis de Poliaco,  
facta à Joanne XXII. Papa extrav. *Vas electionis*. De hæreticis,  
& ab Ecclesiæ receptâ, imò & ab ipsam Schola Parisiensi,  
ut in lib. 6. demonstravimus. Convenit igitur censuram ita  
interpretari, ut velit Curatorum licentiam à fidelibus postu-  
lari confitendi Regularibus, quod reverentia Pastoribus de-  
bitæ maximè convenit; & posset etiam absolutè necessa-  
rium esse, si summus Pontifex eam conditionem appone-  
ret. Verum hæc controversia ob nova Ecclesiæ Decreta Re-  
gulares Episcoporum approbationi subdientia, inutilis ho-  
diè videtur.

16. Tertiò, ista propositio ordine 8. Papa posset totum ius  
Canonicum destruere, & novum construere, declaratur scandalosa, blas-  
phematoria, notoriè heretica, & erronea. Reverè propositio com-  
plexè accepta est scandalosa: quatenus etiam in jure Canoni-  
co plurima continentur, quæ sunt juris Divini, est blasphematoria,  
heretica, & erronea. Sed salva est summo Pontifici au-  
toritas dispensandi super iis, quæ sunt de jure positivo dum-  
taxat, & etiam ea abrogandi, dum justa causa intercedit,  
ut intercedere præsumendum est, quando contrarium ma-  
nifestè non appareat: nec non jus Divinum interpretandi.

17. Quartò, propositio 12. scilicet; *Quicumque contradicit*  
volumati Papa paginazat, & sententiam excommunicationis incurit (ijs  
facto: ) & à nullo Papa reprehendi potest, nisi in materia heresim, nota-  
tur ut falsa, scandalosa, & sapiens hæresim. Ita etiam cen-  
sura variis modis, autoritati Papæ non contrarii, salvari  
potest. Primò enim, si Papæ voluntas esset apertè injusta,  
liceret ei cum reverentia contradicere. Secundò non omnem  
contradicitionem sequitur pœna excommunicationis. Tertiò  
Papa potest reprehendi extra casum hæresis. Aliud est enim  
reprehendere, aliud judicare. Quartò judicari etiam potest in  
casu schismatis, quando cum fundamento dubitatur an sit  
verus & legitimus Pontifex.

18. Quar-

18. Quartum Decretum suâ etiam epochâ nonnihil suscepimus, editum scilicet anno 1497. post expeditionem Italicam Caroli VIII. Francorum Regis, ut notat Richerius, continet responcionem prædicto Regi factam, circa tres ab ipso missas quæstiones. Responsum est, primò, Papam debere quolibet decennio Concilium congregare, præsertim si magna sit in Ecclesia deordinatio. Id jam statuerat Concilium Constantiense; atque optandum esset, ut observari posset. Sed is est Christianarum Provinciarum status, ea Principum Catholicorum discordia, ut desiderari quidem, sed nondum sperari possit. Secundò responsum est, rogato ac renuente summo Pontifice, posse Principes tam Ecclesiasticos, quam sacerdtales, & partes Ecclesiae notabiles se congregare. Cujus utilitatis futura sit hujusmodi congregatio, instigantibus Principibus, sine summi Pontificis assensu, facta, comprobavit inter alia Conciliabulum, aliquot post annis à Ludovico XII. Caroli VIII. successore, primù in Gallia congregatum, deinde, illo procurante, Pisis continuatum, postea in Franciam revocatum; ac denique à Concilio Lateranensi V. damnatum, & à Ludovico ipso repudiatum, ut suprà notavimus. Tertiò responsum est, renuente summo Pontifice, ac reliquis Provinciis Christianis, posse unam, v.g. Regnum Franciæ, Concilium celebrare, & necessitatibus Ecclesiae providere. Quis credat, eventurum unquam casum illum, ut sola Francia necessitatibus Ecclesiae prospicere satagat, recusantibus, & summo Pontifice, & aliis Prælatis Orbis Christiani. Verendum potius esset, ne sub prætextu adhibendi Ecclesiae malis remedii, malorum omnium maximum schisma in Ecclesiam invehernetur. Non patietur Ecclesia Romana, vel etiam aliæ, ut zelus pro domo Dei à se in Galliam penitus exulet.

19. Hac responso (scilicet Carolo VIII. facta) inquit Richerius, aperte declarat quidnam Parisienses Theologi conformiter ad Constantiensis & Basileensis Synodi Decreta de autoritate Concilii supra Papam, & de Regno Christianorum potestate in Conciliis indicendis & congregandis, tum temporis sentirent atque docerent. Scimus quidem Concilium Constantiense in Gallia maximi fieri, ejusque occasione, quia nimis feliciter diuturno, perniciössimoque schismati finem imposuit, plures in eo Regno summam Conciliis generalibus

G g g

auto-

602 TRACTATVS DE LIBERTATIBVS,  
autoritatem tribuere , sed non video quomodò hæc respon-  
sio aperte declarat , quidnam Parisiensis Theologi ( ea de re ) sentent ,  
aque docerent . Aut de Regum Christianorum potestate in Conciliis indicendi  
& congregandi , cùm de neutro quidquam definit ; neutrum  
ex illa meo judicio sequatur : judicet tamen quisquis le-  
gerit . Eam , quia paulò prolixior est , non puto hîc exscri-  
bendam .

20. Fortassè Richerius putavit , Doctores superiorem illam  
autoritatem Concilii generalis indicatam voluisse illis verbis  
responsonis ad secundam quæstionem , Ecclesiam universalem repre-  
sentans . Sed attentè legenti patet , illa dicta esse de Concilio ge-  
nerali à summo Pontifice convocato , de quo sermo fuerat in  
responsonie ad primam quæstionem : non de Concilio sine  
Papa congregato , de quo agebatur in secunda , quodque alii  
potius opponitur tanquam Ecclesiam non repræsentans ; hæc  
enim sunt verba ; Principes tam Ecclesiastici , quam sacerdotes , &  
patres Ecclesiæ notabiles possunt se congregare sine hoc , quod per dictum summum  
Pontificis congregetur dictum Concilium Ecclesiam universalem representans .  
Ubi etiam vides de Principibus sacerdotalibus , sicut de Eccle-  
siasticis , dici quod possint se congregare ; non autem quod  
possint congregare Concilia .

21. Claudit hunc librum Richerius Censurâ ejusdem Facul-  
tatis adversus undecim alias propositiones , ex quibus tertia ,  
quinta , sexta cædem sunt , quæ tertio Decreto notatae fue-  
rant , cædemque censurâ afficiuntur . Quamobrem sufficiunt  
quæ de illis jam dicta sunt . Aliæ ad institutum nostrum non  
pertinent ; nisi forte quarta , quæ Regularibus privilegium  
tribuit absolvendi à multis casibus , à quibus absolvere ne-  
queant Curati : sed cùm de facto magis , quam de jure aga-  
tur , non videtur diutiùs immorandum circa ejus censuram ,  
quæ est hujusmodi ; Ista propositio censenda est falsa , & iuri communi  
contraria , scandalosa , & idèo nullatenus praedicanda . Nam cum privi-  
legia non supponenda , sed exhibenda sint , quæ juri com-  
muni adversantur , censensa sunt falsa , & nequaquam prædi-  
canda , quamdiu de illis non constat . Quæ Censorum mens col-  
ligitur tūm ex illa voce , censenda est , quæ inevidentiam sub-  
indicit , tūm ex eo quod in fine censuræ declaratur , quod  
predictorum articulorum qualificatio nullo modo derogat , nec præjudicat Clementi-  
na

*ne Dudum. De sepulturis; quia scilicet est privilegium in corpore juris clausum, atque adeò notum & certum.*

22. Hæc interpretati sumus pro nostro erga Facultatem Parisiensem studio. Sed, si cui videatur interpretatio illa menti ejus scholæ adamussim non congruere, provocamus ad alia ejus Decreta, edita antequam schismatis occasione, ac Joannis Gersonii præsertim impulsu, summi Pontificis autoritatem, si non minuere, saltem quā angustis posset limitibus concludere statuisse, & ob potestatis Pontificiæ abusus, præcipue schismatis ejusdem tempore, potestatem ipsam gravem habere cœpisset. Antiquiorum autem illorum Decretorum exempla, quæ ubi tulit occasio, jam vidimus, sufficiunt. Plura videri possunt apud Mauclerum, Duvalium, & alios ejusdem Scholæ Doctores.

23. Denique, licet concederemus, scholam Parisiensem ita semper sensisse, ut Decretis à Richerio relatis significasse videtur, ejusque doctrinam esse veram; quid juvaret declarationem Illustrissimorum Præfulum Gallicanorum, pro cuius defensione modò in lucem emissâ sunt? Ubi enim subtrahuntur Principes, quantum ad temporalia, à potestate indirecta Ecclesiæ? Ubi submittitur generaliter summus, & indubitatus Pontifex Concilio Generali? Ubi confirmantur regulæ, mores, & instituta à Regno, & Ecclesiâ Gallicanâ recepta? Ubi negatur summo Pontifici non errandi privilegium? Multis opus esset consequentiis, ut ista ex illis concluderentur.

## C A P U T V I I I .

*De Tractatibus, quibus constat liber secundus Richerii,  
ac speciatim de primo.*

1. **N**on eâdem prosequimur reverentiâ Tractatus illos, quos nonnulli scriptores pro Regum Francorum defensione tempore dissidiorum cum Romanis Pontificibus lucebrarunt, quâ Facultatis Theologicæ Decreta. Quis enim partis alicujus causam injustam præsumat, eo quod à partis adversæ Advocate impugnetur: aut quis miretur inveniri

G ggg 2

Scrip-

604 TRACTATUS DE LIBERTATIBVS,  
Scriptores, qui calamum suum Principibus commendent, vel  
vendant? Itaque menti statim occurrerat, iis Tractatibus  
non aliter respondere, quam collectis & publicatis Tracta-  
tibus aliorum Doctorum ejusdem ætatis, sed contrariæ sen-  
tentiae, saltem æquè celebris ac solidis. Verùm dum id ab  
aliis præstabitur, qui commodiùs, ob Manuscriptorum co-  
piam, possunt; corum qui nobis objiciuntur, vis est ex-  
perienda.

2. Agmen dicit *questio disputata in utramque partem pro & contra*  
Pontificiam potestatem: cui ut autoritas conciliaretur, præfixum  
est nomen Ægidii de Roma Archiepiscopi Bituricensis, viri  
multorum laudibus, & suis ipsius operibus celeberrimi; ac  
de quo scripsit Joannes Bergomensis in *Supplément Chronicæ*,  
relatus à Cœsare Egassio Bulæo hist. Universitatis Paris. to.

3. in *Cathalogo Illustrium Academicorum*; Ægidius Romanus  
Ordinis Eremitarum generalis Prior, & Bituricensis Archiepiscopus & Primus  
Aquitania declaratus, his temporibus ob ingenii magnitudinem Theologorum Prin-  
ceps est appellatus. Quod quidem conjici potest, si à curioso Lectore ejus valu-  
mina perspiciantur. Hic namque ex *Illustri Columnenium Romanorum familia*  
natus, cum longotempore Ordinem suum, omnemque Ecclesiastam doctrinam &  
moribus illustrasset, plurimòq[ue] labore Praeceptoris sui S. Thoma Aquinatis opera  
apud Parisios defensasset, tandem miraculis clarus beato fine quevit. Qui  
sanctitatis merita Beatus Doctor est appellatus.

3. Sed tanto viro suppositam fuisse illam quæstionem,  
tum multa suadent, tum dubitare non finit ejus Tractatus,  
cujus editionem meditatur eruditissimus ejusdem Ordinis  
S. Augustini Alumnus, apud quem Autographum extare audiuit.  
Adeò pugnat doctrina certi hujus Tractatus, cum quæstio-  
nis illius suppositæ doctrinâ, ut ejusdem Autoris esse ne-  
queant. Neque enim is erat Ægidius, ut circa eandem con-  
troversiam aliud scripserit ad Bonifacii VIII. seu potius ad  
jurium sanctæ Sedis defensionem; aliud, &c. è regione con-  
trarium in favorem discipuli sui Philippi IV. Francorum Re-  
gis; ac si ibi tam male constitisset, parum valeret ejus au-  
toritas.

4. Quis Ægidio quæstionem illam, ut certum ejus factum  
primus supposuerit, mihi competitum non est. Richerium lau-  
do, quod fideliter ejus conclusionem exscripserit, quā sig-  
nificat.

nificatur, saltem incertum esse, an opus Autoris sit, cuius nomen præfert; sic enim habet. *Explicit questio prædicta, edita per bene memoria Ægidium de Roma Ordinis fratrum Eremitarum S. Augustini, SACRA THEOLOGIA EXIMIVM PROFESSOREM AC Archiepiscopum Bituricensem, secundum quod fertur. Ultima ista verba, secundum quod fertur, sine merâ cavillatione, aliò referri non possunt, quâm ut indicent, autorem quidem dici Ægidium, esse tamen incertum.* Adeò enim notorium est Ægidium fuisse Archiepiscopum Bituricensem, ut qui ea de re, nonnisi cum cautela, & hæsitans, loqueretur, quod denotant verba illa, secundum quod fertur, satis demonstraret parùm sibi notum esse illum *sacra Theologie eximium Professorem;* adeoq[ue] paucam fidem mereretur ejus testimonium, celeberrimo illi viro istam quæstionem assignans.

¶ Interim autem, dum Tractatus, quem modò dicebam, publici juris fiat, pauca ex illo proferam, ex Codice manuscripto optimè notæ extracta, quæ mentem Ægidii Romani luculentissimè declarant. Sic igitur habet par. 1. cap. 3. Ejus titulus est; *Quod spiritualis potestas INSTITVERE habet terrenam potestatem: & si terrena potestas bona non fuerit, spiritualis potestas eam patrini judicare.* Deinde sequitur; *Hugo de S. Victore in lib. de Sacramentis fidei Christiana par. 2. cap. 4. ait, quod SPIRITALIS POTESTAS TERRENAM POTESTATEM ET INSTITVERE HABET ET IUDICARE, si bona non fuerit.* Igitur de Ecclesia, & de potestate Ecclesiastica verificatur illud vaticinum Jeremia: *Ecce constitui te hodie super gentes & Regna, ut evellas & destruas & disperdas & disipes, adfices & planteres.....* Istud tamen vaticinum hodie de ipsa impletur Ecclesia, ut dicat Dominus Ecclesia; *Ecce hodiè, id est à die qua formata es, constitui te super gentes & Regna, ut destruas & evellas, ea de suo loco transferendo; edifaces & plantes, ipsa quidem Regna in loco alio edificando & plantando.* Quia alias factum est: quia summus Pontifex transluxit Imperium de Oriente in Occidentem, ut in juris scientia est notatum. Concordant itaque rerum gesta cum autoritate Doctorum..... Sed dicet aliquis, quod Reges & Principes spiritualiter non temporaliter fulsint Ecclesia. Sed temporalia ipsa (diceret aliquis) Ecclesia recognoscit ex dominio temporali, ut patuit ex donatione & collatione, quam fecit Ecclesia Constantinus. Sed sic dicentes vim argumenti non capiunt. Nam si solum spiritualiter Reges, & Principes subessent Ecclesia, non esset gladius sub gladio, non essent temporalia sub spiritualibus, non esset ordo

G g g g 3

ix

606 TRACTATUS DE LIBERTATIBVS,  
in potestatibus, non reducerentur insima in suprema per media: Si igitur haec  
ordinata sunt, oportet gladium temporalem subjici spirituali; oportet sub vi-  
cario Christi regnum existere: & de jure, licet aliqui de facto contrarium  
agant, oportet Christi Vicarium SVPER IPSIS TEMPORALIBVS HA-  
BERE DOMINIVM. In eodem Codice habetur Tractatus Ale-  
xandri de S. Elpidio Augustiniani, viri etiam clarissimi; De  
Ecclesiastica potestate. Sed ejus & aliorum in Gallia non verba-  
rum testimonii referendis supersedemus; quamvis eandem  
tueantur sententiam.

6. Ne autem doctrinæ in dicta quæstione contentæ vim me-  
tuere videamur, si tantum eam quasi adulterinum partum  
contemnamus, illam diligenter consideremus. Præmittitur  
Epistolium quoddam cum hoc titulo; *Littera sive Bulla missa per*  
*Bonifacium VIII. Serenissimo Regi Philippo Pulchro.* Falsum, vel certè  
admodum suspectum esse illud Epistolium multi jam often-  
derunt. Mihī mirum est, quod adeò breve cùm sit, Bullæ ti-  
tulo insigniat, littera seu bulla, quasi epistolæ, aut littera-  
rum nomen non satis significaret paucissimarum linearum  
præstantiam. Sunt autem illæ lineaæ, quibus constat, stylo  
tam stricto, tamque ab eo cultu, qui in acerbioribus, etiam  
summorum Pontificum ad summos Pontifices epistolis inter-  
lucet, remoto, ut litteras seu bullam, in cā saltem formā,  
nunquam à Bonifacio VIII. ad Philippum Pulchrum missam  
existimem. Verba illa, Regi Philippo Pulchro, innunt, etiam  
hunc titulum non fuisse illi epistolio præfixum tempore ipso  
Philippi; atque adeò neque ab Ægidio Romano. Qui enim  
præfixit, Regem adhuc regnantem designasset; Gallus qui-  
dem, nomine *Regis tantum*; alias autem, addito nomine *Francie*,  
*Regis nomini.* Sed omne de falsitate dubium abstergere vi-  
dentur litteræ, quas scriperunt Anagniæ 6. Kal. Julii Pontifi-  
catus Bonifacii VIII. an. 8. S. R. F. Cardinales Ducibus, Co-  
mitibus, Baronibus, & Nobilibus Regni Franciæ. Volumus,  
inquiunt, vos pro certo tenere, quod predictus Dominus Noster sicut  
Pontifex numquam scriptit Regi predicto de Regno suo sibi subesse temporaliter,  
illud ab eo tenere deberet: & providus vir Magister Jacobus Archi-  
diaconus Narbonensis Notarius & Nuncius Domini nostri predicti, sic ut con-  
stanter affirmat, ipsi Domino Regi hoc ipsam vel simile nunquam verbaliter man-  
ciavit, aut scripta.

7. Sed

7. Sed et si verè illa epistola fuisset à Bonifacio Regi scripta; responsio quæ illi supponitur facta, quæque illi subditur in quaestione Aegidio suppositâ, adeò est summo Pontifici injuria; ut, si à Principe irato crumpere potuit, non posset à viris, Christi Vicarium, ut veros Catholicos decet, coletibus, irreverentia Christiano Principe indignissimæ, non argui; multò minus tanquam Gallicanæ fortitudinis specimen laudari. Henricus Spondanus ad an. 1301. num. 11. Epistolium Bonifacii verè Philippo redditum tradit, sed à Petro Flota ex longiori epistola maliciose interpolatum. Ad an. autem 1302. num. 8. epistolium etiam Philippi suscepimus.

8. Sed ad quaestione veniamus, quæ post illa duo epistola hunc alium titulum præfert; *Quæstio bene disputata ad argumenta super debato præcedentium litterarum.* Planum est, quaestionis illius statum longè alium esse ab eo, quem postulasset controversia inter Bonifacium & Philippum, saltem ut opponi posset Bonifacio, adversus quem tractata est, & ab eo, quem postularer declaratio Præsulum Gallicanorum, ut hinc aliquid præsidii mutuari posset. Nam neque Bonifacius plenam & directam potestatem in temporalia Principum sibi tribuebat, & Episcopi Gallicani etiam indirectam Ecclesiæ negant. Quæstionis autem istius autor de potestate directâ præcipue dilputat, & indirectam Ecclesiæ nihilominus competere profitetur, quod per partes est demonstrandum.

9. In primis Bonifacius mentem suam adeò luculenter expulit, ut nesciam, quâ fide possit illi sententia tanti diversa affingi. Aequumne est, ut ad minuendam Regis culpam, Pontifex in invidiam immerito trahatur? En votum Bonifacii VIII. in Consistorio, ubi agebatur de discordia inter ipsum & Regem Franciæ ex m. s. Bibliotecæ S. Victoris Parisiensis, relato ab Henrico Spondano ad annum 1302. num. 10. Quadraginta anni sunt, quod nos sumus experti in iure, & scimus QVOD DVÆ SVNT POTESTATES ORDINATAE A DEO. Quis ergo debet credere, vel potest, quod tanta fatuitas, tanta insipientia sit vel fuerit in capite nostro. Dicimus quod in nullo volumus usurpare jurisdictionem Regis, & sic fratres noster Portuensis dixit. Addidit quidem; Non potest negare Rex, seu quicunque alter fidelis, quin sit nobis subiectus ratione peccati. Sed haec sen-

608 TRACTATVS DE LIBERTATIBVS,  
sententia neque nova erat, neque singularis: Siquidem id ipsum  
antea declarerat Innocentius III. in cap. Novit; De Iudicio.  
Quod ab omnibus receptum est, etiam in Gallia, ut lib. 4.  
vidimus; speciatim autem ab Autore hujus quæstionis, ut ex  
eius verbis cap. seq. referendis constabit.

10. Sed prius nosse oportet quis sit status quæstionis ab  
isto Scriptore tractatae. Illum his verbis exprimit; Quæstio est  
utrum dignitas Pontificalis & Imperialis, sive Regalis sint due potestates ad  
invicem distincte: & hoc est quæstere, utrum summus Pontifex plenam ju-  
risdictionem & ordinariam potestatem habeat tam in temporalibus quam in spi-  
ritualibus: ita quod omnes Principes temporales subsint ei quantum ad tempo-  
ralia. Quid facit hæc quæstio ad controversiam inter Bonifa-  
cium & Philippum; vel quid juvat declarationem Antistitutum  
Gallicanorum? Num inficiabatur Bonifacius Dignitatem Pontifi-  
calem & Imperiale, sive Regalem esse duas potestates ad invicem distinctas.  
E contrario id ita profitebatur, ut sententiam contrariam non  
solum juris inscitiae, sed etiam incredibili fatuitati & ins-  
ipientiae adscriberet. Quadragesima anni sunt, quod nos sumus experti in  
jure, & scimus QVOD DVÆ SVNT POTESTATES ORDINATAE A  
DEO: quis ergo debet credere, vel potest, quod tanta fatuitas, tanta ins-  
ipientia sit, velsuerit in capite nostro? An putabat Bonifacius, aut  
docent Theologi, sumnum Pontificem plenam jurisdictionem & ordinariam potestatem habere, tam in temporalibus,  
quam in spiritualibus extra patrimonium B. Petri? Num  
Pontifex juris peritissimus ignorabat cap. Per venerabilem; Qui  
filii sint legitimi; Ubi Innocentius III. expresse affirmarat,  
quod Rex (Francorum) Superiorum in temporalibus minimi recognos-  
cat: aut caput Novit; De iudicio, ubi idem Pontifex decla-  
rerat, quod non intendebat judicare de feudo: cuius ad ipsum (Regem  
Francorum) spectat iudicium? Nonne ad illa jura Bonifacius ma-  
nifestè alludebat his verbis; Dicimus quod in nullo volumus usurpare  
jurisdictionem Regis.

11. At, inquires, volebat saltem Bonifacius, & docent  
multi Theologi, ac contendit Curia Romana, quod em-  
nes Principes subsint summo Pontifici quantum ad temporalia. Ita est: sed  
in eo sensu, quem exhibent hæc verba Bonifacii; Non  
POTEST NEGARE REX, SEV QVICVMQUE ALTER FIDELIS,  
QVIN SIT NOBIS SVBIECTVS RATIONE PECCATI. Quæ sen-  
tentia

tentia Bonifacio est antiquior, nedum recenter non excogitata, ut ex iis patet, quæ lib. 4. dicta sunt, & ex illis Decretalibus, ad quas allusisse Bonifaciū diximus. Nam cap. Novit. postquam Innocentius præmisit se non intendere judicare de feudo, quippe cuius judicium spectaret ad Regem, addit; Sed decernere de peccato, cuius ad nos pertinet sine dubitatione certa, quam in quemlibet exercere possumus, & debemus..... Nullus qui sit sane mentis ignorat, quin ad officium nostrum spectet de quocunque mortali peccato corripere quemlibet Christianum: Et si correctionem contempserit, PER DISTRICTONEM ECCLESIASTICAM COERCERE. Et cap. Per venerabilem. Qui filii sint legitimi; Non solum in Ecclesia patrimonio (super quo plenam in temporalibus gerimus potestatem) verum etiam in aliis Regionibus, certis causis inspectis, temporalem jurisdictionem casualiter exercemus: non quod alieno iuri præjudicare velimus, sed quia, sicut in Deuteronomio continetur: Si difficile & ambiguum apud te judicium esse perspexeris, &c. Quam doctrinam ita non refutavit hujusce questionis autor, ut eam expressè tradat, quod cap. seq. planum fiet.

## C A P U T I X.

Vindicias Richerii complexè sumptas plus obesse, quam prodesse Antistitum Gallicanorum declarationi.

**I**Etiamsi gravis esset Scriptorum, quos sibi Richerius vindices ascivit, autoritas; neque suspectum efficerent illorum testimonium circumstantiæ temporis, & scribendi occasio, seu consilium ac finis: tamen fortior non evaderet pars Illustrissimorum Antistitum Gallicanorum, nec causa illorum appareret æquior; saltem si omnia illa testimonia complexè accipiantur. Manifestius enim aliquibus illorum propositionibus adversantur, quam aliis suffragentur: imò aliquando illis revera opponuntur, quibus favere creduntur. Id ex parte observare jam licuit, quandò aliquibus ex illis testimoniis usi sumus. Sed rursus novis est exemplis confirmandum.

H h h

2. Au-

610 TRACTATVS DE LIBERTATIBVS,

2. Autor quæstionis illius, quæ Ægidio Romano tribuitur; nihil scripsit, quod confirmet, saltem apertè, propositionem, in cuius solius confirmationem adductus videatur: & alia manifestè contradicit; imò & illi ipsi, in cuius patrocinium advocatus est. Ita enim non declarat cum Illustrissimis Episcopis Gallicanis, Reges & Principes in temporalibus nulli Ecclesiastica potestati Dei ordinatione subjici; ut articuli 4. summarium sit hujusmodi; In quibus terrena potestas sit subiecta spirituali potestati. Sed ut mens Autoris evidenter fiat, exhibendus est integer articulus, cuius partem jam dedimus lib. 4. cap. 8. §. 6.

3. Quarto declarandum est in quibus & quoniam potestas temporalis subiecta est spirituali potestati, & in quibus non. Ad cuius evidētiā notandum est, quod quedam sunt cause merè spirituales, sicut causa matrimoniales Extrav. de Decimū, per totum: Item causa Simonia Extravag. De Simonia, per totum. Item causa heresis Extrav. De hereticis cap. Ad abolendam, & cap. Vergentis, & cap. Excommunicamus: item causa divorciī Extrav. De procura. Et omnes alia causa matrimoniales sunt spirituales. De quibus dicit Innocentius Extrav. de iudiciis super illam Decretalem, Novit, super verbo, Juramento. Nota crimen pacis fracte, & perjurii directè pertinet ad iudicium Ecclesie, ut hic in crimine Simonia, sacrilegii, usurarum, heresi, separationis matrimonii, quantum ad therum propter adulterium. Causa merè temporales sunt causa feudales, & causa sanguinis, & hujusmodi. Ista comiūtis Deus immediate & principaliter Imperatoribus & Regibus. De quibus nec Papa nec alii Prelati debuerunt se intronitare in Ecclesia primitiva, licet modo consuetudine de causis personalibus quibusdam & temporalibus ad unumque Judicem recurratur. Sed de Feudalibus in propriis feudis, non nisi ad Imperatores, Reges, & alios Principes. Unde illā Decretali dicit Papa, non negamus quin Imperator precellat in temporalibus. Et ut Extrav. De iudiciis cap. Novit, dicit Papa. Non putes quod jurisdictionem Illustris Regis Francorum periurbare, aut minuere intendamus. Et infra. Qui filii sunt legitimi, dicit Papa, ad Regem non ad Ecclesiam pertinet de talibus possessionibus judicare. Item Extrav. De foro competenti. cap. Vero. Super verbo de Feudis, dicit Innocentius, quilibet Dominus quantumcumque villicus, vel etiam rusticus super feudalibus rebus jurisdictionem habet. Causa mixta sunt causa temporales, qua connexionem quandam habent cum spiritualibus: sicut causa feudalis, qua de se temporalis est, connexionem potest habere cum juramento vel pacto: sicut potest de dissensione mota inter Reges Francie & Anglia super Comitatu Picti-

viens: Papa quia non poterat directè cognoscere de causa feudali, indirectè ratione juramenti vel pacti intromisit se de illa Extrav. De Judiciis cap. Novit. Ubi dicit Hostiensis in glossa super verbo, De feudo; Non intendimus cognoscere de feudo, sed tantumratione pacti, inducendo illum ad pœnitentiam, quia illam non potest agere nisi satisficiat. Item causa dotis per se temporalis est, & ad secularis Judicem pertinet, si de ipsa tantum agatur: tamen quando Judex Ecclesiasticus cognoscit principaliter de matrimonio, si incidat causa dotis tanquam accessoria, cognoscet de illa sicut de principali, cui est annexa, ut patet Extrav. De donatio inter virum & uxorem cap. De prudentia. Ubi dicit Glossa. Quia si non est matrimonium neque dos, & ita dos accedit matrimonio: ideo qui cognoscit de principali, debet cognoscere de accessorio, ut habetur Extrav. de officio delegati, cap. Præterea, & cap. Prudentian. Sic etiam de hereditate cognoscit Judex Ecclesiasticus ratione incidentis. Extrav. Qui filii sunt legitimi cap. Per tuas. Et cap. Ex tenore. Alii sunt plures causas speciales, in quibus Judex Ecclesiasticus cognoscit de temporalibus, quos enumerat Hostiensis in Glossa Extrav. De Judiciis cap. Novit. Sic ergo regulariter verum est, quod de causis mere spiritualibus solus Papa & alii Judices Ecclesiastici habent cognoscere. De causis vero mere temporalibus habent cognoscere Reges, Imperatores & alii Judices世俗的. Et sic Rex Francie secundum iura non subest summo Pontifici, nec ei tenetur respondere de Feudo sui. POTES TAMEN EI SVBIACERE INCIDENTER ET CASUALITER RATIONE CONNEXIONIS ALICVIUS CAVSÆ SPIRITUALIS, sicut habetur Extrav. De Judiciis cap. Novit. & Extrav. Qui filii sunt legitimi cap. per venerabilem.

4. Non minus evidenter idem Autor art. seq. non errandi privilegium summo Pontifici competens firmat ex orationis Christi pro Petro efficacia. Hanc enim sibi objectionem proponit, & continuò solvit; Item utramque potestatem videtur Christus commississe Petro, quando dicit, Tu es Petrus & super hanc petram edificabo Ecclesiam meam. Quia sicut in adiustacione materiali est unus lapis primarius & fundamentarius: sic in Ecclesia debet esse unus Princeps principalis totius Ecclesie fundamentum. Respondeo dicendo, quod hac Petri firmata, super quam fundata erat Ecclesia, non est dominatio temporalis, sed immobilia & inviolabilis stabilitas fidei Christianæ, sicut insinuat Christus dicens: EGO PRO TE ROGAVI PETRE UT NON DEFICIAT FIDES TVA.

§. Sed fortasse cuiquam videbitur Scriptor illis, quæ in  
Hhhh 2 ar-

articulo quarto scripserat contradicere, dum hic subjungit; De potestate enim temporali nullam fecit mentionem, quando dicit: Tu es Petrus, sed solum de potestate spirituali, que solum in ligando & absolvendo, à peccatis in foro conscientie consistit. Certè nullius momenti esset autoritas sibi ipsi contradictentis, quantum ad illud in quo inesset contradictione; atque adeò frustrè in confirmationem primæ propositionis Antistitutum Gallicanorum allegaretur. Nequaquam verò sibi contrarius est in asserta immobili, & inviolabili stabilitate fidei Christianæ, Petro ejusque successoribus. Attamen præstat Autorem ita intelligere, ut in contradictionem non incurrerit. Intelligentia enim ditorum, ut ait S. Hilarius lib. 4. de Trinitate *ex causis* est assumenda dicendi: quia non sermoni res, sed rei est sermo subjectus. Itaque quod huc, ac in tota ista quæstione dicit Autor, de potestate ordinaria & directa, ac de actuali ejus exercitio in bona temporalia, quæ Principibus, non Pontificibus competit, est accipendum, ut ex quæstionis statu, atque ex argumentis constat; non autem de potestate indirecta, quam adeò expressè in art. 4. Ecclesiæ concedit. Adde, quod prædicta Scriptoris verba non possunt tam arctam, ut videntur, habere sententiam; alioquin enim B. Petrus nullam habuisset in foro externo jurisdictionem, etiam quantum ad censuras, sed solum potestatem spirituali, que solum in ligando & absolvendo à peccatis in foro conscientie consistit; quod Catholicæ fidei repugnat. Vult ergo, vel solum illam potestatem Apostolorum Principi datam fuisse illis præcisè verbis Matth. 16. Tu es Petrus, &c. (Quæ tamen sententia adhuc falsa esset, cum illa verba ampliorem facultatem significant) non excludens alias, quæ in aliis Scripturæ locis continentur; vel potius sub potestate spirituali ligandi & absolvendi à peccatis ea omnia intellexit, quæ ad illam quâdam ratione referuntur: cujusmodi est jus impediendi, ne Principes Christiani autoritate sua abutantur in propriæ animæ ruinam, ac in subditorum & Catholicæ Religionis perniciem.

6. Cæterum idem autor eam assignavit originem potestatis, & autoritatis Patriarchalis; ut si quid simplicibus superesset timoris, ne tandem, quod nonnulli Galli aliquan-

dō minitari viſi ſunt, de conſtituendo Patriarchā, exequentur, penitus illius verbis abſtergi queat. Tradit enim tanquam rem fide Divinā certam, Patriarchas omnem ſuam po-testatē & autoritatē à Sede Apoſtolica habere, ac meritō dicendum hæreticum qui id negaret. Aliter potest dici, inquit in eodem art. 5. quod cūm ſermones inquirendi ſint ſecundum materiam, ſicut dicit apoftolus, & intentio in tota illa diſtinctione fit, offendere praeminentiam ſedis Apoſtolice ad ſedes Patriarchales, quia ſedes Apoſtolica illas & instituit & autoritatē dedit: unde ſedes Patriarchales quicquid potestatis & autoritatis habent, dubium non eſt à ſede Apoſtolica emanare. Item Patriarcha au-toritatē habet limitatam in aliquā mundi parte: SEDES AVTEM APOS-TOLICA IN TOTO ORBE: VNDE QVANTVM POTES T SE EX-TENDERE IN LONGVM ET LATVM TEMPORALIS POTES TAS IMPERII, TANTVM SE EXTENDIT AMPLITUDO SPIRITALIS POTES TATIS, VIDELICET APOSTOLICA: ET QVICVM-QVE ISTUD SINGVLARE PRIVILEGIUM CONARETVR AVFERRE, ASSERENDO, QVOD SEDES PATRIARCHALES POTES TAM ET AVTORITATEM SVAM A SEDE APOSTOLICA NON HABERENT ET SPIRITVALEM POTES TATEM, ISTE MERITO DICENDVS ESSET HÆRETICVS.

7. Joannes de Parisis, cujus Tractatus de potestate Regia & Papali in lib. 2. Vindiciarum Richerii, quæſtionem, de qua egimus, ſequitur, non minùs expreſſè agnoscit Summi Pon-tificis ad definiendas inconcussas judicio fidei controverſias potestatē, ejusque in totam Eccleſiam jurisdictionem. Sic enim ſcribit cap. 3. Maniſteſtum eſt autem quod licet populi diſtinguan-tur per diuersas Diæceses & Civitates, in quibus preſum Epifcopi diuersi in ſpiritualibus, tamen una eſt omnium fideliſum Eccleſia, & unus populus Christianus. Et ideò ſicut in qualibet Diæceſi eſt unus Epifcopus, qui eſt caput Eccleſia in illo loco vel populo: ita in tota Eccleſia, & in toto populo Christiano eſt unus summus Epifcopus, ſcilicet Romanus, & Petri ſuccēſſor: ut ſic Eccleſia militans per ſimilitudinem à triumphante derivetur, ubi unus preſideſ ſuo Universo. Apocalip. 21. Ipsi populus ejus erunt, & ipſe Deus cum eis erit eorum Deus: Et Jeœl 1. Congregabuntur filii Iuda & filii Iſraël pariter, ut ponant ſibi caput unum: & Joan. 10. Fiet unum ovile & unus Paſtor: quod quidem de Christo tantum intelligi non potest, ſed de aliquo alio Miſiſtro, qui omnibus preſerit loco ejus. Nam poſt corpora em ſubſtracionem preſentie cor-pora-

Hhh 3

potest

614 TRACTATUS DE LIBERTATIBVS,  
poralis Christi contingit interdum circa ea, quæ sunt fidei, questionem moveri, in  
quibus propter diversitatem opinionum vel sententiarum divideretur Ecclesia (qua  
ad sui unitatem requirit fidei unitatem) nisi per unius sententiam Ecclesiæ uni  
tas servaretur. Hic autem unus principatum hujusmodi habens est Petrus suc  
cessor Christi, non quidem Synodali ordinatione, sed ex ore Domini, qui Ec  
clesia sua noluit deficere in necessariis ad salutem ipso dicente Joan. ult. anno  
ascensionis Petro singulariter, PASCE OVES MEAS : & Luc.22. ante  
Passionem, ET TV ALIQVANDO CONVERSUS CONFIRMA FRA  
TRES TVOS.

8. Adeò cum Catholicæ Religionis doctrinâ consentit hæc  
sententia, ut etiam qui ab illa recedere meditabantur, ad eam  
identidem, quasi secreto fidei impulsu revocati videantur.  
Audi Joannem Gersonium Tract. de statibus Ecclesiasticis tit.  
De statu Prelatorum confid. 13. Status Episcopalis habet rationabiliter  
MONARCHAM SVPREMVM, SCILICET PAPAM RATIONE  
VNITATIS FIDEI ET SACRAMENTORVM : Sed hoc non ita perfici  
cum est esse debere ex institutione Christi, & pro utilitate universalis Ecclesie  
respectu dispensationis bonorum temporalium, & jurisdictionum contentiarum,  
seu coercitivarum, que diversis Legibus, seu Decretalibus, aut Statutis pro  
diversitate locorum & temporum regi debent, sicut & alia merè temporalia,  
Regalia, vel Imperialia. Hinc bene dictum est, quod qualibet Provincia in sen  
su suo abundat. Itaque ex mente Gersonii verbis ipsis expressa;  
Papa Status Episcopalis Monarcha est; & quidem supremus, ratione uni  
tatis Fidei & Sacramentorum: id est ut dissentientibus fortè cœ  
teris Episcopis, ac in varias sententias distractis, multitudo  
ad unitatem per unius supremi Monarchæ judicium reducatur;  
atque ita sicut unus est Dominus, sit etiam una fides, unum  
baptisma; quæ est ratio Doctoris Angelici.

9. Dubitabis fortasse, an ea fuerit Gersonii mens hoc  
in loco, quia contraria alibi indicat. Sed, ut jam innui,  
hæc contradic̄tio, si sibi Gersonius contradixit, tribuen  
da est hinc ejus in Pontificiæ potestatis, tempore schismatis,  
abusus commotioni, hinc Religionis & avitæ disciplinæ  
instinctui. Perspicua sunt Gersonii verba modò relata. Quo  
modò enim Papa erit Monarcha supremus, si ejus judicium ab alio,  
puta à Concilio generali, possit reformari? Quomodo sta  
bit unitas Fidei & Sacramentorum, nisi unius illius sententiae in  
hærcæ-

hæreatur? Nonne poterunt in Conciliis Episcopi variæ variè opinari? Nonne tunc unius autoritate ad unitatem erunt revocandi? Respondebis Monarchiam in eo consistere, quod Papa sit, Ecclesiæ universæ providere, Concilia generalia convocando, & Canones exequendos curando; sed nonne Pontifex illam etiam potestatem habet circa jurisdictionem, & circa temporalia, circa quæ tamen Geronius, quamvis dubitativè, minorem illi tribuit autoritatem; fortasse quia, cum longè minoris sint pretii, inferioribus plenius committenda videbantur, supremo autem Monarchæ reservanda, quæ ad unitatem Fidei & sacramentorum spectarent.

10. Quæ circa Richerii Vindicias dicta sunt, sufficere mihi videntur, si minus ab absolutam eorum confutationem; quippe quæ opus integrum postularent, saltem ut constet eas non ita firmare Declarationem Illustrissimorum Antistitut Gallicanorum, ut (si hæc sola erant illius fundamenta & munimina, quæ brevi vulganda ja&t;abantur) multum timendum sit sanctæ Sedi ab hujusmodi machinis.

## C A P U T X.

*Jurisdictionis summi Pontificis, ejusq; potestas, tñm in definendis fidei questionibus, tñm in condendis Legibus, celebri Ecclesiæ Gallicanæ testimonio confirmantur.*

1. Pro aptissima Coronide, non solum hujus libri, sed etiam omnium præcedentium, in quibus generalia capita de summi Pontificis autoritate tractata sunt, visum est, antequam ad singularia puncta veniamus, quæ, præsertim à Laicis, tanquam Libertatum Ecclesiæ Gallicanæ partes, pronuntiatur; quæque non tam à Clero Gallicano contra summum Pontificem, aut Curiam Romanam instrueta sunt, quam ad extollendam Jurisdictionem sæcularem, oppressâ, vel depressâ Ecclesiasticâ, illis, quæ variis in locis dicta sunt de Cleri Gallicani circa potestatem summi Pontificis sententia, novum adjungendum esse testimonium; ut iterum evidenter constet, quantum Illustrissimi Episcopi Parisiis anno

Hhhh 4 1682.

M. C.  
Libert  
Secte  
G. H.  
234

TRACTATVS DE LIBERTATIBVS,  
1682. congregati à Majorum suorum vestigiis recesserint sub  
obtentu tuendarum libertatum à Majoribus suis propugna-  
tarum.

2. Videtur autem irreprehensibile testimonium. Est enim  
Episcoporum non alicujus spei , vel timoris impulsu , sed ex  
libero affectu , ac sensu loquentium , in Comitiis generali-  
bus , & solemnibus congregatorum monumentum , typis edi-  
tum , à Typographo Regio cum privilegio Majestatis Christia-  
nissimæ , sub hoc titulo ; *Advis de l'Assemblée générale du Clergé de*  
*France à Messieurs les Archevêques , & Evesques de ce Royaume , conclu-*  
*sum ; Fait en l'Assemblée générale du Clergé de France le 20. Janvier 1626.*  
& subscriptum ; Par le commandement des Illustissimes , & Reverendissimes Cardinaux , Archevêques , & Evesques , & de tous les Ecclesiastiques dé-  
putez en l'Assemblée générale du Clergé de France. Leonor d'Estampes Evesque de Chartres. Hujus Instrumenti articulus 137. quem , licet aliquantum prolixum , ipsiusmet verbis Gallicis , ut tota illius  
vis manifestius appareat , exscribimus , sic habet.

3. C'est un des grands témoignages de l'amour qu'on porte à Dieu , quand on  
respecte , & honore ceux qu'il a constituéz en ce monde pour estre son image , y  
tenir sa place , & en son lieu suppléer visiblement aux nécessitez des hommes  
pour le salut de leurs ames . Ce qu'ayant été donné prérrogativement aux souve-  
rains Pontifes par dessus tous les Evesques ; il est bien raisonnable que se recog-  
noissant ses inférieurs , ils leur portent tel honneur , respect , & reverence ,  
qu'à leur exemple tout le reste des hommes fasse la même chose . Les Evesques  
seront donc exhortez d'honorer le saint Siège Apostolique , & l'Eglise Romaine ,  
fondée dans la promesse inviolable de Dieu , dans le sang des Apôtres , & des  
Martyrs , la Mere des Eglises ; & laquelle pour parler avec S. Athanase , est  
comme la teste sacrée , par laquelle les autres Eglises , qui ne sont que ses mem-  
bres , se relevent , maintiennent , & conservent : respecteront aussi nostre  
saint Pere le Pape , chef visible de l'Eglise universelle , Vicaire de Dieu en ter-  
re , Evesque des Evesques , & Patriarches ; en un mot Successeur de S. Pierre ;  
auquel l'Apostolat , & l'Episcopat ont en commencement , & sur lequel Jésu-  
Christ a fondé son Eglise , en lui buillant les Clefs du Ciel , avec l'infalibilité  
de la Foy , que l'on a veu miraculeusement durer immuable en ses Successeurs  
jusques aujourd'huy : Ce qu'ayant obligé les fidèles Orthodoxes à leur rendre tou-  
te sorte d'obeissance , & de vivre en déférence à leurs saints Decrets , & Or-  
donnances ; les Evesques seront exhortez de faire continuer la même chose , &  
reprimer tant qu'il leur sera possible les esprits libertins , qui veulent révoquer

modeste, & mettre en compromis cette sainte, & sacrée autorité confirmée par tant de loix divines, & positives : & pour montrer le chemin aux autres ilz desireront les premiers : Or estant besoin d'une assistance particulière du S. Esprit, pour conduire un gouvernement si important, tel qu'est celuy de l'Eglise universelle ; Les Evesques ordonneront qu'en toutes les prières de leurs Diocèses, il en soit faire une particulière, pour le saint Pere qui sera seant en la chaire de S. Pierre ; afin qu'aide des suffrages de tous les fidèles, tous ses soins, & toutes ses peines réussissent à la gloire de Dieu, au bien de son Eglise, & au salut des ames.

4. Quis credat, omnes Episcopos modernos, cæterumque Clerum Gallicanum, recentiorum Comitiorum declaratio-  
nem, quantumvis Richerii, Vigocii, vel Launoii suffragiis  
munitam, potius amplexuros, quam antiquorum, quorum  
est istud testimonium, & aliorum, quorum verba in libris  
præcedentibus retulimus, vestigiis inhæsuros. Quis suspi-  
cetur, Ecclesiam Gallicanam adeò esse immutatam, ut Majo-  
rum suorum doctrinam publicâ declaratione eversam velit ?  
Quis non existimet, cæteros Regni Episcopos, & inferioris  
Ordinis Ecclesiasticos Viros gloriæ ab Ecclesia Gallicana ob-  
summam erga sanctam Sedem reverentiam, & obedientiam  
merito comparatae participes fieri malle, quam maculæ à no-  
vissimis Comitiis contractæ ob ingestas ( ne quid gravius di-  
cam ) molestias summo Pontifici suarum Ecclesiarum liber-  
tates tuenti ? An Aulæ desideriis obsequi, quam avitam erga  
Romanam Ecclesiam pietatem, & fidem colere, ac retinere  
laudabilius ducent, ac coram Deo securius ?